

文牘南針

袁大總統文牘類編

上海會文堂書局印行

袁大總統
文牘類編

山陰湯壽銘署簽



此碑在石門山
石門山在石門
石門山在石門
石門山在石門
石門山在石門
石門山在石門
石門山在石門
石門山在石門
石門山在石門
石門山在石門

例言

一袁氏圖竊民國。為世所詬。然其文詞有足觀者。固不可以人廢言也。因輯此編。以供閱覽。

一本編分就職。政體。議會。憲法。政治。外交。共和。風尚。治安。保護。查禁。財政。軍政。法律。教育。農商。任免。懲獎。用人。吏治等二十類。并附錄。

一本編專供研究文牘之用。非關援引。故年月日概不附註。

編者識

袁大總統文牘類編目錄

第一類 就職

致黎副總統委託代表接受事權電

致各省都督議會電

致黎副總統表明宗旨電

蒞臨時大總統任誓詞

蒞參議院宣言

附參議院致辭

覆副總統祝賀共和紀念

致各省宣告就職正式大總統

致黎副總統請來京就職

附福建都督孫道仁祝賀電

附廣西都督陸榮廷祝賀電

蒞任正式大總統宣言

第二類 政體

國慶紀念日宣言

令湖北民政長查李襄平治文

致副總統及各省解釋猜嫌電

第三類 議會

參議院閉會致詞

國會開會頌辭

咨參眾兩院開院頌辭

咨參眾兩院請選舉正式大總統文

布告各省從速組織者議會文

布告國民注重選舉文

飭令解散贛議會文

通令停止兩院議員職務文

布告解散國會原因文

覆黎副總統論兩院制書

附黎副總統來電

第四類 憲法

約法會議開會頌詞

致眾議院咨請增修約法案文

咨復眾議院查詢解嚴辦法文

咨憲法會議派員至會代表陳述意見文

致憲法會議咨詢憲法案公布權文

咨約法會議文

第五類 政治

政治會議開會訓詞

政治會議開幕勅詞

附熊總理希齡頌辭

附李議長經羲頌辭

通令各省派員參與政治會議文

覆黎副總統論軍民分權書

附黎副總統來電

覆黎副總統論軍民分治書

致柏文蔚論政見書

致黎副總統商榷大政方針書

附黎副總統覆電

覆伍廷芳函

附來電

第六類 外交

清隆裕太后壽誕祝書

致謝美國承認中華民國國書

附美大總統承認民國國書

答清宣統帝祝詞

附大清宣統帝祝詞

答謝英皇祝詞

附英皇祝詞

答德皇祝詞

附德皇祝詞

答日皇祝詞

答英國公使呈遞國書頌詞

附英國公使呈遞國書頌詞

答美國公使呈遞國書頌詞

附美國公使呈遞國書頌詞

答德國公使呈遞國書頌詞

附德國公使呈遞國書頌詞

答法國公使呈遞國書頌詞

附法國公使呈遞國書頌詞

答俄國公使呈遞國書頌詞

附俄國公使呈遞國書頌詞

答和蘭國公使呈遞國書頌詞

附和蘭國公使呈遞國書頌詞

答丹麥國公使呈遞國書頌詞

附丹麥國公使呈遞國書頌詞

通飭保護外人文

致清龍親王書

附清龍親王覆書

通告各國公使書

第七類 共和

裁撤藩屬名稱文

豁除五大民族槍相禁令文

飭令宣布優待蒙回藏條件文

致庫倫活佛書一

致庫倫活佛書二

覆庫倫哲布尊丹巴書

覆庫倫哲布尊丹巴書

第八類 風尚

通令國民尊崇倫常文

通令尊崇孔聖文

通令崇尚節儉文

第九類 治安

飭令粵省軍官維持大局文

通令嚴捕圖謀內亂黨徒文

通令各省維持治安文

通令宣布定亂方針文

通令各省宣布中央困難情形文

飭令蘇省長官籌辦善後事宜文

致東三省及直隸山東山西河南熱河察哈爾官紳維持行政機關函

致副總統暨各省論時局書

覆滇桂川黔四督宣告宗旨電

致副總統暨皖都督論武漢亂事書

致各省宣布意見書

致程都督諮詢南京近狀書

致南京各軍使函

第十類 保護

保護旗人公私財產文

布告閩粵等省保護華僑文

致江蘇都督程維護民有公產文

致程都督陳交涉使維持航權電

附程都督覆電

第十一類 查禁

通飭禁種鴉片文

嚴禁強迫勒捐文

通飭嚴禁秘密結社文

嚴禁種植販賣吸食鴉片文

通飭解散秘密結社集會文

通令禁止造謠保衛商民文

誥誠政黨並禁軍人入黨文

覆粵都督胡漢民電

附胡漢民原電

第十二類 財政

致眾議院為大借款條件咨照備案文

咨參眾兩院聲明借款事件并未歲視議會文

咨眾議院交議預算案文

批財政總長周學熙請派員視察各省財政

呈

飭令各省整理財政文

通令裁減行政經費限制兵額文

通令查燬偽造軍用鈔票文

通令各省都督民政長國稅廳規復舊稅文

覆黎副總統論借款利弊書

致黎副總統商權借款及國民捐書

致四川都督說明借款真相書

第十三類 軍政

訓勉陸軍部人員詞

勉勵海陸軍軍人文

布告軍警各界文

布告軍界文

布告各省嚴整軍律文

勸誡軍人文

誥誡軍人訓令

誥誡軍人訓條

飭令軍人服從命令文

致南京留守黃興軍人不得私組政團

覆伍廷芳論滬上叛軍

通飭軍警遵守紀律文

通令申誡軍人文

布告普師文

布告軍旅勿驕勿懈文

致各省都督密商戰事計畫書

覆王芝祥軍統嚴禁軍人干涉政治書

第十四類 法律

布告赦免刑罰文

批熊總理擬定暫行條例請頒布施行呈

附熊總理原呈

致各省都督維持大局函

第十五類 教育

通令整飭學風文

批北京大學校校長何燏時呈

附大學校校長何燏時原呈

第十六類 農商

通飭重農保商文

通令各省提倡實業文

第十七類 任免

致參議院任命國務總理咨請同意文

通令各省宣布文官任免執行令文

覆黎副總統辭兼領湖北都督呈

附黎副總統辭鄂督原呈

批唐總理辭職呈

附唐總理辭職原呈

批財政總長熊希齡辭職呈

附原呈

批農林總長宋教仁辭職呈

附原呈

批陸總理辭職呈

批國務總理陸徵祥請免國務總理本官

呈

批國務總理趙秉鈞辭職呈

附原呈

批國務總理熊希齡辭職呈

附原呈

批湖北內務司長饒漢祥辭職呈

附饒漢祥辭職原呈

批饒漢祥再請辭職呈

附湖北內務司長饒漢祥辭職呈

致副總統及各省宣佈總理辭職電

致副總統各省都督不得推舉總理函

致副總統及各省都督述閣員黨見書

覆工商總長陳其美函

附工商總長陳電

致各省宣告參議院否認閣員情形電

致各省通告陸總理辭職電

第十八類 懲獎

通令嚴懲倡言二次革命黨徒文

通令查明各省商會拒亂有功人員呈請獎

勸文

授前任臨時大總統孫文大勳位證書

授黎副總統大勳位證書

授前國務總理唐紹儀勳一位證書

授前司法總長伍廷芳勳一位證書

授江蘇都督程德全勳一位證書

授陸軍總長段祺瑞勳一位證書

授直隸都督馮國璋勳一位證書

授陸軍中將孫武勳二位證書

授梁士詒勳二位證書

附孫中山辭勳位電

附黃克強辭勳位電

附黃克強辭上將電

覆黃克強電

覆朱都督

致周師長英勵函

第十九類 用人

致各省調停魯事書

致黎副總統邀請鄂軍人才書

致黎副總統邀請人才書

覆黎副總統論用人宜慎書

致樊英山函

致岑雲階函

覆湯藝仙電

附湯藝仙復電

致康南海

附覆電

致康南海

附覆電

致趙爾巽延聘充任清史館館長

附覆電

致趙爾巽延聘充任清史館館長

第二十類 吏治

布告內外文武官員文

布告內外文武各官員照舊供職文

整肅官箴文

誥諭百僚文

誥諭百官有司文

布告豁免官員因公虧累款項文

令各省民政長整頓吏治文

令各省行政長官不得逾越範圍文

通飭各省組織畫一行政官廳文

通令整飭官常文

通令整肅官箴文

第二十一類 附錄

進祭先烈文

小萬柳堂寫本首楞嚴經序

清光緒帝后奉安喪祭祭文

清光緒帝后奉安吉祭祭文

祭故直隸都督趙秉鈞文

祭直隸都督趙秉鈞文

袁大總統文牘類編

第一類 就職

致黎副總統委託代表接受事權電

南京專使到京後。本擬布置稍安。即同南行。不意廿九日。猝遭兵變。致此劇變。大為搖動。內憂方殷。外患亦亟。赴甯之舉。暫難起行。惟統一政府。不早成立。即大局日起危殆。現得南京孫大總統同意。委託足下往甯。代為接受事權。務望即日赴節。不勝盼禱。

致各省都督議會電

世凱衰老。負全國人民付託之重。辱蒙諸公推戴。函電交譽。感愧無似。前特派張紹曾代表赴南。藉申謝悃。昨張代表回京。具道諸公匡扶大局。共濟艱難之熱心。深識遠猷。至銘肝膈。民國前途。實賴之。世凱益當勉竭愚庸。力圖國利民福。以副厚望。

致黎副總統表明宗旨電

凱於共和。景仰有素。此次武漢起義。全國景從。不數月間。民國成立。凱幸得同列公民。謬承不棄。推為大總統。詎勉馳驅。期裨國是。乃謠傳紛來。不堪入耳。甚者謂凱不忠民國。欲步拿破崙之後塵。挾私誹謗。搖惑人心。現在國基未固。列邦尚未正式承認。中國前途。時形危險。凱德薄能鮮。謬膺艱鉅。尚望全國人民。協力同心。匡扶大局。耿耿初衷。天日可掬。幸勿猜疑。致碍大局。

蒞臨時大總統任誓詞

民國建設造端。百凡待治。世凱深願竭其能力。發揚共和之精神。將蕩專制之瑕穢。謹守憲法。依國民之願望。漸達國家於安全強固之域。俾五大民族。同臻樂利。凡茲志願。幸履勿渝。俟召集國會。選定第一期大總統。世凱即行解職。謹掬誠悃。警告同胞。

蔭參議院宣言

世凱忝承五大族推舉。夙夜祇懼。恐不能勝。謹掬誠悃。敬告我國民。在志氣高遠者。諒必以世凱兼任伊始。必有宏大之議。以一新聞聽。然審時度勢。未敢以語此也。古今立國之道。惟在整飭紀綱。修明法度。使內外相繫。強弱相安。乃可鞏固國基。爭存宇內。邇來兵事擾攘。四民失業。公私交困。已達極點。而士卒多昧服從之義。人民鮮知公共之益。空談者偏於理想。營私者多年權利。循此不變。必至紀綱廢墜。法度蕩然。欲保障人民之生命財產而不可得。尚敢復侈言鋪張乎。世凱向持銳進主義。不甘以畏難保守自居。數十年苦心經營。當為諸君所共見共諒。但現值改革之後。亟當維持秩序。利用厚生。建設從穩。健入乎。措置以實事為歸。譬如營造巨室。須將基礎審慎測量。擇工選料。層層穩固。處處堅實。非可徒侈外觀。虛事粉飾。然後廣廈落成。方能歷久不敝。倘以孟浪潦草出之。恐牆壁未立。而傾覆隨之。其損失何可勝言。是以必須根本完固。再行急起直追。則觀成可操。左券矣。百廢待興。要在財政。去歲度支預算。雖云入不敷出。然尚號稱有二百六十餘兆兩之歲入。半年以來。工商荒廢。稅入銳減。外債暫不能償。近以改良政治。必須輸入外資。故先定整頓財政大綱。增加財政信用。每年應還借款賠款本息。

約五千萬兩。借款多以關稅作抵。亦有以釐金作抵者。賠款以關稅及鹽課作抵。速與有約之國商議加稅。一面廢去釐金。及減少出口稅。每年海關常關所入。可由四千四百萬兩。增至六千餘萬兩。可抵支前項外債而有餘。至鐵路及他項借款。另以鐵路及他項進款償還。不足則由鹽課撥補。尚有各省所借外債。其總數約一千餘萬兩。又去冬欠交庚子賠款一千二百餘萬兩。均歸入組織新政府所用大借款項下。速為償還。建設行政所需。應迅速成立預算。以定支用。大借款標準。目前先發出暫時短期庫券。以濟急需。此項庫券。由將來大借款歸還。此事極為要著。舍此無他法。可恢復財政信用。仿照新法整理鹽政。可增鹽課五千萬兩。清理田賦。剔胥役之積弊。輕人民之負擔。未經升科之地。搜集專門人才。從新測量。酌定稅率。改良國幣。劃一國法。為財政最要關鍵。即須迅速實行。我國財政。專門人員尚少。又乏經驗。將來庶政具舉。亦須借用異材。以資先導。而備顧問。民國成立。宜以實業為先務。故分設農林工商兩部。以盡協助提倡二義。凡學校生徒。尤宜趨重實業。以培國本。吾國實業。尚在幼稚時代。實言之。中華實農國也。墾荒森林。畜牧漁業。茶桑。富藏於地。類多未闢之菁華。願我國民無從空中討生活。須從腳底下着想。即以礦產言之。急須更改礦章。務從便民。力主寬大。以利通行。且商律與度量權衡。亦應迅速妥訂實行。近日軍隊複雜。數逾常額。幾倍。消耗過鉅。閭閻何以堪此。已對財政陸軍兩部實行收束之方。人民信教自由。舉凡各教。均一視大同。毫無偏倚。不論其信教與否。亦不論其信仰何教。均須互相尊重。志派猜嫌。莫享幸福。我國民習慣積重。急切難

趨大同。教育尚未普及。改革尚多障礙。軍人缺乏精神。訓練當探根本。法律亦未克備。法權仍多放棄。交通未能暢達。風氣難期畫一。均當與國務員隨時籌商。力求進行。邇來外國對我態度。類皆和平中正。藉示贊助之誠。固徵世界之文明。更感友邦之睦誼。凡我國民。務當深明此義。以開誠布公。鞏固邦交為重。凡從前締結之條約。均當切實遵守。其已締約而未辦之事。迅速舉辦。從數千百年專制之後。一躍而躋共和。宜吾國民之色然而喜也。然世凱深以吾國之未進步為憂。深望吾國民。常處於不足。勿誇張自滿也。深望以公誠推與。勿互相猜忌也。四萬萬心。惟一心。國乃強。此次特任國務總理唐君。與各部總長。皆一時濟變之才。世凱正資倚任。相與共支大局。願國民深信之。贊助之。為幸。

附參議院致辭

維中華民國元年四月二十九日。即統一政府成立。參議院移至北京開會之第一日。臨時大總統袁世凱。躬蒞宣言。本院代表國民。謹致之辭曰。國於大地。各殊其體。惟止至善。曰主於民。繫我中華民國。肇基於武漢。起義底定於南北。統一政府成立。大總統躬蒞本院宣言。凡我五族同胞。罔不歡祝。冀觀厥成。惟搏挽四千餘年之古國。廓清泰政以來。十二朝專制之錮習。及晚近時代社會傳染之惡風。雖假敏手。是謂大難。望大總統及執政諸君。用人各當其才。行政急所先務。所秉者公意。所察者輿情。民國前途。庶幾有為。本院代表國民。尤不能已於言者。當此內政廢弛。外交困厄。民庶窮蹙。軍士板擾。政府排萬難。冒萬

險苟有利於國者。措施雖有時以權濟變。本院亦靡不樂為贊助。期於成功。否則苟且之策。補苴之術。形式徒具。精神生亡。本院職司所在。萬不能同流自陷。幸負國民。行政立法機關。相切伊旣。共夫斯言。

覆副總統祝賀共和紀念

共和紀念。承賀溢慚。追思起義之初。倡自鄂中。由公提挈。四方風動。萬象更新。凱以不德。謬承推舉。摺拄經年。精力消耗。受外界之激刺。應付幾窮。憤民生之流離。撫綏乏術。法律不足以懲奸究。道德不足以維人心。財政則羅掘一空。債臺高築。民氣則譁張日甚。良善吞聲。撫此沾危。斷非衰朽所能勝任。幸臨時期限。瞬將告終。息肩養病。庶遂初志。幸免隕越。以樂餘年。聊布謝忱。還祝蕃贊。

致各省宣告就職正式大總統

世凱承之臨時總統。且年餘矣。時局艱難。民生困苦。深恐統一之局。未能圓滿。幸內亂初定。人心稍安。而救國本懷。未酬萬一。本擬解職歸田。以釋重負。此次國民會議。已放選舉。各友邦又以此余被選之日。為承認之期。何敢高臨鳴謙。敬以國慶日。就正式大總統之職。德薄能鮮。時切冰統。好惡同民。勿敢暇逸。重負父老子弟之期望。凡我在位。共濟鉅艱。匡救彌縫。所冀嘉猷。特電以聞。

致黎副總統請來京就職

本日國民選舉。舉公為正式副總統。為民國賀踴躍無已。兩給以來。賴公協力同心。維護大局。甘苦安危。皆所與共。民國之不推賂世凱之無。傾越賢。惟公之力。國基漸固。復得同濟舟楫。尤深欣幸。世凱現擬初十就職。盼公來京。同時蒞任。鄂地綦重。或即在武昌就職。恣候尊裁。此後巨川共濟。惟冀終始教勗。以匡不逮。羣我民國。凡五族生靈。實同受其賜。甫望江漢。不勝嗚仰。

附福建都督孫道仁祝賀電

恭電敬悉。大禮告成。羣情歡頌。竊維日月照臨。四表光被。干戈底定。薄海膺歡。具濟變之宏才。勳業遠超。夫皇古際順天之昌運。謳歌早徧於神州。萬方已掃妖氛。繼唐虞而稱邦治。兆姓同瞻瑞靄。軌法美以締共和。道仁奉職閩疆。躬逢盛典。雖拜揚無當於高深。而頌祝難忘。夫鼓舞所願。凡我同胞。均遵良軌。席方興之氣象。彌策勵於衷懷。鞏固邦基。錦繡之山河恒麗。昌明漢族。黃農之運會復隆。敬表頌忱。伏希察照。

附廣西都督陸榮廷祝賀電

當中華民國國慶之期。為我大總統就職之始。舉此威儀。併在今日。榮廷等誠歡誠喜。以鼓以舞。竊維創造共和。廓清區宇。人權甯一。景開泰平。舉維睿算。允矣公矣。是以頌聲洽於隣邦。協氣充乎薄海。謳歌為感。欣忭攸同。榮廷等職忝南服。幸際昌期。無尺寸效。仰候裁成。輔相之功。喜億萬民。得享泮渙優游之樂。謹率三疆之眾。虔伸萬歲之呼。均泱歡悰。敢忘慶頌。廣西都督兼民政長陸榮廷率文武官吏軍民人等敬賀。

莊任正式大總統宣言

余不才。忝居政界數十年。向持穩健主義。以為立國大本。在修明法度。整飭紀綱。而後應時勢之所宜。合人羣而進化。故歷辨革新諸政。凡足以開風氣者。必一一圖之。但余取漸進。而不取急進。以國家人民之重。未可作孤注之一擲。而四千年先民之教澤。尤不可使斷喪無餘。如戊申以後。歸田課耕。不復與聞政事。生平救國之志。已如遇眼烟雲。乃武漢事起。為時勢所迫。身當其衝。大懼吾國吾民之無以生存。而思減少其苦痛。後清帝遜位。共和告成。以五大族之不紊。推為臨時大總統。此種政體。吾國四千年前已有雛形。本無足異。乃事權牽掣。無可進行。夙夜務復。難安寢饋。然且忍之又忍。希望和平。乃本年七月間。少數暴民。破壞統一。傾覆國家。此東亞初生之民國。端端焉將不保。余為救國救民計。不得已而用兵。幸人心厭亂。將士用命。不及兩月。內亂教平。極思解職歸田。長享共和幸福。而國民會議。羣相推舉。各友邦又以余被選之日。為承認之期。未敢高蹈鳴謙。以致搖動國基。負我父老子弟之期望。蓋余亦國民一分子。耿耿此心。但知救國救民。成敗利鈍。不敢知。勞逸毀譽。不敢計。是以勉就茲職。今將以余極誠懇親愛之意。與我國民一言之。

西儒恒言。立憲國重法律。共和國重道德。顧道德為體。而法律為用。今將使吾民一躍而進為共和國民。不得不借法律。以輔道德之用。余歷訪法美各國學問家。而得共和定義曰。共和政體者。未大眾意思。制定完全法律。而大眾嚴守之。若法律外之自由。則共恥之。此種守法習慣。

必積久養成。始起居之有禮。飲食之有節。而後為法治國。吾國民性最馴。惟薄於守法之習慣。余望國民。共守本國法律。習之既久。則道德日高而不自知矣。

又共和國。以人民為主體。人民大多數之公意。在安居樂業。改革以後。人民受種種刺激。言之慘然。余日望人民恢復元氣。不敢行一擾民之政。而無術以預防暴民。致良民不免受其荼毒。是余所引為憾事者也。余願極力設法。使人民真享共和幸福。以達於樂利主義之目的。

國民生計日蹙。迫於飢寒。暴民之尤狡者。利用此等貧民。驅之死地。可憫之至。欲國之長治久安。必使人人皆有生計。而欲達此目的。則必趨重於農工商。余聞文明國頭等人物。往往願為實業家。吾國天時地利。不讓諸強。徒以墾牧不講。工藝不良。礦產林漁。棄貨於地。無憑貿易。出口日減。譬諸富人藏窖。而日日憂貧。余願全國人民。注意實業。以期利用厚生。根本自固。

雖然。實業之不發達。厥有二因。一在教育之幼稚。一在資本之缺乏。無論何項實業。皆與科學相關。理化之不知。汽電之不講。人方以學戰。以商戰。我則墨守舊法。迷信空談。余願國民輸入外國文明教育。即政治法律等學。亦皆在實際。而無空言。余對於教育之觀念如是。

實業非資本不辦。以吾國地質之膏腴。物力之豐富。豈得為貧。生人所需。不出衣食住之屬。金錢其善馬耳。但金錢不足。無以為兌換之資。缺少金錢。猶缺少善馬。故欲備一切實業之開辦。資本不得不仰諸富有善馬之鄉鄰。迨地利既闢。無曠土。無游民。所借資本。子母相生。除償還本利外。尚有贏餘。比諸藏窖而憂貧者何如。故願吾國輸入外國資本。以振興本國實業。

夫輸入外國文明與其資本。是國家主義。而實世界主義。世界文明之極。無非以己之有餘。濟人之不足。使社會各得其所。幾無國界可言。孔子喜言大同。吾國現行共和。則開關時代之舊思想。必當掃除淨絕。凡我國民。既守本國自定之法律。尤須知萬國共同之法律。與各國往來。事事文明對待。萬不可有歧視外人之意見。致生障礙。而背公理。邇來各國對我政策。皆主和平中正。遇事諸多贊助。固徵世界之文明。尤感友邦之睦誼。凡我國民。務當深明此義。以開誠布公。鞏固邦交為重。本大總統聲明。所有前清政府。及中華民國臨時政府。與各外國政府所訂條約。協約。公約。必應恪守。及前政府與外國公司人民所訂之正當契約。亦當恪守。又各國人民在中國。按國際契約。及國內法律。並各項成案。成例。已享之權利。並特權。豁免各事。亦切實承認。以聯交誼。而保和平。凡我國民。當知此為國際上當然之理。蓋我有真心和好之證據。乃能以禮往來也。

余之所以告國民者。此其大略也。而又重言以申明者。仍不外道德二字。道德範圍廣大。聖賢千萬語。而不能盡其詞。余所能領會者。約言之。則忠信篤敬而已。

忠之本義。忠於一國。非忠於一人也。人人以國為本位。勿以一身一家為本位。乃能屈小己以利大羣。其要在輕權利。重義務。不以一己之權利。妨害國家之大局。而義務心出焉。是謂忠。孔子云。民無信不立。文明各國。有以詐欺行為誦人者。其受辱若捷之於市朝。華成頓幼時受其父教。即不作誑語。吾國向重信義。近來人心不古。習為誇張。立身且難。何況立國。前清曾國

藩云。立身以不妄語為本。故無論對內對外。必當以信。

何謂篤信。文明各國。保存國粹。雖一名一物。惟恐或失。不害其進化之速也。吾國向以名教為大防。經四千年之胚胎變化。自有不可磨滅者存。乃或偏於理想。毀棄一切。不做實事。專說大話。未得外國之一長。先拋本國之所有。天性澆薄。傳染成風。本之不存。業將焉附。故救之以篤。

何謂敬。有恒心。然後有恒業。人而無恒。則有事時犯一亂字。無事時犯一偷字。職業所在。情氣乘之。萬事敗壞于愆忽之中。而無人負責。徒為旁觀朝諷之語。而已之分內事。轉漠然不察。始知古人敬事二字。有味乎其言之也。故去做去。情必以敬。

以上忠信篤敬四字。余夫與國民共勉之。日誦於心。勿去於口。蓋是非善惡。為立國之大方針。民之好惡。雖不盡同。而是非善惡。必有標準。大致奉公守法者。則為是。為善。越禮犯義者。則為非。為惡。余願國人有辨別心。

人亦有言。文明日造。則由儉入奢。是已。若以貧弱不堪之國。不學他人之文明。而惟學其奢華。是以病夫與壯士鬥也。近歲以來。國民生活程度日高。而富力降而愈下。國會示儉。古人言之。余願國民於道德心中。尤注意於儉德。

總而言之。法律與道德。同時並進。則共和之國度。乃穩固而不搖。至國防問題。吾國正在休養生息之時。尚非武力競爭之時。惟余所切切於心者。海陸軍人。以服從命令為義務。以保護人民為天職。各將領。誰不知之。而此二者。頗為近日風潮所鼓盪。未能完全收效。是余統率之責。

有本盡也。此後當于精神教育十分注意。以對於人民。

故余以最誠摯親愛之意。申告於國民曰。余一日在職。必一日負責。願中華民國卷四萬萬人之中。華民國也。兄弟睦則家之福。全國之人同心同德。則國必興。余以此祝我中華民國焉。

第二類 政體

國慶紀念日宣言

一人專制之舊政。已不存於中國矣。今日為民國國慶紀念之日。本大總統感於舊習之已除。新政之發展。凡政府種種設施。無不予以共見。遠勝昔時之制度。徒謀一朝之幸福。苟非君主之權利。不棄置之。即禁阻之。溯自共和肇基。政府之嶄新政策。由此發生。更無帝制自為者。夫國家者國民之公產也。故效法列強先進之精神。當以國利民福為前提。而尤以開放門戶。為溝通感情之先端。具此絕大知識。而柄理國是者。今日之政府是也。政府宜以公僕自待。盡其責任。凡所設施。必使與民同樂而後已。本大總統之最希望。在使國民以根本上改革。其知識。而後自得列強之贊同。夫列強之對待中國。情誼非不厚也。吾國財政。最為困難之際。得列邦之援助。非其左證耶。

令湖北民政長查擊袁平治文

三月十九日

共和為最良之國體。治平之極軌。中國共和學說。醞釀於數千年前。祇以壓伏於專制之威。未能顯著。近數十年來。志士奔走。灌輸全國。故義師一舉。遂收響應之功。洵為歷史之光榮。環球

所敬嘆。本大總統受國民付託之重。就職宣誓。深願竭其能力。發揚共和之精神。滌蕩專制之穢。瑕。本不使帝制。再見於中國。皇天后土。實聞此言。乃竟有湖北商民袁平治等。呈稱總統專嚴不若君主。長官命令。等於弁髦。國會成立在即。正式選舉。關係匪輕。萬一不慎。全國糜爛。共和幸福。不知亡國奴隸。苟若暫改帝國立憲。緩圖共和等語。謬妄至此。閱之駭然。本大總統受任以來。自維德薄能鮮。夙夜兢兢。所以為國民策治安。求幸福者。心餘力絀。引為愧疚。而凡所設施。要以國家為前題。合共和之原則。當為全國人民所共信。不意化日光天之下。竟有此等鬼域行為。若非喪心病狂。意存嘗試。即是受人指使。志在煽惑。如務為寬大。置不深究。恐和說流傳。混淆觀聽。極其流毒。足以敗壞共和。謀叛民國。何以對起義之諸人。死事之先烈。何以告退位之清室。贊成之友邦。興言及此。憂憤填膺。所有呈內列名之袁平治等。著湖北民政長嚴行查拿。按律懲治。以為猖狂恣肆。不避者戒。此令。

致副總統及各省解釋猜嫌電

世凱東髮受書。即慕唐虞官天下之風。以為歷代治道之隆污。罔不繫乎公私之兩念。洎手中歲略識外情。目睹法美共和之良規。以為深合天下為公之訓。客歲武昌起義。各有影從。遂使二千餘年專制之舊邦。一躍而為共和政體。世凱以衰朽之年。躬茲盛舉。私冀從此退休田里。共享昇平。乃重荷國民委託之殷。膺茲重任。當共和宣布之日。即經宣告天下。謂永遠不使君主政體。再見於中國。就職之初。又復瀝悃宣誓。皇天后土。實聞此言。乃近日以來。各省無識之

徒擅造訛言惑搖觀聽。或以法蘭西拿破崙第一故事。妄相揣測。其居心如何。姑置不問。大抵出於誤解者半。出於故意者亦半。民國成立。迄今半年。外之列強承認。尚無端倪。內之各省秩序。尚未恢復。危機一髮。消縱即逝。世凱庸茲艱鉅。不得不為支持。冀挽狂瀾。乃當事者。雖極委曲以求全。而局外者。終難開懷以相亮。殊不思世凱既負國民之委託。則天下興亡。安能膜視。倘明知其不可為。而復虛與委蛇。致陷民國前途於不可收拾。縱人不我責。甯獨無疚於中。區區此心。可質天日。惟當此艱難締造之秋。豈容有彼此猜疑之隱。用是重為宣布。凡我國民。若以救國為前提。則當能見其大。萬不宜輕聽悠悠之說。重為煽亂之媒。若乃不逞之徒。意存破壞。藉端惑。不顧大局。則世凱亦惟有從民國之公意。與天下共棄之。事關大局。不敢不潑披素志。解釋猜嫌。知我非我。付諸公論。特此宣言。諸維亮鑒。

第三類 議會

參議院閉會致詞

中華民國元年四月二十九日。參議員移入北京開會。一年以來。世凱與諸君子。艱難共歷。相見以心。倏忽歲餘。光景在眼。雖立法行政所處不同。而以國家為前提。視政治如家事。實與諸君子均在憂勤惕厲之中。駭浪乘船。同心共濟。緩急輕重。絃韋交資者。固可握手互譚。肩涕追語者也。正式政府成立之日。即為臨時政府報滿之期。世凱與諸君子。退服田疇。行將判袂。而回憶一年共事以來。忠告善道。誼過執友。在國家固受其福。在世凱亦獲益不淺。他日民國歷

史留此永遠紀念。而世凱與諸君子實有提携一堂之雅興。言及此。輒復輟然。茲值參議院開會之時。思臨別之感。情慕贈言之古韻。略述鄙懷。不盡所懷。

國會開會頌辭

中華民國二年四月八日。我中華民國第一次國會正式成立。實四千餘年歷史上莫大之光榮。四萬萬人億兆年之幸福。世凱亦國民一分子。當與諸君子同謀幸福。矚我共和國民。由於四萬萬人民之心理。所締造之正式國會。亦本於四萬萬人民心理所結合。則國家主權。當必歸之民國全體。但自民國成立。迄今一年。所謂國民直接委任之機關。事實上尚未完備。今者國會議員。係由國民直接選舉。即係國民直接委任。從此共和國之實體。藉以立統。治權之運用。亦賴以圓滿進行。諸君子皆識時俊傑。必能各抒議論。為國忠謀。從此中華民國之邦基。益加鞏固。五大族人民之幸福。日見增進。同心協力。以造成至強大之民國。使五色國旗。常照耀於神州大陸。是則世凱與諸君子所私心企禱者也。謹致頌曰。中華民國萬歲。民國國會萬歲。

參眾兩院開院頌辭

惟中華民國二年四月八日。為我正式國會第一次開院之辰。參議院眾議院議員。集禮堂。舉盛典。謹為詞。以致其忱。曰。視聽自天。默定下民。億兆有與於天下。權輿不自於今人。帝制久敝。拂於民意。付託之重。乃及多士。眾好眾惡。多士赴之。眾志眾口。多士表之。張弛縱橫。為天下鞅。緩急疾徐。為天下樞。興廢廢興。安歟危歟。禍福是共。功罪之尼。能無懼哉。於乎。多難興邦。惕厲

蒙報當茲締造。敢伸吾籲。願我一國。制其中權。願我五族。止其黨偏。犬彘嗚而。農首稷先。士樂其樂。賈安其慶。無政不興。無德不宣。章皇發越。吾言洋洋。逆聽遠慕。四隣戎臧。奮邦新命。悠久無疆。凡百君子。孰敢怠荒。

咨參眾兩院請選舉正式大總統文 二年五月二日

為咨行事。本大總統於中華民國元年二月十五日。經參議院選舉為臨時大總統。元年三月十日。就臨時大總統之任。惟時軍事甫平。人心未定。悍將驕卒。衝突時間。內政外交。益形困難。本大總統以國民委託。總攬政務。與前參議院議員諸君。互相提挈。勉自支持。凡所設施。要以國家為前提。博徵人民之同意。既不敢操切。以啟分裂之禍。亦不敢姑息。以博煦才之名。無非求我四萬萬同胞。同登康樂而已。受職以來。已逾一稔。環顧全國。秩序漸定。而人民未挽瘡痍。網紀初張。而建設尚鮮。實效夙夜。櫻心。神明負咎。所可自信。與可報告於我國民者。區區此愛國之忠心而已。夫中華民國。既由中華人民組織而成。其主權當然屬於國民全體。而國民依法選舉之國會。實國民直接委任之機關。今正式國會完全成立。自此以往。臨時之事業。將終正式之時代。開始。深望國民代表。迅速選舉正式大總統。以謀全國人民之福利。而國民國新造之宏基。無任跂禱。此咨。

布告各省從速組織省議會文

查臨時省議會。為代表本省人民。及監督地方行政之機關。至為重要。迭據各省來電。此項議

會尚有未經成立者。殊於進行有礙。此次選舉參議員方法。依約法。既由各地方自定。若代表地方之機關。先未成立。則一切從何著手。現在期限迫促。亟待組成。查各省臨時各議會。多由原設諮議局改組而成。該局議員。本係地方公民。依法選出。今國體雖更。人民猶是。以固有正當之代表。為暫時繼續之機關。於法於理。均無不合。除業經改組各省外。所有未經設立此項議會之省。應各就原設諮議局。撤去諮議局之名。改為臨時省議會。即以原選議員。作為該會議員。行使其應有之職權。以歸簡易。而免稽延。此項議會。既以臨時為名。本非常設。一俟參議院成立。將常設之省議會組織。及選舉各法議決公布後。再行按照執行。希即迅速辦理。千萬勿延。

布告國民注重選舉文

世界公權發達之國民。其運用政治之能力愈強。則競爭選舉之熱誠。亦愈富。蓋其競爭心之所由集。即其公共心之所由生。雖急進漸進。主義容有不同。而好雨好風。民情於焉可見。故每經一次選舉。無論競爭之程度如何。要皆以國家為前提。競爭之手段如何。要皆以法律為軌道。斷未有犧牲國家之利益。衝法律之範圍。而徒為無意識之競爭。可以得選舉之公平。期政治之發達者也。我中華民國。艱難締造以來。將及一年。建設之業。何啻萬端。無一不待正式國會之解決。本大總統。前於元年八月。公布國會組織法。及參議院眾議院議員選舉各法。迭經飭由內務總長。督令籌備國會事務局。趕速籌備。並通令各省行政長官。於國會選舉事務。

各依法定程序。慎重執行在案。現已初選屆期。各省呈報選舉人之總數。每省多者竟達五六百萬。少亦不下數十萬。足見我國民之尊重公權。已非帝政時代之自甘放棄者比。惟查近來各省地方。往往有以競爭選舉。因而激動風潮者。或強奪投票處。以妨害選舉之進行。或擅毀投票所。以擾亂選舉之秩序。甚或暴行脅迫。種種壞法亂紀之事。日出不窮。究其原因。率由黨派意見之不同。地方觀念之各別。互相攻擊。遂若仇讐。具有因一人私圖。少數私見。起而為犯法之競爭者。利害雖僅係於一隅。而影響實可及於全體。似此情形。若不嚴行查辦。誠恐我國民欲藉總選舉以求幸福者。將因總選舉而賈奇禍。民國前途之危險。念之甯不凜然。各省行政長官。身為監督。既有辦理選舉之責。尤有維持秩序之權。自此次布告以後。如有藉競爭選舉為名。敢於干犯國家法律者。務須督飭該管官吏。即時按照刑律。妨害選舉各罪。從嚴懲治。無論何人。不得稍涉寬假。至刑律為國常憲。國民本宜週知。應由各初覆選監督。摘錄刑律第八章。關於妨害選舉之罪各條。揭示於投票所。俾我國民咸曉。然於科條所在。不敢嘗試。一面依照選舉法。於投票所周圍。臨時增派警兵。保持秩序。但有違背法令情事。輕則立予制止。重則立加處罰。以維國本而保公安。總之國會議員。為組織國會而設。非一黨派一方所得而私。我國民既已久處於水深火熱之中。含辛茹苦。以至於今日。而猶不於正。式選舉。激發公誠。使得有夙具政治常識。素悉地方利弊者。出而為我新造之國家。多數之人民。共謀幸福。徒為一黨派之勢力。一私人之意見。所左右。則我神聖莊嚴之中華民國。建設事業。尚何

可言。自此次布告以後。我國民於初履選舉時。務須各於法律範圍以內。行使公權。不得輟事。違法之競爭。致阻政治之進步。本大總統亦國民之一。區區愛國之誠。當為我五大民族所共諒。現在國會召集。為期不遠。非僅勉符約法定限。遂謂責任已完。本大總統迭次肫肫告誡之苦心。尚望我國民三復致意。此日之注重選舉。將來之共濟艱難。國利民福之前途。實深倚賴焉。特此布告。

飭令解散翰議會文 八月六日

省議會為地方人民代表機關。一切舉動。首當根據法律。契合民意。乃查江西省議會於七月十四日。通電各省。謬舉都督。並宣言與中央脫離關係。顯係大違輿論。破壞統一。此等背叛行為。實非法律所能保護。本大總統行使約法統治權。應即責成宣撫使段芝貴。護軍使李純。勒令解散。一俟軍事稍定。另行依法選舉。以期符合民意。其各省用兵地方。如省議會正在開會期中者。亦准由各該行政長官。或司令官。細酌量情形。暫行停止該議會開會。此令。

通令停止兩院議員職務文 三年一月十日

本日政治會議。呈覆救國大計諮詢一案。據稱前兼領湖北都督黎元洪等原電修正憲法一節。若指約法而言。應於諮詢增修約法程序案內。另行議覆。其對於國會現有議員。給資回籍。另候召集一節。應請宣布停止。兩院現有議員職務。並聲明兩院現有議員。既與現行國會組織法第十五條所載總議員過半數之規定不符。應毋庸再為現行國會組織法第二條暨第

三條之組織。至如何給資之處。應由政府迅速籌畫施行。是否回籍。可聽其便。政府毋庸問及等語。本大總統詳加披閱。該會議議費各節。與該前兼領都督黎元洪等救國苦心。深相契合。原呈所陳大要。以為非速改良國會之組織。無以勉符尊重國會之公心。洵屬審時度勢。正當辦法。查兩院現有議員。既與現行國會組織法第十五條所載。總議員過半數之規定不符。應即依照政治會議議決。宣布停止議員職務。毋庸再為現行國會組織法第二條暨第三條之組織。所有民國議會。應候本大總統依照約法。另行召集。此次停止職務。各議員由國務總理財政總長。迅將如何給資之處。籌畫施行。餘如該會議所陳辦理。至兩院現有議員。自宣布停止職務之日起。既均毋庸再為國會組織法第二條暨第三條之組織。一應兩院事務。應由內務總長督飭籌備國會事務局。分別妥籌辦法。免滋貽誤。以副本大總統尊重國會之初意。此令。

布告解散國會原因文 三年一月十日

民國正式國會。係約法上國家機關之一。本大總統前在臨時任內。業於民國元年八月。公布國會組織法。暨參議院眾議院議員選舉各法。當飭國務總理。內務總長。督飭籌備國會事務局。屆期籌備。二年一月十日。本大總統依照約法所定期限。發布第一次民國議會召集令。曾經聲明民國正式國會。為共和建設所關。共和政治之良否。政府固有完全之責任。而尤以國會為樞樞等因。綜計一年以來。政府對於國會經過兩種時期。一為籌備。二為成立。方其在籌

備時期以內。選舉法令之制定。選舉程序之進行。慘澹經營。諒為我國民所共聞共見。及幸而國會成立。四月八日開會禮成。不惟本大總統以為吾國數千年有史以來未有之光榮。對此莊嚴神聖之國會。欲其一德一心。共圖盛業。即我四萬萬水深火熱之國民。亦復延頸企踵。想望太平。以為國會開幕。從此民國國家建設大計。國會政府。可以共濟艱難。而革命時代所身受之苦痛。或可取償於代議制度。徐以待共和幸福之來。凡斯種種。均出於政府尊重國會。及國民希望國會之誠心。國會議員之能以國家為前提者。諒不以本大總統之言為河漢也。乃政府與國民尊重希望之愈殷。而國會常會四閱月。一法未經議決。延長會期以後。遲遲至於上年九月。始議決一議院法案。其餘應有職權。則悉為挾持黨見者所蹂躪。幾釀成暴民專制之局。而議員中之持穩健主義者。率相與太息痛恨。而無可如何。因此結果。立法機關。既無法之可議。行政機關。亦無法之可行。本大總統之負咎於我國民者。乃愈重。然本大總統則以為共和國家。究重國會。故始終以維持調護為懷。凡可以委曲求全之處。決不欲國會自損其法律上之尊嚴。豈意天禍吾國。事與心違。而國會議員之隸籍國民黨者。竟不幸而蒙亂黨之嫌疑。上年十一月四日。本大總統乃不得已而下追繳該黨國會議員證書之令。惟國會為國家機關。議員乃個人資格。與亂者雖應取消。合法者仍須遞補。是以令飭內務總長。從速行令。查取候補當選人之合法者。遞補如額。無非求所以宣達真正之民意。鞏固真正之共和。上年十二月二十二日。據前東領湖北都督軍黎元洪等（中略）電稱。共和國家。以法治為歸宿。當破

壞之後。亟宜為建設之謀。所有應行法治。千端萬緒。雖急起直追。猶恐不及。民國初創。以參議院為立法機關。而成五年。餘制定法案。寥寥無幾。惟以黨爭聞於天下。適為建設之障。礙。洪無進行之計畫。中外士庶。乃移易其渴望之心。屬諸國會。以為國會既成。必可將各項法制。依次制定。不意開會七閱月。糜帑數百萬。而於立法一事。寂然無聞。欲僅如前參議院。尚能立東鱗西爪之法。而亦不可得。民國前途。豈堪久待。蓋因各議員被舉之初。別有來由。多非人民公意之所推定。謂為代表。夫將誰欺。其有愛國思想者。固不乏人。而爭權利。徇黨見。置國家存亡。人民死活於不顧者。反佔優勢。且人數過多。賢者自同寒蟬。不肖者如飲狂水。餘皆盲從。朋附。煙霧障天。雖有善者。或徒喚奈何。甯與同盡。上下兩院。性質相同。無術調劑。因之立法成績。毫無進步。中外援為詬病。國家日益陸危。上無道揆。下無法守。賴我大總統。以救國為己任。毅然剛斷。將亂黨議員資格。一律取消。令候補當選人。以次挨補。顧候補人員。與前次人員。資格相同。無論一時斷難如額。即使如額。而八百餘人。築室道謀。仍恐議論多而成功少。現在國本初定。重要法案。何啻數百件。由今之道。以七閱月而未立一法。雖遲以百年。亦復何濟。而強鄰環伺。破產在即。豈從容高論之秋。我不自謀。必有起而代之者。欲不為人之牛馬奴隸。何可得耶。元洪等行惡。亦國民一分子。國苟不存。身於何有。苟利於國。違論其他。用敢聯名。切懇大總統。始終以救國為前提。萬不可拘文牽義。以各國長治久安之成式。施諸水深火熱之中華。歷考中外改革初期。以時勢造法律。不以法律強時勢。美為共和模範。而開國之始。第一次憲法。

動因未靖政府不能有所為。遂有費拉德費亞會議修正之舉。是役也。全體會員無不有政治之經驗。其會議之所議決。多軼出原有憲法範圍以外。而自操制定憲法之全權。論者不誠為違法。先例具在。可為明徵。現在政治會議。已經召集。與美國往事。由各州推舉之例正同。請大總統飭下國務院。諮詢各員。以救國大計。若眾意咸同。則共和政體之精神。即可因茲發軔。即例以南京政府。以十四省行政官代表之參議院。其完缺大相懸殊。正與華威頓修正憲法。若合一轍。元洪等承乏地方。深知人民心理。痛惡暴亂之議員。各國論調。極亦公允。我大總統何所顧忌而不為之所。文明國議員。無論何黨。皆以扶持國本為宗旨。斷無以破壞阻撓為能事者。現在國民黨議員。悉經解散。其餘穩健議員。素知自愛。聞已羞與噲伍。憤欲辭職。雖欲固結已屬無從。留此少數之人。既無成立之希望。應請大總統給資回籍。另候召集。各議員皆明達廉潔。決不戀總於五千元之歲俸。而浮沉於不生不滅之間。以誤國家大計。往夫之言。聖人擇焉。伏乞鑒核施行。民國幸甚等語。本大總統當以該兼領都督等滯陳各節。洵為救國起見。應交政治會議各員。迅速討論辦法。詳細具覆。本月十日。據政治會議呈稱。本案前奉大總統諮詢命令。係據兼領湖北都督事。蔡元洪等銜電之所請求。該都督等原電。又係鑒於民國建設伊始。法制紛繁。立法機關。成績未定。是以特陳救國大計。錄其綱要。約有兩端。第一則請修正憲法。而以拘文章義為戒。第二則請資遣議員。而以扶持國本為宗。凡此所陳。其徵遠識。惟原電修正憲法一節。經本會議詳細討論。僉以民國憲法。尚未制定公布。自無修正之可言。若謂憲

法未施行以前臨時約法之効。在與憲法等。該原電所稱應行修正。即指約法而言。則應於大總統諮詢修改約法程序案內。另行議覆。其對於國會現有議員。給資回籍。另候召集一節。本會議意見以為原電所陳。不無可採。蓋就國會本體而論。其組織法。發生於約法。選舉法。又發生於組織法。種種不良之點。既經一度試驗。已屬無可諱言。知者以國會不良之故。歸咎於組織。不知者以國會不良之故。集矢於議員。情理雖失其平。而影響實有所自。方今國勢岌岌。改良國會組織。幾於異口同聲。兼之本屆國會分子。既以亂黨嫌疑。多數議員資格。一律取消。人無半數。遞補需時。雖前奉大總統命令。曾飭內務總長。查取本屆合法候補當選人。招額遞補。以重國會等因。內務總長。亦經飭由籌備國會事務局遵辦。現據河南等省選舉監督電陳。遞補補選各項障礙情形。奉交本會議併案討論。本會議細核原電。自係實情。夫以現有議員。既不足法定人數。而候補議員。又難於短期遞補。是為國民所恃以為運用共和政治之國會。目前決不能行使職權。少數議員。即無到院之必要。況國會定期四個月延長之限。雖未明白規定。而各國國會通行辦法。遇有延期情形。絕無倍於法定會期之例。我國國會開會。計自民國二年四月至今。已逾九月。延期倍過正期。立法機關。終歲常設。即使人數過半有餘。亦非政治良軌。何況議員實存少數。更無庸再推延會之虛名。查兩院議長。業於上年十一月十三日。代表兩院。以停發議事日程等因。通告有案。議事既以停止。則該都督等原電。所謂無成立希望者。尤為切中事實之談。至大總統取消亂黨議員。前次命令。業以聲明。係為挽救國家之危亡。

減輕國民之痛苦起見。事非得已。誠具苦心。而各都督民政長關心救國大計。尤注重於修正憲法。亦無對人關係之可言。現在國會組織不良。萬不獲已。而求改善。此心既可共信。此希望必期速達。對此組織不良之國會。又事實上職權業已停止。何必於現有議員。虛示維繫。以重連我國民渴望改良國會之公心。要之我民國決不能無國會。國會組織。且暮政定。大總統決不能不仍行召集。約法具有。無可懷疑。則今日即向各省地方長官之請。明白宣布。使濟濟賢能議員。暫結殘局。而養朝氣。以待將來之結合。實亦無戾於救國精神。且可以促國會之再造。此原電之可採者一也。至就議員個人而論。自國民黨議員悲經解散後。其餘德健明達之士。留則無職可盡。去則棄職為嫌。進退兩難。身心俱苦。為國家愛重人材。豈宜如此。此原電之可採者二也。本會議全體決議。認原電所請另候召集一節。係屬度勢審時正當辦法。應請大總統俯納各都督民政長之議。宣布停止。兩院現有議員職務。并聲明兩院現有議員。既與現行國會組織法第十五條所載總議員過半數之規定不符。應毋庸再為現行國會組織法第二條暨第三條之組織。况議員職務。雖停止於一時。而國會尊嚴。自確立於民國。所有組織各法。及選舉程序。一經釐訂召集。國會不患無日。與其聽個人之浮沉無定。致啟國民以輕視國會之心。何如求機關之進步改良。尚留國民以尊重國會之地。其現有議員。既經停止職務。如何給資之處。或依據院法所定。或斟酌財政情形。應由政府迅速籌畫施行。至現有議員停止職務後。是否回籍。可聽其便。政府毋庸問及。本會議討論至再。全體議決等情。呈覆前來。除令行

外為此布告我國民須知改良國會關係於共和政治之前途非常重大該會議原呈各節既於尊重國會之本旨再四聲明。俟釐訂組織各法及選舉程序以後政府自必切實進行。依法召集以慰我國民嗚嗚望治之心。我國民休戚與共。素有同情。切勿輕信浮言。貽誤大局。本大總統誓當力謀政治刷新。尅期以待。最良國會之出現。我國民其敬聽焉。特此布告。

覆黎副總統論兩院制書

個電敬悉。兩院制為大多數國家所採用。中國國會自宜從同。尊論極當。承商各節。就鄙見條復如下。(一)現舉總統副總統係屬臨時機關。即以臨時約法為根據。制定憲法之權屬於國會。約法第五十四條已有明文。至召集國會為臨時總統之權。國會組織及選舉法。則由參議院定之。約法第五十三條亦經規定。似尚無甚窒礙。(二)將來國會如採兩院制。則鄙意上院為地方代表。議員應由各地地方議會及行政長官分別選派。下院為人民代表。議員應一律由人民選舉。人口比例一節。係屬選舉法問題。儘可查照近年統計酌定員額。至蒙藏青海情形與內地不同。可另定特別選舉法。應俟將來詳細討論。規定適宜之制。(三)現在南京來議院條臨時過渡機關。照約法第十八條。本須另行組織。俟約法上之參議院一經成立。則現在之參議員。即當交代。至參議院與將來國會之關係。約法第二十八條亦已明定。總之此次辦法約可分為三期。自臨時政府組織大綱發布。至臨時約法成立。為第一期。已屬過去之事。自約法發布。至憲法成立。為第二期。正係現今之事。憲法成立以後。乃為第三期。係屬將來之事。茲

第一期之事。既經結束。吾人應將第二期之事。努力料理。以開第三期之端緒。以上界限。剖剖明晰。一切以異之點。自可消弭。愚慮所得。用敢陳陳。仍乞大教。

附黎副總統來電

民國初建。百端待理。立法機關。尤屬重要。查歐美各共和國。國會制度。不盡相符。多數所趨。咸為兩院。以吾國幅員之廣。戶口之蕃。政見之殊。如亂絲。國基之危。若累卵。採用兩院。自不俟言。惟是默窺現情。孰審大局。問題種種。尚待磋商。一憲法從國會生。總統從憲法生。今吾國舉定總統。既在未頒憲法以前。而製造憲法之國會。尚未完全成立。且組織國會。及召集國會之權。亦無明文為之規定。可疑者一。又法國代議院議員。悉由人民直接選舉。元老院則由各州立法部人分舉。美國制度。大概相同。今吾國軍事甫竣。各省議會。名目紛糾。人口多寡。尚無正確比例。且議局議會。新舊雜糅。資格龐雜。青藏諸邊。尚有向無議局者。根本問題。不能劃歸一律。將來實行選舉。究竟以何為據。可疑者二。又法國參議院。僅為起草法律之一機關。德國參議院。則明載憲法。其權與代議院等。今吾國大總統副總統。既由參議院投票公舉。國務總理。及各國務員。均須經參議院之贊同。是其資格無殊國會。已決無取消之理。然將來統一政府告成。可否即以參議院改為上議院。尚難臆斷。可疑者三。以上三端。亟宜解決。稍不察慎。大患隨之。敬請吾公綜攬全規。妥籌辦法。迅速宣布各省。俾有遵循。庶不至議論紛生。轉滋歧異。無任禱企。

第四類 憲法

約法會議開會頌詞

中華民國三年三月十八日。約法會議正式成立。行開會儀式。此實全國政治刷新之機。亦即五大民族人民幸福增進之初步也。查臨時約法。為南京臨時參議院各省都督指任參議員所議決。無論冠以臨時之名。必不適用於正式政府也。即其內容規定。束縛政府。使對於內政外交。及緊急事變。幾無發展伸縮之餘地。本大總統。証以種種任事之經驗。身受其苦痛。且間接而使四萬萬同胞。無不身受其苦痛者。蓋兩載於茲矣。琴瑟不調。改弦更張。屬在今日。斯為急務。前據政治會議一再討論。僉以宜特設造法機關。名曰約法會議。經定期選舉。組織告成。諸君富於學識經驗。聲望素著。其於吾國民情國勢。必有灼見真知。而能謀福利。以為根本之解決者。況共和國家。所藉以鞏固者。惟憲法。方今吾國憲法。既因事實上之障礙。而猝難發生。若長守此不良之約法以施行。恐根本錯誤。百變橫生。民國前途。危險不可名狀。故本大總統對於此次增修約法。固信諸君發行偉論。必有良好之結果。尤願諸君寶貴時日。能為積極之進行也。謹致頌曰。中華民國萬歲。中華民國國民萬歲。

致眾議院咨請增修約法案文 二年十月十六日

為咨行事。查臨時約法。原為臨時政府而設。自公布施行以來。於茲已二十閱月矣。其於國家之根本組織。固係因約法施行之結果。而粗具規模。然於國家之政治刷新。要亦因約法施行

之結果。而橫生障礙。綜計臨時期內。政府左支右絀於上。國民疾首蹙額於下。而關於內治外交諸大問題。利害卒以相懸。得失僅以相等。馴至國勢日削。政務日廢。而我四萬萬同胞之憔悴於水深火熱之中者。且日甚。凡此種種。無一非條約法之束縛。馳驟而來。昨今兩年。各省行政長官之所慷慨建議。各政團之所反覆研求。各報紙所朝夕鼓吹。大率主張以修改約法一端。為國家救亡之上策。其時本大總統。衡量事變。默察現情。非不知與論集矢約法。幾於異口同聲。顧遲遲未敢附和此議者。誠以民國肇造。大局未甯。設竟猝以增修約法為議。在熱心改良政治者。固能諒提案之苦衷。而蓄意傾覆國家者。或將以提案為藉口。是以百方隱忍。無論任用國務員之如何困難。任用外交公使之如何困難。制定官制官規之如何困難。締結條約之如何困難。以及發布保持公安防禦災患各命令。暨有緊急之需用。而欲為臨時財政處分之如何困難。本大總統。俱不惜以一身當困難事實之衝。所有竭蹶情形。諒為國民所共見。夫以吾國幅員之廣漠。人口之眾多。交通之隔絕。革命而還。元氣凋喪。欲持急起直追之策。以謀閭閻一日之安。縱遇事假以便宜。猶恐有所未逮。何況臨時約法。限制過苛。因而前參議員涉于太甚。即無內憂外患之交迫。必且窮年累月。莫為殫此。稍知吾國內情者。亦能悉其病根之所以發生。而亟思有以挽救之者也。本年四月。國會成立。方冀憲法之制定。不久可以告成。約法之施行。為期當屬無幾。本大總統。年來棘地荆天之痛苦。或可於臨時政府之將終。隨我國民洪水猛獸之奇災。以俱獲。乃國會常會期滿。憲法猝難議行。而先舉總統。後定憲法之議。一

傷不旬日間。隨有國民選舉會之出現。本大總統哀朽無能。又承國民推重。謬膺中華民國第一次正式大總統之寄。繼續而為公僕。揆諸救民之素志。固亦不敢告勞。惟查憲法會議。議定大總統之職權。在憲法未制定以前。暫依臨時約法。關於臨時大總統之規定等語。推立法者。特設此項附則之意。不過以為大總統之職權。在國法上須有一定。目前憲法尚未產出。暫依約法規定。本大總統亦認為必要。而不敢非難。然而臨時約法之良否。究為政治良否之所關。本大總統証以二十閱月之經驗。凡從約法上所生障礙。均有種種事實可憑。竊謂正式政府之所以別於臨時政府者。非第有一正式之大總統。遂可為中華民國國際上之美觀而已也。必其政治刷新。確有以饜足吾民之望。而後可以收拾亂極思治之人心。顧政治之能刷新與否。必自增修約法始。蓋約法上。行政首長之職。任不完。則事實上總攬政務之統一無望。故本大總統之愚。以為臨時約法第四章。關於大總統職權各規定。適用於臨時大總統。已覺有種種困難。若再適用於正式大總統。則其困難將益甚。苟此種種之困難。其痛苦若僅及於本大總統之一人一身。又何難以補苴彌縫之術。認與周旋。無如我國民喁喁望治之殷。且各校其身命財產之重。以求保障於親躬。本大總統一人一身之受束縛於約法。直不啻胥吾四萬萬同胞之身命財產之重。同受束縛於約法。本大總統無狀尸位。以至今日。萬萬不敢再博維持約法之虛名。致我國民之哀哀無告者。且身受施行約法之實禍。查臨時約法第五十五條所定。大總統有提議增修約法之權。茲特於受任伊始。將約法內應行增加修正之處。彙提一增

修案。并逐條附具理由。俾咨討論。除約法公布在前。按照後頒法律須酌加修正者。如各條內之臨時字樣。應請刪除。參議院字樣。應請改為國會字樣。暨其餘事實業已變更。應行刪除。各條各項。由國會併案議決外。相應將提出增修約法案。另繕清單。咨行貴院查照。事關緊急。并希從速議決。見覆可也。此咨。

咨復眾議院查詢解嚴辦法文

為咨覆事。前准貴院咨開。南方亂事。救平已無戒嚴之必要。請於亂事已定地方。依戒嚴法第十五條。迅即為解嚴之宣告。以復原狀。而維治安等因。當飭國務院。電詢各省該地方戒嚴情事。能否終止。迅速電復。以便依法辦理。茲據國務院呈稱。據各省都督陸續電復到院。湘省電稱。近情安謐。戒嚴令已經取消。閩省電稱。現頗靖謐。戒嚴情事。尚能終止。直督電稱。接電後。分飭各司。令官詳查現狀。據覆擬照京師章程。即日解嚴。仍將戒嚴法第十四條之第一。第三兩項留存。以收繼續之功。其餘鄂。蘇。皖。浙。贛。粵。桂等省。均因伏莽未靖。以從緩解嚴為請。至川省。因交通遲滯。迄未據電覆。理合先將各省電覆各情。備文呈請鑒核。訓示遵行等語。除四川一省。應候電覆到日。另行辦理外。所有覆到各省。均如各該督來電所擬辦理。相應咨覆貴院查照可也。此咨。

咨憲法會議派員至會代表陳述意見文

為咨行事。查國會組織法。載民國憲法案。由民國議會起草及議定。迭經民國議會組織。民國

憲法起草委員會暨特開憲法會議。本大總統深維我中華民國開創之基。建設之難。對於關係國家根本組織之憲法。其望可以早日告成。以期共和政治之發達。惟查臨時約法載明大總統領有提議增修約法之權。誠以憲法成立。執行之責在大總統。憲法未制定以前。約法效力。原與憲法相等。其所以予大總統此項特權者。蓋非是則國權運用。易涉偏倚。且國家之治亂興亡。每與根本大法為消息。大總統既為代表政府總攬政務之國家元首。於關係國家治亂興亡之大法。若不能有一定之意思表示。使議法者得所折衷。則由國家根本大法所發生之危險。勢必醞釀於無形。甚或補救之無符。是豈國家制定根本大法之本意哉。本大總統前膺臨時大總統之任。一年有餘。行政甘苦。知之較悉。國民疾苦。察之較真。現在既居大總統之職。將來即負執行民國議會所擬憲法之責。苟見有執行困難。及影響於國家治亂興亡之處。勢未敢自己於言。況共和成立。本大總統幸得周旋其間。今既承國民推舉此重任。而對於民國根本組織之憲法大典。設有所知而不言。或言之而不盡。殊非忠於民國之素志。茲本大總統謹以至誠。對於民國憲法有所陳述。特飭國務院派遣委員施愚。顏菴。饒孟任。黎淵。方樞。程樹德。孔昭焱。余榮昌。前往代達。本大總統之意見。嗣後貴會開議時。或開憲法起草委員會。或開憲法審議會。均希先期知照。國務院以便該委員等隨時出席陳述。相應咨明貴會。請煩查照可也。此咨。

致憲法會議咨詢憲法案公布權文

為咨行事。查臨時約法第十九條內載參議院之職權。議決一切法律。又第五十九條內載中華民國之憲法由國會制定。又第二十二條內載參議院議決事件。咨由臨時大總統公布施行。又第三十條內載臨時大總統公布法律各等語。凡此規定均屬前參議院在約法議決法律及制定憲法之職權範圍。民國議會成立以來。依國會組織法第十四條之規定。民國憲法未定以前。臨時約法所定參議院之職權。為民國議會之職權。則民國議會無論議決法律事件。抑係制定憲法事件。皆應以臨時約法國會組織法所定程序為準。實無絲毫疑義。乃本年十月五日。准憲法會議咨開。大總統選舉法案。業於十月四日。在本會議議決宣布。並公決送登政府公報。為此抄錄全案。咨達大總統。即希查照飭登等因前來。本大總統當以民國議會前經議決。先舉總統後定憲法。條為奠定民國國基起見。本月四日。憲法會議議決大總統選舉法案。來咨雖係僅止聲明議決宣布。并公決送登政府公報等語。顯與臨時約法暨國會組織法規定不符。然以目前大局情形而論。內憂外患。紛至沓來。友邦承認問題。又率以正式總統之選舉。能否舉行為斷。是以接准來咨。未便過以臨時約法暨國會組織法相繩。因即查照來咨。命令國務院飭局照登。惟此項咨達飭登之辦法。既與約法上之國家立法權程序大相違反。若長此緘默不言。不惟使民國議院蒙破壞約法之嫌。抑恐令全國國民。啟弁髦約法之漸。此本大總統於憲法會議之來咨。認為於現行法律。及立法先例。俱有未安。不敢不掏誠以相告者也。查民國立法程序。約法暨國會組織法。定有明文。一為提案。二為議決。三為公布。

斷未有但經提案議決而不經公布。可以成為法律者。大總統選舉法案。若為法律之一種。則依據臨時約法第二十二條第三十條之規定。當然應由大總統公布。若為憲法之一部。則依據臨時約法第五十四條之規定。雖應由民國議會制定。然制定權行使之範圍。仍應以國會組織法第二十條第二十一條所規定者為標準。斷不能於國會組織法第二十條之起草權及第二十一條之議定權以外。而侵及於臨時約法第二十二條及三十條之公布權。是來咨所稱之宣布。既為臨時約法暨國會組織法規定所無。而又未別經議決公布一種法律。賦予憲法會議以此項宣布權。乃竟貿然行使。其蔑視本大總統之職權。關係猶小。其故違民國根本之約法。影響實鉅。本大總統此次飭局照登。設我國民起而責以放棄職權之咎。固屬百喙莫辭。而我最高立法機關。乃置現行約法及國會組織法於不顧。竟使本大總統不得不出於放棄職權一途。恐亦非代表國民公意者所應出此也。況民國肇造。一年於茲。憲法未施行以前。約法之效力。與憲法等。民國元年前舉參議院議決之臨時約法時。業於是年三月十一日。咨送臨時大總統公石存案。而臨時約法第五十六條。并定有本約法自公布之日施行各明文。夫與憲法效力相等之約法。既經參議院議決。咨送大總統公布於前。則依照民國立法之先例。無論此次大總統選舉法案。或將來議定之憲法案。斷無不經大總統公布。可以施行之理。總之民國議會。對於民國公布憲法案。只有起草權。及議定權。實無所謂宣布權。此為國會組織法所規定。鐵案如山。萬難任意搖動。此項大總統選舉法案。既為憲法案之一部分。若執

臨時約法上之制定為詞。即謂制定云者。可包宣布於內。是必國會組織法。無第二十條及二十一條起草及議定之專條。而後可。否則憲法會議對於大總統選舉法案。除起草議定以外。絕不能踳躕。及於臨時約法第二十二條第三十條之公布權。此猶得曰臨時約法。與國會組織法先後規定有歧出也。查臨時約法稱制定者。凡二。一曰臨時大總統制定官制官規。一曰中華民國之憲法。由國會制定。若謂國會對於憲法之制定權。兼提案議決宣布三者而有之。則大總統對於官制官規之制定權。亦必兼提案議決宣布三者。而後可。願何以大總統之制定權。須受本條但書之拘束。而國會之制定權。不受本法各獨立條文之拘束乎。可知民國立法程序約法。有一貫之精神。大總統而侵及國會之議決權。固為約法所不許。國會而侵及大總統之公布權。亦為約法所不容。本月五日。准咨大總統選舉法案。本大總統雖經查照。飭局照登。不過出於一時委曲求全之苦心。而國家立法。各有定程。以如此重要法案。所有公布手續。竟不依與憲法效力相等之臨時約法。暨國會組織法辦理。竊恐此端一開。今日民國議會之職權。既可以自由執出於約法規定範圍以外。而獨以遵守約法者責政府。服從約法者責國民。固失雙方情理之平。尤非民國前途之福。究竟來咨所稱飭登之大總統選舉法案。是否即應依照約法公布施行之規定辦理。將來民國議會制定憲法案。應否依照國會組織法第二十二條第二十一條之規定。以起草議決為限。事關立法權限。亟應諮詢國會。從速答覆。相應咨行貴會查照。依法辦理可也。此咨憲法會議。

咨約法會議文

為咨行事。前以約法會議成立。本大總統業經提出增修約法大綱。咨請貴會議開會討論。在案。查臨時約法。為中華民國根本組織所關。然中華民國國體之更新。尚在約法未制定以前。其締造艱難。得以及於今日者。固原於國民心理之所同。而實成於前清帝后之能讓。溯自武昌首難。時惟辛亥仲秋。其時本大總統。激於救國之真誠。出而肩至艱至鉅之重任。唯一宗旨。以為但能保前清皇室之尊榮。則國家不妨視為天下之公器。但能謀五大民族之樂利。則政治不妨改為民主之共和。此本大總統於大清皇帝下詔遜位之日。即披肝瀝膽。以優待條件。與宣布共和二事。反復磋商。蓋非徒效孤忠於故君。亦所以昭公信於民國。耿耿此心。我國民當能共諒。惟查關於清帝遜位之優待。及清皇族滿蒙回藏各族之待遇等條件。係於前清宣統三年十二月宣布臨時約法。係於中華民國元年三月公布。以宣布在前之優待條件。而未補訂於公布在後之臨時約法。在當日誠不免於疏漏。顧既增修約法。大端所繫。若仍聽其闕如。弗予增訂。不惟無以考民國成立之事實。抑且無以符五族共和之初心。爰即此項條件之如何發生。與夫此後之如何繼續。概括情事。為貴會議約畧言之。當戰事方烈。南北相持。於時前清隆裕太后。念將士鋒刃之殊。恐黎民災禍之酷。宣統三年十二月二十五日降旨。前因民軍起事。各省響應。尤夏沛騰。生靈塗炭。特命袁世凱遣員。與民軍代表討論大局。議開國會。公決政體。兩月以來。尚無確當辦法。南北睽隔。彼此相持。商榷於途。士露於野。特以國體一日不

決。故民生一日不安。今全國人民心理。多傾向共和。南中各省。既倡議於前。北方諸將士。亦主張於後。人心所嚮。天命可知。予亦何忍因一姓之尊榮。拂兆民之好惡。是用外觀大勢。內審輿情。特率皇帝。將統治權。公諸全國。定為共和立憲國體。近慰海內厭亂望治之心。遠協古聖天下為公之美。袁世凱前經資政院選舉為總理大臣。當茲新舊代謝之際。宜有南北統一之衣。即由袁世凱以全權組織臨時共和政府。與民軍協商統一辦法。總期人民安堵。海宇乂安。仍合滿漢蒙回藏五族。完全領土。為一大中華民國。予與皇帝。得以退處寬閑。優游歲月。長受國民之優禮。親見邦治之告成。等語。此旨既頒。國體斯定。本大總統既膺付託。又被公推。時事方艱。責無旁貸。我人民亦遂欽崇讓德。莫罄感私。爰訂優待之明文。以為國民之報稱。是此項條件之發生。由於統治權之移轉。夫此統治權之移轉。語其事勢。亦甚難憑。向若清室不即頒遜位之詔。南北亦絕無和議可言。戰禍相尋。恐今未已。況滿蒙回藏諸族。照例未覆育於清室者。歷有年載。平日戴高履厚。本來奉一尊為依歸。一旦解紐失綱。豈易併一心為趨向。瓜分豆剖。或見域中。輜車相依。難言日後權清帝手。挈二百餘年繼承之皇位。視同公物。而付諸兆民。斯民國得仍二萬餘里壯闊之版圖。因其舊封而能大一統。待遇條件。亦有自來。查隆裕太后同日降旨。據覆奏民軍所開優禮各條件。於宗廟陵寢。永遠奉祀。光皇陵制。如舊妥修各節。均已一律担承。皇帝但卸政權。不廢尊號。並議定優待皇帝八條件。待遇皇族四條件。待遇滿蒙回藏七條件。覽奏尚為周至。特行宣示皇族。暨滿蒙回藏人等。此後務當化除畛域。共保治安。重觀

世界之昇平。胥享和平之幸福。等語。細繹旨意。益見脫誠。凡斯詔書。載在盟府。昭示列邦。亦既率行。罔敢或替。總之中華民國所以有優待清室條件者。報清帝之能公統治權。而承認共和。所以有待遇滿蒙回藏條件者。答諸族能隨統治權為轉移而贊成共和。以視純由民意所構成。全資武力為解決者。本難同日而語。在民軍方面。即能聯合漢姓。恐不能聳三族而共覆滿清。即能登難中原。抑豈能征殊方而同歸領土。事勢所著。甚彰彰矣。是故遠稽外國。不同美法締構之情。上邇中天。足觀唐虞揖讓之盛。史書紀載。猶侈美談。約法垂編。獨從闕典。其何以為現時適用約法之依據。作將來製定憲法之張本。此本大總統躬膺國寄。時切飲水思源之心。而責議會手訂法規。宜準提要之例。似應將關於優待及待遇各條件。別立專條。確定效力。既與事實有合。亦與法理相符。應請開會討論。如荷贊同。即歸併前此增修約法大綱案。一併起草。在昔作賓封恪。尚致隆夫禮文。迄今崇德報功。宜永資於故實。垂法資守。俾貽方來。相應咨請貴會議查照。併案議覆可也。此咨。

第五類 政治

政治會議開會訓詞

正式政府業經成立。本大總統以藐茲一身。謬蒙國民推戴。由臨時大總統被選為正式大總統。復得諸國務員熱心國事。相與共擔危局。誓必竭盡愚忠。整飭庶務。期挽狂瀾於將倒。而奠國本於苞桑。業與各國務員。再四商酌。擬定大政方針。行將宣告於天下。以期遂節進行。惟中

國土地之大。人民之多。為五洲萬國所罕有。於此而不博採眾論。集思廣益。誠恐宜於此者。或不宜於彼。利於北者。或不利於南。開門造車。出門豈盡合轍。稍不道宜。推行即多窒礙。故毅然組織政治會議。以補助政府之不及。諸君或優於學識。或富於經驗。既已惠然肯來。當能利民福國。惟以利民福國為其宗旨。自當知國壽民病。果在何點。武漢一呼。清帝退位。舉歐美數年數十年血戰所爭而不得者。中國於不數月間。居然得之。薄海士民。遂侈然而稱為共和國國民矣。亦若國體改專制而為共和。國旗變黃龍而為五色。則其國乃即可凌駕歐美。而其國民亦可俯仰寰宇。殊不知國力之強否。視其內政外交之若何。而內政外交之善否。又視其政府之強固與否。而國體之為君主不與焉。共和政治。為憲政之極軌。本大總統固欣然慕之。然初何敢謂招牌一改。國力即隨之充足。即以目今之內政而論。紊亂何堪設想。一般人民。以國體既改。國民均屬平等。於是乎子抗其父。妻抗其夫。屬員抵抗長官。軍士抵抗統帥。以抵抗命令。為平等。以服從命令為奇辱。而政治遂不能收統一之效。不知所謂平等者。係在國法上之平等。即無所謂貴族平民等階級是也。非謂一講平等。即無權力服從之關係也。此誤認平等二字。為內政紊亂之原因。國民既屬自由。為神聖不可侵犯。於是乎攘權可以自由。爭利可以自由。假結社自由之名。而謀亂可以自由。藉言論自由之說。而造謠亦可以自由。種種違法舉動。無不可以自由二字。為卸責之地。則強有力者。遂可自由於弱無力者。生命財產之範圍內。而大亂遂起。不知所謂自由者。在法律範圍內之自由。非謂一講自由。即可任意自由。於

法律範圍之外也。此誤認自由二字為內政紊亂之原因。歐美入所謂共和者為多數人圖謀幸福之謂也。在昔專制時代政權操之一姓。強則為一姓之家業。弱則為一姓之家業。衰強弱盛衰無與於大多數之人民。厥後民權漸次發達。羣知國家為人民之國家。非一人一姓之國家。於是推倒專制。改建共和。主權公之億兆。而大多數人之幸福遂不令一姓享受。然亦非一講共和二字而天下遂無不可共和之物也。乃一般人民將共和二字認錯。而自辛亥革命以來。共產共妻之說。騰諸國人之口。則搶掠人之財產。姦淫人之妻妾。及其他種種強賊行為。幾視為法律所許。而莫敢過問者也。此誤認共和二字為內政紊亂之原因。三。有以上之種種原因。而內政遂呈一極不穩固之現象。而所謂革命之偉人鉅子者。挾其手造民國之功。更覺睨睨一切。反抗政令。蹂躪人民。搶掠姦淫。無所不至。成則把持大權。犧牲人民。敗則席捲公款。逍遙海外。名曰平等。實以少數人壓制多數。名曰自由。實以少數人侵畧多數。名曰共和。實以少數犧牲大多數之生命財產者也。況中國財政本極困難。債臺高築。借貸無門。藏富於民自古已然。近察歐美。尤為明驗。古人云。百姓足。君孰與不足。百姓不足。君孰與足。君既如是。國豈不然。該暴民等。據資而逃。公款既已無餘。恣情搜掠。民財亦復淨盡。於是乎民窮於下。國困於上。而凡百內政。均難舉辦。而猶欲侈談共和者。真不啻痴人說夢也。至於外交。棘手尤甚。中俄協約難成。而庫倫獨立尚未取消。西藏交涉至今。而英人不肯讓步。其他各國。耽耽環伺。欲向亞東大陸。築指問鼎。固不可因共和成立。便可高枕而卧也。況外交之進行。恒視內政之善

否為轉移。苟內政修明。則列強之對我。自必親睦。否則我先自伐。又何怪人。今我內政既如彼。紊亂。則外交上當有如是之現象。總之。皆由政府權力薄弱之所致。理固然也。國與家關係至為密切。自古已有恒言。於今為烈。倘國土不幸而亡。身家豈能獨有。皮之不存。毛將焉附。且從前海禁未開。滅國滅種之說。未倡。無論何人主持國政。尚不失其百姓資格。方今國亡種隨。雖百姓亦不能充當。不過作奴隸牛馬。以至滅種而已。是以本大總統。際此內訌外患。紛至沓來之頃。不惜以藐馬一身。支撐危局。時而身命財產。陷於危險之地。則不妨犧牲一己之身命財產。以保護全國人民之生命財產。時而名譽陷於危險之地。亦不惜從而犧牲之。以付諸身後之公論。以期鞏固政府。整飭內政。而伸展國力。為國計。即所以為家計。亦即所以為後世子孫計。蓋不欲近及其身。遠及子孫。使作人之奴隸牛馬也。諸君固當今之所謂愛國士也。此時既憚然肯來。固皆以救國救民為宗旨也。惟救國救民。須有救國救民之方法。第一須有責任心。前清官吏。多因不負責任。以致淪亡。民國成立。愛國愛羣。幾成一種口頭語。卒之徒託空言。無濟實事。諸君宜切實負責。凡利之當興。害之當除。羣策羣力。一致進行。生命財產。及一身之名譽。概可犧牲。則轉危為安。即惟諸君是望。且尤有一言以奉告諸君者。即諸君務以國情社習為準。勿徒高談學理。即以司法一節言之。孰不知獨立之為是。本大總統在前清。北洋大臣任內。即主張司法獨立。無如困難情形。有非普通談學理者所能盡志。第一無司法之人。才。第二即財政之支絀。民間設一審判廳。原期事平訟理。乃該司法官。既無審判之學識。又無社會之

經驗。一案發生。由直殊難判決。而含冤自不能免。加以財政難困。不足養司法官之廉。而貪贓受賄。又非峻法所能禁。必俟人才既經養成。財政亦復充裕。夫然後方能收司法獨立之效。否則既任其含糊判斷。而再加貪贓枉法。是徒恃司法獨立之名。而民間受害。轉較司法不獨立時為甚。是司法不過一端。而其他政治。亦大都類是。日本維新有年。而足踏之木屐。尚未改革。以是知社會上之習慣。不易驟變也。是豈空談學理者所能與語哉。諸君既有救國救民之責任。復能犧牲一切。再斟酌社會上之習慣。以為改革。將輔本大總統及諸國務員之不及。以圖大政之進行。自無宜於此不宜於彼。利於北不利於南之弊。內政既善。外交自易辦理。行見政府強固。國力發展。則真正之共和幸福。方可受享。是諸君之救國救民也。亦即所以自救也。

政治會議開幕詞

今全國統一政治。亟待進行。本大總統深維集思廣益之義。特開政治會議。嘉與邦人。圖新厥治。博求京外通習政治與有經驗者。蓋萃於茲。咨度全國利病損益之宜。凡舊制之待更。新規之當舉。與夫慰元元企慕之策。副列邦期許之盛者。皆將於茲是望。尚具摠發謀猷。殫竭誠悃。於政治之應興應革者。熟察時弊。揆度國情。謹論是經。措置有效。於以登郅治而弼丕基焉。

附熊總理希齡頌辭

民國肇造。二年於茲。萬端待理。未遑制作。此次新政府成立。早經數月。凡百政治。仍未進行。誠以因革損益。具有端緒。不可不根原中國之歷史。深察社會實情。本宜馳奮理想。襲取徒

法以致不能推行盡利是以此次國務會議所定大政方針專意在圖謀國利民福而事體重大不厭集思廣益茲值大總統召集政治會議周咨博採各會員皆海內人望或達於學理或富於經驗將來所有國家地方政治之榮華大端自當咨詢貴會之計畫深望會員諸君各極諫言相助為理則民國之福亦本總理之幸也。

附李議長經義頌詞

政治會為一種特別組織大總統之所以召集本會在使全國遠於學識富於經驗之人萃於一室共謀國利民福本席忝承議長之職代表本會會員深願本會遠覽世界之趨勢近察吾國之國情懲前毖後圖謀補救使政治日趨穩健無復漂搖震撼之虞本日本總統訓辭兢兢以共同救國為言而救國之道則以扶植強有力之政府為歸茲當本會開幕特為宣言深望本會發摠議圖謀國事以無負大總統召集本會之盛意焉。

通令各省派員參與政治會議文

自國體丕變以來於今兩年救弊補偏日不服給創造宏業多所未遑今者內亂戢乎正式政府成立一切根本至計亟待積極進行所有大政方針已由國務會議次第議決惟是中央所定者政策之大綱耳推而行之實在地方各省風氣之閉塞不同形勢之交通互異雖大本之範圍不越而損益之程序或殊不有以溝而通之何以收舉措咸宜之效上年嘗飭各省派員來京組織行政諮詢院乃各代表性質不明主張歧出良法美意致成具文甚可惜也現在擬

開地方行政會議各該省長官皆素抱公忠體國之忱必能深明此義其有年在三十五歲以上於行政界經驗十年以上明於世界大勢品學兼優者應即遴派兩員來京如該省向有駐京人員合格者亦可派充以期早日齊集會議要政總之法內外隔閡之弊成集思廣益之功戮力同心固我邦本本大總統有厚望焉。

覆黎副總統論軍民分權書

虞雷志驚浪烈風悚息津筏莊誦一再獎慮為開晚近人心多私功利禍患之作此為厲階來電深鑒軍人柄政之弊擬將軍務民政厘然分塗自鄂為倡以資表率非行如曾閱學如程朱安能及此舉國如公登黃農而抗歐美矣軍民分權古今通義建武之中歸重刺史乾德之季分寄藩司百年昇平蓋本諸是東瀛府縣西歐州郡亦與軍民離而不合右鎮行者得失可知詳繹名論古今不易我公勳德區域平傳兼容並包綽有餘裕乃復謙挹垂慮久遠公為先導其孰敢後高義感懷惟在撫亂不敢遽許又不忍違當集學理經驗兩家研究再四外省官制必本偉論各稱一切頗難適宜就近判言布政巡撫追溯其源皆民吏也日稱知事又嫌過心茲擬名為民政總監為全省民政之長刻正草具官制一俟院議通過即行發表在官制未定以前似宜仍用民政長名稱即希卓裁示復以便任命樊雲門處現已婉電敦促赴鄂我公維持大局優禮名賢皆推卓絕墨潤紛紜福壽斯民一言興邦公真不朽

附黎副總統來電

魚電悉整軍治民分途異轍自各省光復軍人柄政習為故常推其流弊何可究詰元洪夙隸戎行未嫻民事舉鼎覆餗適填索堂濫職以來時虞傾越近復憂勞交瘁精力日枯何敢久以輕才長膺疆寄當此戎衣初定國步方艱固不忍存潔身引退之心亦不願貽負乘致寇之罪再四思維惟有將軍務民政劃分兩途分事程功庶有裨益冀君增祥鴻才碩學物望所歸以之專任民政必能駕輕就熟措置裕如前以內務司長相遠本擬俟至鄂中再行發表奈屢徵不起不得不述明意見乞助臚言倘蒙俯賜成全微特元洪責任得以稍輕且可藉湖北一省為天下倡先應如何辦理及定名之處希即裁奪先復為盼

覆黎副總統論軍民分治書

疾疾日急今得良劑天存吾華必由於此十害三無怵心刺目西儒所譴暴民專制不圖今日乃親見之貞觀總管什省七八洪武布都明分權寄時勢所值不得不爾詳譯尊電極表同情參議院開即當首提此案晉中分治微試其端今有我公以身作則禍機之息新邦之固共可決矣波蘭諸國非人開之實自亡之今之紛紜亦波蘭也獨坐深思即涕而已微公之誠其美以濟引領南望式拜嘉謨

致柏文蔚論政見書

展誦惠書宗論宏議純由一片血誠流露而出絕非恒泛之詞可比佩慰無已所陳新舊抵觸與黨派離合之故言之鑿鑿與鄙人平日觀察所得若合符節自古禍變之起悉起於政治紊

亂以致人心不平。就其不平者而平之。人民乃獲安甯之幸福。前清之世。親貴用事。人心憤激。民黨諸公。秘密運動。冒死以爭種族之平等。求政治之改良。連鄙人引疾去官。凡舊部將統留學生徒。亦躍躍欲起。鄙人年將六十。高卧田園。本將長為農夫以終老。但遭時變遷。恐我黃帝以來神明胄裔。遽淪於牛馬奴隸之域。不得不投袂往救。以紓兄弟鬩牆之難。絕列強投逞之心。遂自投於驚風駭浪之中。而無所逃避。期年以來。跋前疐後。萬苦千辛。嗟乎烈武。恨不能與君握手同行。痛哭於大荒之野也。執事力任調人。使穩靜之士。勿蹈入激烈旋渦。孤詣苦心。國之瑋寶。責任內閣制。為各國趨慕所同。根本久遠之圖。無踰於此。但正式選舉。尚在開院之時。將來自有主之者。非鄙人所敢逆視。至加入黨籍。上年中山克強諸公。亦曾力勸。惟因入甲黨則乙黨為敵。入乙黨則丙黨為敵。實不敢以一己之便安。而起國中之紛擾。昔英國有女王終身不嫁。人間之。則曰。吾以英國為知鄙人今日。亦曰。以中華民國為黨。四海之內。皆吾兄弟。三人同行。厥有我師。俟將來政黨真正穩固。或不能終守不黨主義。今則尚非其時也。鈍初被戕。正為人才痛惜。而一般昧昧者。乃以風影之詞。嫁禍政府。無論鈍初人物。為有識者所宜愛護。即以手段而論。政府雖愚。亦何至卑劣至此。現在罪人既得。自可按法窮治。無庸深辯。來書痛恨於俗吏之鑽營奔競。為行政大蠹。革命胚胎。鄙人深表同情。惟求得忠肝熱血之人。與之共事。在位一月。決不至若輩復活。以召人心之不平。金玉之言。銘諸左右矣。嗣後如有政見。仍望隨時惠音。雖往復辨難。亦所願聞。

致參副總統商權大政方針書

連日與孫黃二君商榷內政進行方針。由凱閣出大綱八條。(一)立國取統一制度。(二)主持是非善惡之真公道。以正民俗。(三)暫時收束武備。先儲備海陸軍人才。(四)開放門戶。輸入外資。興辦鐵路礦山。建置鋼鐵工廠。以厚民生。(五)提倡資助國民實業。先著手於農林工商。(六)軍事外交財政司法交通。皆取中央集權主義。其餘斟酌各省情形。兼採地方分權主義。(七)迅速整理財政。(八)竭力調和黨見。維持秩序。為承認之根本。以上八條。孫黃皆表同情。如執事亦予贊成。即作為我四人協定政策。嗣後進行事件。即懸為目的。以決疑義。而杜虎言。諸祈教正。盼速覆。

附參副總統復電

捧讀徐電。大政綱。茲事體大。於中國政治前途。極有關係。大總統具閣中肆外之嘉謨。奮長駕遠馭之偉略。熟籌審慮。訂出萬全。孫黃兩先生業表同情。元洪粗知大體。自當贊成。政策幸定。公理無殊。交資互益。勉為後盾。嗣望時加訓誡。無任悚惶。

覆伍廷芳函

元電誦悉。謙謙淵抱。敬佩莫名。惟時局艱難。端賴閣材匡濟。執事歸然魯殿。揚望崇隆。度憫世深衷。當亦不忍忽視。仍乞從前諸俾。遂景暮私忱。實為全國之幸。倘南方風土。頤養為益。可藉尺書。逕資教益。總期不我遐棄。共濟時危。無任殷盼之至。

附來電

青雷敬悲。側席求賢。虛懷下士。謙抑之情。溢於詞表。既佩汪度。益感相知。捧讀之餘。慚悚無已。前此民軍起義。廷芳徇各省之委託。始辦外交。次任議和。旋兼司法。汲修綆。勉為其難。數月以來。心力交瘁。適者唐總理南來。組織內閣。南北英彥。悉已搜羅。濟濟一時。儘敷助理。正喜羣賢匡濟。稍息仔肩。退隱林泉。藉藏鳩拙。乃蒙委為顧問。實恐無補高深。敬達愚忱。謹辭雅命。伏祈亮察。

第六類 外交

清隆裕太后壽誕祝書

大中華民國大總統。謹致書大清隆裕皇太后陛下。伏以徽音早播。式傳令德之徵。懿訓聿宣。更著大同之化。厚生賴以全濟。同承慈愛之施。中夏進乎昇平。宜懋期頤之慶。朔二十二朝之宮範。無此鴻麻。合九萬里之絃圖。胥膺盛美。茲際春熙。輯瑞欣逢。壽宇延洪。衍明新至善之經。協悠久無疆之吉。堯尊舜貞。示五帝之至公。華祝嵩呼。謳三多以介嘏。化干戈而為揖讓。綜京垓。伯兆以膺歡光。日月而頌熾昌。集祿位壽名而篤祉。謹遣梁士詒前往恭祝。代達鄙忱。臨書無任歡忭之至。

致謝美國承認中華民國國書

美利堅合眾國大總統閣下。承認國書。已由駐京貴國代表遞傳。其中親愛之感。意歡迎之至。

誠流露言表足徵貴國互相扶助之美德。長存不衰。從此中美兩國七十年來之邦交益生光彩。本大總統以中華民國之名義。敬此致謝。共和政體。於敝國屬創舉。然其精神之美備。而為貴國所代表者。敝國之民。已熟知之。以此敝國政府之目的。惟維持共和政體。完備行政機關。庶幾全國國民。得永享其澤。對內則調和法律自由。以增進國家之利益。人民之幸福。對外則履行所有之義務。以保國際之和平。列邦之睦誼耳。中華民國臨時大總統袁世凱。

附美大總統承認民國國書

大美國大總統致書於

大中華民國大總統。當中華民國人民。新負自治性質。及主權之時。美政府與美國人民。甚為表示同情。際茲代表全國國會。集以盡其最高最重責任。發表民國輿情所希望者。之得有圓滿效果。是以美國政府及人民。皆以余當代表美國政府。及我美人民。歡迎新中國。加入萬國一家之內。余現因中華民國完全政體。將欲成立。果能從此發履。咸與達於極點。且將來國會造成之新政府。對於臨時政府之所續擔責任。亦能慶續擔負。是誠余所冀望而深信者也。

答清宣統帝祝詞

本大總統今日受任。承

大清皇帝派員齋書代賀。並承嘉譽。不勝感謝。此後深冀國步日邁。民業日興。友邦益睦。五族

彌和以副盛意。特伸謝忱。並祝

大清皇帝健康萬福。

附大清宣統帝祝詞

大清國皇帝謹致祝詞與

中華民國正式大總統。自共和發軔之始。先皇太后深以民生為憂。故慨然下諭。息戰而以
國家政權讓與共和政府。俾舉資格適合。如足下者為之元首。以期建設亞東第一共和國
今欣悉足下已按選舉法。被選為正式大總統。足見五族人民皆任足下。蓋足下實為今日
沾危時代唯一勝任之人也。且各條約國亦樂見中國得足下之治。日臻發達。西方之改革
得以實行。輸入民國。朕誠望此後民國以憲法政府治理。俾得與世界各國處同等之地位
而措民國於鞏固之基礎。五族人民皆蒙其利。今特派溥倫貝子代表作賀。

答謝英皇祝詞

茲因本大總統被選舉為中華民國正式大總統。承蒙大君主來電致賀。並祝民國福利奉電
不勝感荷。用特專電答謝。並頌中英邦交永篤。是所深盼。中華民國大總統

附英皇祝詞

接奉惠電。私衷感謝。藉於榮膺中華民國大總統之任。極深欣賀之誠。從此民國福利無疆。
中英邦交永篤。臨電依依。有厚望焉。

答德皇祝詞

茲因本大總統被舉為中華民國正式大總統，承大皇帝來電致賀，並致頌忱。本大總統不勝感荷，用特答謝，敬祝大皇帝政躬綏福，並祝帝國興盛。

附德皇祝詞

接准來電，欣慰無既。藉志國會舉閣下為民國大總統，並頌民國興盛，政躬康健。從此中德邦交益臻親密，想彼此有同情也。

答日皇祝詞

大日本國大皇帝陛下。本大總統兩承惠電，前者致賀被選，後者致賀受任，誼溢於言表。足徵貴大皇帝敦睦鄰好，厚愛我中華民國，有加無已之至意，欣感無量。本政府暨全國人民，深願兩邦風好，日益親密。本大總統亦深願效力前途，以冀償此志願也。

答英國公使呈遞國書頌詞

貴公使奉貴國大皇帝特命，授為欽命駐華全權公使，親遞國書。本大總統深為慶幸。貴國大皇帝希望我民國浸熾浸昌，於本大總統並加嘉飾，誼摯誠諄，尤深感荷。並願將此意還祝貴國大皇帝。中英邦交關係綦重，今兩國友誼益親。本大總統實嘉賴焉。所冀貴國大皇帝及本大總統竭誠敦睦之意，日起有功，是為至願。貴國大皇帝切望我民國鞏固振興，建立雄健統一之境界。本政府莫不欣感。本大總統當竭力經營，以副威誼。本大總統與貴公使風稱至交。

茲重膺使命來駐敝邦。永篤邦交。益增國利。自當輸誠贊助。並頌貴國大皇帝聖躬綏吉。貴公使身體康泰。

附英國公使呈遞國書詞頌

大總統閣下。本大臣奉本國大皇帝欽命。作為駐紮中華便宜行事全權大臣。將派作駐紮中華便宜行事全權大臣之國書呈遞大總統。我君上之至意。切願永修兩國和好。敕本大臣向大總統陳述。重視尊意。諄望中華民國鞏固振興。本國政府願仰觀建立中國為雄健統一之境界。乃大總統之所深悉。更望中國現承閣下率領。必能臻此上理。本大臣現敢進而言之。此次欽奉我皇上命令。派至大總統。董理之民國。私心甚為欣幸。嗣後擬就貴國政府之協助。竭力緊束我兩國和睦進益之交誼。永存增固。

答美國公使呈遞國書頌詞

貴公使承貴國大總統特命。任為駐華全權公使。親遞國書。並代前任公使嘉樂恒代遞辭任國書。敬為貴國大總統能得人賀。貴公使學術湛深。經綸素裕。膺茲重任。來駐敝邦。不惟足以增貴國之榮實。亦為敝國之光。中美邦交。素以誠信相孚。休戚與共。方今中華人民。竭力以鞏固政府。建設共和。貴國人民。無不熱誠贊助。且不忘促其進行。以達最良政治之目的。尤可慶者。貴國希望我邦發達於平民政治之下。而收統一民國之效。正與我國人民目的。暨本大總統政策。若合符節。所有本大總統感謝貴國大總統之忱。尚希代為轉達。本大總統對於貴公

使駐華。尤為歡迎。貴公使從進兩國固有之夙好。使益臻於親厚。本大總統深願協力贊助。永
久勿渝。順頌貴國大總統政躬康泰。國運熾昌。並頌貴公使在華身體康健。承受多福。

附美國公使呈遞國書頌詞

美國大總統特派芮恩施為任兼中華民國全權公使。今來謁見。係將授任國書。及前使嘉
樂恒調任國書。一併呈遞。大總統鈞覽。公使藉此時機。願將總統宣明輯睦之情。代為陳之。
溯此數年之間。貴國人民建設共和各政。創造堅固全國政體。斯時正當設立基礎。本國對
於中華人民之作為。有和衷同意贊成之希望。此項共和各政成立之後。又兼大總統富有
經驗。為行政元首。舉凡一切措施。本國人民深期均至感興。尤望按照大總統就職宣言書
內所言。國家前途應有宗旨。施行人民自由政體。得以建設鞏固。且使國家之聯合。愈久愈
堅。公使茲膺是職。對於兩國所有永久體貼相信之意。尤當矢志竭力。俾其鞏密。至於中美
互相贊助之文明善舉。暨經久之敦睦友誼。當必逐年增長不渝。是則公使之所厚望者也。

答德國公使呈遞國書頌詞

貴公使以奉貴國大皇帝特命。仍充駐華全權公使。親呈貴國大皇帝致本大總統國書。並面
達貴國大皇帝祝頌之美意。詞意脫誠。曷勝感謝。本大總統素以敦篤邦交為重。溯自貴公使
駐節中華。中德友誼日益親密。此次貴公使重膺簡命。必能康績夙好。鞏固邦交。本大總統尤
深欣悅。即請貴公使將本大總統實心友好之意。暨感謝之忱。代達貴國大皇帝陛下。並祝貴

國大皇帝禔躬康泰。國運熾昌。貴公使福履安康。是所厚望。

附德國公使呈遞國書頌詞

貴大總統閣下。本使臣既蒙本國聖主大皇帝兼大君主陛下。仍選在中華民國德國代表。充任特命欽差。便宜行事。全權大臣。茲敢在貴大總統之前。以此責任自請進見。本使臣向。靡時不將中德兩國幸有之友誼。潛心保養。日益敦篤。嗣仍將膺續盡此心力。並冀此事亦。賴大總統厚情。及貴國政府通融相助。除遵本國大皇帝之命。代達大皇帝所深欽慕大總統之忱。及誠祝中國福祉之意外。本使臣個人。亦謹表同情。茲將本國大皇帝派本使臣之。國書。敬謹呈遞。

答法國公使呈遞國書頌詞

貴公使承貴國大總統特命。為駐華全權公使。今日親遞國書。本大總統甚為豫悅。貴國政府。以中法兩國政體相同。有種種特別關係。所以精加選擇。將此代表重任。付託於貴公使。具見。貴政府鞏固邦交。益加親密之厚意。本大總統尤深欣感。蓋自貴公使駐華一年以來。善體貴。政府實心友好之意。深為本大總統之所寶貴。至本大總統篤修夙好。誠摯無間。亦為貴公使。之所切信。自茲以往。本國政府與貴公使辦理交涉。必當常用協助。俾貴公使善盡厥職。所有。本大總統感悅之忱。尚請貴公使轉達貴國大總統閣下。並祝貴國大總統政躬康泰。國運蕃昌。

附法國公使呈遞國書頌詞

茲奉本國大總統簡派本公使充為駐華特命全權使臣謹於今日呈遞國書於大中華民國大總統之前。我大法民主國政府。因中法兩國共持民主自由高尚之趨向。而交界毗連。又甚遼闊。舉凡事業及財政上。莫不有提携之義。所以在兩國裨益中。更有連帶之關係。故委本公使充當駐華代表。特囑以鞏固維持。及親密兩國交誼。互相關注為宗旨。嗣後諒蒙大總統殷勤助理。得可從容達此目的。殊為本公使所切信者也。竊思一年以來。屢蒙大總統待遇極厚。本公使竭力圖報。則盡厥心。已將襄贊及擁護民國長久太平無疆興旺之意。表明無遺。是以本公使具徵本國政府所頒大總統躬邀幸福。中華民國咸受其賜之詞。定有實驗矣。

答俄國公使呈遞國書頌詞

貴公使膺貴國大皇帝簡命。接充駐華全權公使。呈遞國書。進陳頌詞。述達貴國大皇帝對於本大總統及中華民國國民。永矢親睦之意。聆悉之餘。欣感良深。中俄國境密邇。交誼最深。本大總統深願我兩國睦誼日臻親密。素論貴公使早著隆勳。因而聲望丕懋。遇事必能與我政府。和衷共濟。以篤邦交。本大總統實所厚望。本大總統對於貴國大皇帝永矢親睦之意。極表同情。希將感謝之意。代達貴國大皇帝陛下。并祝貴國大皇帝禔躬安樂。貴公使福履增祥。

附俄國公使呈遞國書頌詞

本國大皇帝欽命本公使充為駐大中華民國全權公使。將此重任付託之際。特命代表本國大皇帝。與大中華民國暨大總統。無替之睦誼。本公使茲膺駐中華民國欽差全權公使。

名譽貴重之任。曷勝欣幸。且遵本國大皇帝之意旨。必當盡心竭力。維持鞏固兩國世交之友誼。甚冀大總統暨貴政府妥協相助。是為厚望。茲將本國大皇帝國書。遞呈大總統。敬頌大總統福壽康強。大中華民國幸福無疆。為祝。

答和蘭國公使呈遞國書頌詞

貴公使承貴國大君后特任為欽命駐華全權公使親遞國書。本大總統深為欣悅。茲承貴公使面達貴國大君后對於中華民國。暨本總統祝頌之忱。詞意肫誠。曷勝感謝。貴公使駐節中華。歷有年所。聲譽優隆。素為本大總統所深悉。此次貴公使重膺簡命。本大總統自當推誠相與。優加禮遇。兩國幸有之邦交。膺續鞏固。并使貴公使善盡厥職。所有本大總統實心友好之意。即請貴公使代達貴國大君后。並祝貴國大君后福躬安泰。國運熾昌。貴公使在華。身體康健。

附和蘭國公使呈遞國書頌詞

大總統閣下。本大臣謹奉本國聖主大君后陛下派為欽差駐紮中華民國全權大臣。得趁此時機。在大總統之前。代表本國大君后誠悃。實為莫大之幸。中國變更之事。本國大君后甚為關心。而對於貴大總統素懷欽已敦睦之念。誠望中華民國事事進步發達。日盛無疆。至於本大臣自身。嗣後甚願竭盡心力。助理各事。必期中和數百年之邦交。日加鞏固。一面勿負本國大君后委派重職之信任。一面甚望大總統對於本大臣信睦之意。日獲增篤。茲將本國大君后欽派本大臣駐華之國書。謹呈大總統鈞鑒。

答丹麥國公使呈遞國書頌詞

貴公使以奉貴國大君主欽命。元駐華全權公使。親呈國書。並面進頌詞。本大總統深為嘉悅。本大總統素以敦篤中丹邦交為重。此次貴公使重膺簡命。自當推誠相與。俾兩國夙有睦誼。賡續鞏固。至旅居中華之貴國人民。本國政府仍必優加待遇。應請貴公使將本大總統實心友好之意。代達貴國大君主陛下。並祝貴國大君主禔躬康泰。貴公使身體安健。

附丹麥國公使呈遞國書頌詞

大總統閣下。竊本公使。欽奉我國大君主。派充駐華全權公使。并頒奉致大總統國書。茲特恭呈均鑒。并將我國大君主敦篤中丹邦交之誠意。代為上達。本公使亦謹同斯旨。深願竭其棉力。勉副大總統厚意。伏思我兩國交誼。夙稱親睦。敝國商人。在華素叨蔭庇。即受傭於貴國政府之本國人民。亦蒙優加待遇。此則我國大君主所深為銘感者也。敬祝大總統政治丕益。福躬康泰。

通飭保護外人文

現在共和成立。人民程度。日進文明。凡我友邦。在華人士。尤宜誠悃相孚。益敦睦誼。以期邦交穩固。共享和平。獲躋世界於大同。保我國民之名譽。值大局初定。人心浮動。地方秩序。諸待維持。所有旅華各國人民生命財產。應由該地方官。及駐紮各軍隊。切實保護。倘有疏虞。該地方文武將吏。均難稍辭其責。本大總統。謬承國民推舉。勉擔義務。所悵在抱。尤以國利民福。

輯睦邦交為重。望各地方長官及各將領轉飭所屬所部。共悉此意。一律遵行。特此布告。

致清醜親王書

大中華民國大總統謹致書於大清醇親王殿下。按內務府來函。驚悉隆裕皇太后仙馭升遐。不勝痛悼。聞道命特派貴爵照料宮廷。差慰廬系。惟念貴皇帝方在沖齡。維持調護均關重要。貴爵雖可照料於外。而主持內廷。一切應有專責。方免疏誤。德宗景皇帝享國日久。道愛在民。全國人民無不思慕。謹貴妃侍德宗數十年。侍隆裕皇太后又歷有年所。溫恭淑慎。遐邇同欽。如貴爵承旨晉封尊號。所有內廷事。均歸經理。教育皇帝。必能盡心。民國政府人民必當懽欣承認。此外宮人。俱應聽其約束。以專責成。儻有擾亂秩序之舉動。無論何項人等。民國政府按優待條件。有保護皇室之責。義難坐視。本大總統不得不協同籌畫。以保安全。深盼宮闈主持得人。俾皇室永享尊榮之福。尚祈貴爵迅予施行。無任企盼。除派陸軍上將蔭昌段祺瑞面陳未盡之言外。敬頌勳祺。

附清醜親王覆書

敬覆者。癸丑正月廿九日。得晤陸段二上將。備陳尊意。均已祇悉。並奉到惠函。重荷大總統以隆裕皇太后仙馭升遐。皇帝方在沖齡。維持調護。須專責成。應承旨晉封謹貴妃。直隸教育皇帝。民國政府人民必當懽欣承認。此外宮人均應聽其約束。等語。足見關懷皇室。易勝緬佩。感激殊深。本爵以事關大體。本便以鄙見所及。遽然表決。當即會商各王公大臣。徵詰

意見發以尊意善盡極為周詳。應即遵照辦理。現在宮廷主位。均能維持大局。備極和平。謹此覆陳。用抒塵念。專鳴謝悃。順頌福祉。

通告各國公使書

民國肇造。臨時政府。一年以來。無日不以恢復秩序。力謀統一為事。蓋非此無以靖地方。亦非此無以立國也。各國與我辦理交涉。繼續進行。未嘗有間。而商務財政上之關係。尤日見增益。各國借款賠款。極願如期清償。然非候民國內外實行統一。不足以得實際之保護。尤不足以促財政之發達。本國政府。深見及此。方求所以饜外人之望。若本國不能統一。對內則裁汰冗兵。畫一幣制。無從入手。因此於各國商業保護條件。俱有妨害。不獨無以對本國良民。亦何以對和好各國。近南中官吏。意見紛歧。擁兵虛糜帑項。無政治知識。政府撤換數人。正為一致進行。早得統一。起見。乃匪徒藉口。遽起逆謀。肇亂稱兵。背叛民國。商民切齒。市面牽動。政府現已派遣軍隊。刻期南下。偏隅之亂。不難指日盪平。惟是政府以仁愛為懷。以和平為本。並不欲以兵戈之禍。擾及地方。但求內亂早平。恢復商務。國會議員。及各省商會。已要求速討叛逆。政府受人民委托。不得不行其應盡之義務。此係本國政府對於此次內亂。不得已之苦衷。各國與本國敦睦有加。必多關念。用特佈達。以明事實。

第七類 共和

裁撤藩屬名稱文

現在五族共和。凡蒙藏回疆各地方。同為我中華民國領土。則蒙藏回疆各民族。即同為我中華民國國民。自不能如帝政時代。再有著屬名稱。此後蒙藏回疆等處。自應通籌規畫。以謀內政之統一。而奠民族之大同。民國政府。於理蕃不設專部。原係視蒙藏回疆與內地各省平等。將來各該地方一切政治。俱屬內務行政範圍。現在統一政府。業已成立。其理蕃部事務。著即歸併內務部接管。其隸於各部之事。仍劃歸各部管理。在地方制度未經劃一規定以前。蒙藏回疆應辦事宜。均各仍照向例辦理。

略除五大民族婚姻禁令文

現在國體改定。聯合五族。組織新邦。必宜使畛域胥除。情誼日洽。查舊例於漢滿蒙。皆有擅通婚姻之禁令。即回藏兩族。與漢族結婚者亦少。近年屢議略除舊禁。疏通習俗。或頒布而尚少奉行。或勸告而猶多疑阻。刻下共和伊始。五族一家。若仍於婚姻一節。有此疆彼界之拘。則睽隔殊多。何以免參差而昭聯合。為此用勸漢滿蒙回藏五大族。各宜互通婚姻。一以除異同之跡。一以期情誼之孚。其習俗確有窒礙。如纏足等類。均宜亟為改更。所有五大族士紳耆老。苦口相勸。毅力堅持。作為楷模。用廣推譽。庶我國民。共除舊見。敦睦新懷。行聯合之實。使我五大民族。相親相愛。於無極。所有各地方民政各機關。均即出示勸諭。俾眾周知。益擴胞與之懷。同登熙皞之治。是則本大總統。有厚望焉。

飭令宣布優待蒙回藏條件文

現在聯合五族組織新邦務在體貼民情敷宣德化使我五族共享共和之福前據綏遠城將軍張紹曾電呈烏蘭察布盟扎薩克等來文以共和為擾害蒙古拋棄佛教破壞游牧請民國內務部嗣後關於飭令遵行新政異怪各事件暫行停止等語查優待蒙回藏民族條件第七條蒙回藏原有之宗教聽其信仰是宗教申明信仰何有拋棄之事第二條保護原有私產是產業申明保護何有破壞游牧之事又參議院議決公布待遇蒙古條例第一條中央對於蒙古行政機關不用殖民等字樣第二條各蒙古王公原有之管轄治理權一律照舊是皆重在維持蒙古原有權利何有擾害之事又原電該盟呈內指銷除藩屬名稱為混亂蒙人種族一節查宣布共和送經申明聯合漢滿蒙回藏五大族為中華民國名為蒙族何得誣為混亂至不用理藩字樣者所以進為平等免致待遇偏畸中央刻又復封建額振興黃教各呼圖克圖來京及助順者均加進封號優予禮賚蒙回王公之贊同共和者亦併優進爵秩民國優待蒙回藏各族崇重宗教實有確徵無非欲同我太平安生樂業惟該盟原呈既多有誤會自應趕為宣播以釋羣疑即由國務院將優待蒙回藏各族條件待遇蒙古條例及復封建額禮賚各呼圖克圖優進各王公爵秩等公布命令譯成各體合璧文字刊刻頒發各旗各城榜示曉諭俾眾周知此令

致庫倫活佛書（二）

外蒙同為中華民族數百年來儼如一家現在時局岌岌遷事日棘萬無可分之理貴喇嘛慈

愛羣生。宅心公博。用特詳述利害。以免悞會。各洲獨立之國。必其人民財賦。兵力政治。皆能自主。乃可成一國。而不為人所吞噬。蒙古地面雖廣。人數過少。合各家計之。尚不如內地一小省之數。以蒙民生計窘迫。財賦所入至微。外蒙壯丁。日求一飽。尚不可得。今乃欲責令出設官養兵。購械諸費。不背叛則填溝壑。何所取給。若借之於人。則太阿倒持。必至喧賓奪主。又自奉黃教以來。好生忌殺。已成天性。各部箭丁。祇知騎射。刀矛尚不能備。何論於砲。欲議攻戰。必無可恃。政治則沿貴族之制。行政司法。以較各洲強國。萬無可企。更難自立。且各蒙並未盡能從服。貴喇嘛威令所及者。僅圖車三音三部。且聞尚未盡服。閱時稍久。人怨財匱。火眾離心。雖悔何及。試問百年以來。凡近於蒙古。而不隸中國蒙回各部。有一自存者否。有不為人郡縣者否。各蒙與漢境唇齒相依。猶堂與之於庭戶。合則兩利。離則兩傷。今論全國力量。足可以化外蒙之貧弱為富強。置於安全之域。舊日苛政。當此新基創始。自必力為掃除。此外如有要求。但能取銷獨立。皆可商酌。貴喇嘛識見通達。必能審擇禍福。切勿惑於邪說。貽外蒙無窮之禍。竭誠致告。即希見復。

致庫倫活佛書(三)

電志。貴喇嘛慈愛羣生。維持大局之苦衷。並辱獎譽。殊深感愧。近年邊吏不職。虐我蒙民。以致羣怨沸騰。激成獨立。此等情狀。內地胥同。貴喇嘛之歎忱。固國人所共諒。刻下國體確定。漢蒙一家。必須合力以圖。新基方能鞏固。來電操縱一節。深知歸重中央。不欲總無謂之虛名。賈漢

蒙以實禍致人生收其利。天地聖佛實鑒此心。今聯合五族組織新邦。本大總統與貴喇嘛在一身則如手足。在一室則如昆弟。利害休戚皆所與共。但使竭誠相待。無不可以商榷。何必勞人干澆。致失主權。前此各省怨苦虐政。多告獨立。自共和宣布。全已取消。蓋皆不忍人民塗炭之心。而無爭地爭城之私見。來電詞旨。尤愜鄙人務望大擴慈心。熟觀時局。刻日取消獨立。仍與內地聯為一國。則危機可泯。邦本可固。國民對於貴喇嘛。同深感戴。必當優為待遇。即各王公及他項人員等。亦必一體優待。此後一切政治。更須博訪輿情。詳為規定。以贖蒙族保安之希望。為進大同之化。共和幸福。其各無涯量。否則閭閻不已。禍及全國。將有同為奴隸之悔。以貴喇嘛之明智仁愛。當必不出此也。至蒙古與內地。合則兩利。分則兩傷。前雷已痛言之。所有應行商榷各節。雷內未能盡達者。已派專員前往庫倫。趨謁駐錫。面罄衷曲。商議一切。到時切希賜晤。至所企禱。仍望見復。

覆庫倫哲布尊丹巴書

此次改建共和。以完全領土。成一民國。此乃根據隆裕太后詔書。所謂以統治權。公諸全國。既非君位繼承。安有血統關係可言。執事負固一隅。自為風氣。試讀韓史。當其脫離母邦。宣言獨立之際。何嘗不假借名號。稱快一時。曾不幾時。而世界地圖。甯復見大韓帝國顏色。殷鑒不遠。想執事當能憶之。本大總統以仁慈為懷。不忍遽加征討。倘早日悔悟。優待條件。昭然俱在。共享昇平。試觀內外蒙古各王公。凡屬翊贊共和者。贈賚有加。執事當亦有聞焉。執事若翻然改

圖共奠邦本。則酬庸之禮。自異尋常。天日在上。決不食言。若執迷不悟。五族公民。同伸義憤。兵戎之禍。推實尸之。至謂以兵力從事。則執事固先以兵隊騷擾附近各地。本大總統特出偏師。救民於水火。非專與執事作為對敵之舉也。忠告若是。伏希鑒諸。

覆庫倫哲布尊丹巴書

卦電悉。庫倫不宜與中國分裂。前已迭電詳述。前清以統治權讓於民國。民國人各以總攬政務權。舉付於本大總統。前清之舊區域內。有外蒙古一部分。本大總統受全國付託之重。理應接管。至庫倫獨立前清並未允行。中華民國亦斷無允准之理。庫倫本為民國領土。來電所稱立約一節。是與統治權內之領土而立約。實所不聞。前有暴徒謀壞共和。有妨統治。曾以正當法律處之。全國士庶莫不稱快。貴喇嘛以兵力擾亂烏里雅蘇台科布多達里兩差一帶。致令人民慘受兵禍。王公或被擒擄。極恃人道。焚殺淫掠。甚於盜賊。民國重在保安秩序。豈能長此坐視。今各蒙旗除貴喇嘛用兵迫脅之附近庫倫各地外。其他蒙旗各部。無不贊成民國。力拒庫倫。王公喇嘛等。或親身赴京。或遣代表前來。獻責輸誠。絡繹不絕。貴喇嘛何得以一隅之地。冒稱蒙古全國。現各省將領。均以領土損失。沿權虧缺。憤激甚烈。各思糾集健兒。以與貴喇嘛相見。本大總統以仁慈為懷。多方解勸。令其靜候和平解決。以望貴喇嘛之悔悟。甚盼熟籌利害。使我民國受於前清之領土。及統治權完全無缺。民國當優禮有加。蓋派前嫌。共謀黃教之發達。永保全國之和平。無負本大總統與貴喇嘛慈惠之初心。推誠布告。尚望裁覆。

第八類 風尚

通令國民尊崇倫常文

前據南京留守黃興電陳民國肇造以來。年少輕躁之士。誤認共和真理。以放任為自由。以蔑倫為幸福。綱紀靡喪。流弊無窮。請講明孝弟忠信禮義廉恥。以提倡天下挽回薄俗等情。仁人之言。聞之感喟。本大總統深惟中華立國。以孝弟忠信禮義廉恥。為人道之大經。政體雖惡。民彝無改。蓋共和國體。惟不以國家為一姓之私產。而公諸全體之國民。至於人倫道德之原。初無歧異。古人以上思利民。朋友善道為忠。原非局於君臣之際。自餘七德。雖廣狹有殊。而人羣大紀。世舉無遺。自頃以來。人心浮動。於東西各國科學之精微。未能通曉。而先醉心於物質文明。以破個人道德。緣飾哲學。比附名詞。厚誣彼賢。秘遂已過。抑知立國各有本末。豈能舉吾國數千年之嘉言懿行。掃而空。前述八德。百姓與能。乃妄者以為不便於己。譬如弁髦。造作考言。誤人子弟。幾欲化全國人民。為不孝不弟不忠不信無禮無義無廉無恥而後快。孟子有言。去人倫無君子。率獸食人。人將相食。若任其自然。不為別白。則五季之蕩。無法紀。復見於今。必為人類所不容。環球所共棄。言念及此。愛心如焚。為此申明。諸議須知家庭倫理。國家倫理。社會倫理。凡屬文明之國。靡不殊塗同歸。此八德者。乃人羣秩序之常。非帝王專制之規也。當此存亡絕續之際。固不必墨守舊說。拘拘於一家之言。亦豈可侵軼範圍。毀冠裳而隨鱗介。惟願全國人民。恪循禮法。共濟時艱。其或倡作詖詞。引入附國。有常刑。豈能寬縱。本大總統痛時

局之沾危。牀紀綱之廢弛。每念今日大患。尚不在國勢而在人心。苟人心有向善之機。即國本有底安之理。凡我邦人父兄子弟。敬而聽之。此令。

通令尊崇孔聖文

立國之本。在於政治。而政治新舊之遞嬗。恒視學說為轉移。我中國之尊孔子。始於漢武帝。擯黜百氏。表章六經。自是學說遂統於一尊。顧孔學博大興世推後。以正君臣為小。康以天下為公。為大同。其後歷代人主。專取其小。康學派。鞏固君權。傳疏諸家。變本加厲。而專制之威。能使舉世學者。不敢出其範圍。逆自國體改革。締造共和。或為孔子言制大一統而辨等威。疑其說與今之平等自由不合。淺妄者流。至悍然倡為廢祀之說。此不獨無以識孔學之精微。即於平等自由之真相。亦未嘗有當也。孔子生貴族專制時代。憫大道之不行。哀斯民之昏墊。乃退而祖述堯舜。刪修六經。春秋據亂之後。為升平太平之世。禮於小康之上。進以大同共和之義。此其導源遠如顏曾思孟。近如顧黃王諸儒。多能發明宗旨。擇精語詳。大義微言。久而益著。醞釀鬱積。遂有今日民主之局。天生孔子。為萬世師表。既結皇煌帝諦之終。亦開選賢與能之始。所謂反之人心而安。放之四海而準者。本大總統證以數千年之歷史。中外學者之論說。蓋灼然有以知日月之無傷。江河之不廢也。惟民國以人民為主體。非任其自由信託。不足以證心理之同。前經國務院通電各省。徵集多數國民祀孔意見。現在尚未覆齊。茲據尹昌衡電稱。請令全國學校。仍行釋奠之禮等語。所見極為正大。應俟各省一律議覆到京。即查照民國體制。根據

古義將祝孔典禮。折衷至當。詳細規定。以表尊崇而垂久遠。值此詭邪充塞。法守蕩然。以不服從為平等。以無忌憚為自由。民德如斯。國何以立。本大總統維持人道。日夜兢兢。每於古今治亂之源。政學會通之故。反覆研求。務得真理。以為國家強弱存亡所係。惟此禮義廉恥之防。欲遏橫流。在循正軌。總期宗仰時聖。道不虛行。以正人心。以立民極。於以祈國命於無疆。鞏共和於不敝。凡我國民。同有責焉。此令。

通令崇尚節儉文

民國成立以來。國家財力困竭。即社會生計。亦何嘗不備極艱難。本大總統徵諸已往。歷堯大。都開國多儉。亡國多奢。前清之季。財源涸竭。怨讟繁興。而京外官僚。以及富商巨族。奢侈之風。為數十年前所未有。小民困苦。殆不樂生。而上下酣嬉。不知悛戒。豪家一夕之餐。足耗中人十家之產。深識之士。早知敗亡之將及矣。民國新創。正宜引為殷鑒。痛加革除。尤而效之。甯非大謬。本大總統就任之始。即以屏奢華。節勤儉。勸我國民。乃歷時寢久。而教化未行。竊甚愧之。自茲以往。凡我國民。須知物力艱難。至今已極。在官吏為國家服務。事畜之資。莫非民力所出。稍涉浮糜。即為罪戾。即商民之家。自婚喪交際。以至日用飲食。亦宜以撙節為衡。大凡人民習慣。由儉入奢。易由奢入儉難。然嗜欲無窮。物力有限。一切資本。投諸消耗之地者。錙銖無復返之時。投諸生產之途者。則開源之功。尤勝於節流十倍。所望憂時賢哲。以身為倡。庶幾風會轉移。養成尚儉之習。使國民皆有艱難締造之苦心。實業自日趨於發達。而生計自日趨於優裕。務

期野無曠土國無游民燕負本大總統頻頻誥誡之意此令。

第九類 治安

飭令粵省軍官維持大局文

廣東開通最早。試稱富饒。民情勤樸。尤長貿易。乃光復以後。商賈凋敝。老幼流離。富者以港澳為樂郊。貧者為荏苒所魚肉。未享共和之幸福。先遭特別之奇災。即使生聚十年。尚未知能否復回元氣。本大總統恨以涼德。謬膺付託。念及此。悲愧交深。幸賴我廣東軍界同人。皆明大義。共矢服從。尤以保衛居民。綏靖地方為天職。人民賴以獲全者。實居多數。本大總統實所嘉慰。都督胡漢民。治粵經年。軍民情誼。迄未融洽。但其才長肆應。諸於外交。是以寄以使命。陳炯明。篤實明達。頗得軍心。是以任為都督。該師長等。尚以鞏固統一。服從命令為宗旨。當此新舊交替之際。務宜各負責任。恪盡職守。督飭所部。維持秩序。保護地方。使全省人民。無不驚安。居樂業。總之。人民多一分幸福。本大總統即減一分罪戾。該師長即大張曉諭。俾地方父老。咸喻此意。並轉知防營各將領一體遵照。不得稍有驚擾。以副本大總統戡暴安良之至意。切切此令。

通令嚴捕圖謀內亂黨徒文

民國肇基伊始。推翻帝制。締造新邦。當義師之興。未遑悉加裁制。遂使依草附木者。假借名義。魚肉良民。致羸穉轉於溝壑。丁壯膏手鋒鏑。瘡痍滿目。海內騷然。一年以來。秩序雖漸甯謐。元氣迄未昭蘇。本大總統受國民付託之重。不肯張皇武力。塗炭生靈。遇有陰謀破壞者。亦不惜

由予優容。其悔悟。誠以時局顛危。至斯已極。財力枯竭。民不聊生。道路怨恚。屢情惶惑。怯弱者莫不僥寄租界。託生命財產於外人。甘受取締。視為固然。失業貧民所在皆是。此等現象。言之痛心。即使舉國一心。日謀生聚。安居樂業。卜卜何時。若再爛塘沸羹。內訌無已。即不敵分割之機。亦必使國民罹兵火之劫。是以午夜焦思。推心泣血。忍辱負誦。委曲求全。現在國會開幕。行將選舉正式大總統。方期繼起之賢。艱難宏濟。拯生民於水火。措全國於永安。本大總統藉得與四萬萬人民。同享幸福。區區此心。當為天下所共諒。乃近閱上海四月二十九日路透電。稱有人在滬運動第二次革命。諄勸商家助捐籌餉。反對中央。又英文大陸報稱上海有人運動滬甯鐵路。預備運兵赴甯各等語。披閱之餘。殊堪駭怪。雖西報登載風聞。不必實有其事。而既有此等傳說。豈容坐視亂萌。用特明切宣示。昭告國民。須知總統向稱公僕。與子孫帝王萬世之業。夢逸迥殊。但使眾望允孚。即能被選。何用藉端發難。苦我生靈。倘如西報所言。奸人乘此煽亂。釀成暴動。則是擾亂和平。破壞民國。甘冒天下之不韙。本大總統一日在任。即有捍衛疆土保護人民之責。惟有除暴安良。執法不貸。為此令行各省都督民政長。轉令各地方長官。遇有不逞之徒。潛謀內亂。斂財聚眾。確有實據。立予逮捕嚴究。其有無知愚民。或被入誘脅。或轉相驚擾者。併統為開導。毋得稍涉株連。將此通令知之。此令。

通令各省維持治安文

共和國。以道德為基礎。以法律為範圍。就司法方面言之。非推究全案本末。又經法庭公開。

者。不得輕加論斷。就行政方面言之。非考求此事原委。實與法律違反者。不宜信口雌黃。視國者。將以此卜人民程度之隆污。不可不慎。近日迭接各處電文。語極離奇。清人耳目。一為前農林總長宋教仁被刺案。因洪述祖與應夔丞往來函件。影射國務總理趙秉鈞。一為五國借款告成。誤認為議院未經通過。並疑及監督財政。市虎杯蛇。深堪駭異。宋教仁被刺一案。業經趙秉鈞通告說明。五國借款一案。亦由財政總長。詳細宣布。閱者酌理。準情。當能瞭然於兩事之真相。乃有不問是非。不顧虛實。竟將立法行政司法各機關。一筆抹倒。遷個人之成。貶強舉世以盲從。直欲釀成絕大風潮。以遂其傾覆政府。擾亂大局之計。豈共和國民。固當如是耶。雖或一時狂熱。筆出無心。或本擬維持。受人挾制。其情不無可原。然而宵小生心。民情震懼。友邦騰笑。商素觀望。非細故也。為此通令各省都督民政長。通行曉諭。須知刑事案件。應俟司法機關判決。外債事件。確經前參議院贊同。豈容散布浮言。坐貽實禍。本大總統有維持治安之責。何敢坐視擾攘。致無以對我國民也。此令。

通令宣布定亂方針文

湖口徐州等處。暴徒倡亂。政府為整肅紀綱。維持國本起見。不得不以兵力戡定。遂經先後布告。本大總統躬承國民付託之重。值此變出非常。蓋平內亂。責無旁貸。耿耿此心。當為我國民所共諒。各友邦所悉知。惟恐傳聞之異詞。或疑方鐵之未定。國民以姑息養奸相責備。外商以身命生產為隱憂。若不明白宣告。使我全國人民。咸知順逆從違之所在。各外商共悉鎮壓暴

亂之有否其何以靖人心而昭大信。為此通令條舉三端。一該暴徒等勾煽叛兵僭竊土地擅行宣佈獨立破壞民國之統一。擾害地方之治安。此等行為實係亂黨。政府不得不依照國家法律以兵備警戒是用兵定亂。為行使約法上之統治權。民國政府當然有此責任。二各國商民之通商傳教載在條約。凡有亂警地方該地司令官均應照約實力保護務使各外國人之身命財產不致因亂事稍受危險。嗣後各該地方之外國人所有身命財產如因鎮壓變亂而直接受有損失者。民國政府必完全負其責任。三亂黨到處勾結如有本國人或外國人與之訂立一切契約而影響可以及於國家或一地方者。無論用何種方法及何種名義。民國政府絕不承認。以上三端。自本令發布以後。應由各該地司令官通行布告。仍著外支總長行文駐京各國公使查照。以慰友邦熱誠贊助之雅懷。而示本大總統除暴安良之至意。此令。

通令各省宣布中央困難情形文

本大總統受國民付託之重。承乏今職。於茲經年。國基甫定。百廢未興。乃忽有贛寧亂耗發生。本大總統不能消禍未萌。致釀此變。震擾閭閻。循責返躬。負疚何極。一年以來。國中待治極既。而政府措施不足以譽眾望。此不待國民督責。即追諸本大總統之良知。亦豈能一日即安者。雖然政象不振之原因。由於本大總統德薄能鮮者固半。由於各方面形格勢禁者亦半。謹述甘苦為國民一言。大用人實行政之本。而國務院為大政所從出。本大總統為國擇才。尤深兢兢。遵憲約法。必須求同意於議院。議院果清白乃心。協商共濟。則物色一國最高之大使荷一

國最重之任。善後之業。或尚非難。乃自黨見。既與意存掣肘。提出否認。至再至三。夫賢才之士。孰不愛惜羽毛。未受任而動。已見獲。則延攬益難。為力降格以求。實勢所逼。躊躇滿志。事安可辦。且施程程功。在明黜陟。一度政府成立。疏通動需數月。未才則幾熏丹穴。共事則若撫驕兒。稍裨責難。動言引退。別提以圖補缺。通過艱於登天。挽留且難。違論黜斥。既不願常以無政府貽笑萬國。曾不敢妄以大甄別施諸百倫。紀綱無自修明。政本安能澄肅。至於各部司員。半經偉人薦拔。本大總統求才若渴。固願禮羅各部總長。愛屋及烏。亦難固拒。彈冠相踵。濫竽日多。政務叢脞。當局者固責無可辭。任途濁昏。拔功者亦宜分其咎。中央艱窘。既已若是。其在地方。抑又甚焉。東初都督總領軍民。率以光復元勳。遂乃真降受事。等漢牧之就拜。類唐藩之留後。感令本白不行。功過安從責讓。廢後亟籌分治。民政別置長官。而乃簡命朝頒。拒雷夕告。本大總統因循瞻徇。咎固難辭。顧亦嘗再四思維。實不願漫然變置。夫人既有自私自土地之心。豈肯為顧全大局之計。削藩召亂。移鎮生變。往代常聞。取鑑非遠。本大總統以民國新造。創痍未盡。誠不願炎漢七國之難。復見於今。猶庶幾日本西南之師。可以倖免。俯心遷就。職此之由。而一省擅命。諸方效尤。罰既有所不行。績安能而得舉。况復上自諸司。下逮州縣。皆恃堂籍為奧援。習長官而自署。盡人皆革命元勳。故口輒有功民國。人靡言難。進易退難。馴致法紀視若弁髦。名器日趨浮濫。以茲圖治。寧真面牆。誰生厲階。至今為梗。廓清無狀。私衷固所懷漸。作俑以詭。健者能無分謗。至如治國大總理財為要。自前清之末葉。久歲入之不敷。一年以來。原有賦

稅地方節節截留。中央徵解無幾。而善後之費日增。舊債之期更迫。乃或利用感情之弱點。偏為無責之游談。國稅則屢徵而屢抗。外債則旋贊而旋否。借風作浪。節外生枝。以黨略為前提。置國命於孤注。稍盡急公之職。輒蒙專擅之譏。責無從負。政何自行。况國家既采法治主義。庶政皆藉法律以行。而國會紛爭。議案叢脞。累日不能決一條。經月不能頒一律。律文既缺。何所遵依。而國家作用。一日不能滯停。政府措稅。觸處動成違法。以云任責。更安取裁。凡此諸端。略述一二。其他百舉。循類可推。本大總統。非敢陳訴艱窘。希圖接卸。亦欲我國民。知積重之難。非且夕所能驟回。而轉圜之機。在各方皆宜有責。今欲濟此時艱。勤求治道。條理雖多。本原惟一。首在規復政令之紀綱。建行國家之威信。此本苟撥。他復何屬。本大總統。昔以仁柔姑息。延茲厲階。今當以勇猛精勤。殲彼前愆。叛黨欲破壞民國。惟本大總統。責當保之。叛黨欲塗炭生靈。惟本大總統。責當拯之。垂涕伐罪。痛心質天。紀綱所繫。威信所關。雖懷痛悼。其安得已。當茲千鈞一髮之會。或亦除舊布新之機。方將集天下之才。共天下之事。則挽墜日於虞淵。完漏舟於駭浪。雖云甚艱。何遽無術。所冀國人。共宏斯願。本大總統。老矣。六十衰翁。復何所求。顧斷不忍五十年神明古國。顛覆自我。但使一息尚存。亦不許謀覆國家之凶徒。得以自恣。冀與邦人諸友。咎乎如舊。冒險犯難。莫此國基。他日作共和幸民。扶杖山谷。以觀治化。庶遂初志。敢告有眾。此令。

勅令蘇省長官籌辦善後事宜文

江甯本東南重鎮。北與齊魯遙相控制。迨首黃興。假託名義。在甯謀叛。經程德全通電取清。逆

黨何海鳴等屢次煽動。再獨立。人民身命財產喪失無窮。困苦顛連達於極點。該逆等寡人之妻。孤人之子。致生者播散流離。死者斷吭絕脛。不知該逆等與吾民何怨何仇。必置之死地而後快。與念及此。殊堪痛憤。現在金陵雖已收復。而民間流離失所。慘不忍言。善後事宜次第籌辦。業飭鄭汝成采辦米石。迅速前往。分別散賑。一面招商集款。接濟民食。並由該省長官遴選愛民良吏。加意撫綏。仍遵臺次頒令。剴切誥誡軍人。使知以保衛人民為天職。庶可輿情融洽。感召天和。凡我士庶。亦各父詔兄勉。勿再信叛徒煽惑。人人長長親親。使數千年人道之大防。不至墜地。否則紀綱廢弛。暴亂相尋。君子犯義。小人犯刑。即亡國滅種之禍本。當此痛深創鉅。宜以恐懼修省為懷。治亂之機。在此一線。嗟爾有眾。其敬聽之。此令。

致東三省及直隸山東山西河南熱河察哈爾官紳維持行政機關函

南省自民軍起義後。原有行政長官。不顧大局。率先遠颺。以致屬僚星散。地方無主。秩序全亂。土匪蜂起。閭閻大受蹂躪。遂設法安集。而士民身家已遭塗炭。東北各省官紳贊同共和。保守行政機關。輔助維持。故四民相安。地方完全。保全之大。非止個人之身家。現共和一致。尤宜官民協力。共謀國利民福。斷不可稍爭權利。致生嫌隙。如因私見。先自擾亂。害及同胞。詎為共和之本旨。將為中外所詬笑。仁人智士。必不出此。倘官紳齟齬。多所牽掣。致政令不行。治安不保。不但非本省之福。且與民國前途。大有影響。賢達士紳。願全桑梓。想能共見此義。至官長受中央委任。如有不洽輿情。或不勝職任者。俟統一政府成立。必另訂官制官規。擇賢任使。力求治

理。當遷徙之時。不得不以因為革。先保現狀。決非有所私袒。但求地方生靈。免被荼毒耳。區區此心。可質天日。繼此以往。建設方新。萬端待理。深慮人才之不足。懷才待用之士。斷無沈埋之理。其有激烈之士。仍望明達長官。老成紳士。諄諄勸解。共保和平。即為恪盡國民義務。鄙人有厚望焉。

致副總統暨各省論時局書

恭都督胡都督陸都督唐都督啟電志。民國統一。忽忽經年。外侮憑陵。民生窮蹙。痛心怵息。險象環生。凡稍知世界大勢。稍具愛國思想。雖同心戮力。披髮纓冠。猶恐不及。豈忍燃箕煮豆。捧獻漁人。來電所稱奸邪之徒。陰謀竊割。當是少數無識者所為。共和國家。以謀最大多數之幸福為宗旨。此等擾亂秩序。破壞統一之舉。動叩諸國民心理。當必認為公敵。本大總統哀朽餘生。誓伏數稔。田居可樂。何自苦為。徒以遭時變遷。志在救國。不忍我神明之胃。陷於牛馬奴隸之域。慨然欲身任其艱。又以同類相殘。哲人不取。用是尊重人道。主持平和。原為保全善民。恢復元氣。並非因循畏葸。崇長亂萌。一息尚存。總以除暴安良為天職。若如來電所稱。乘機鼓煽。各節。則本大總統救國之志。終不得達。而亡國之罪。將與之同。既受人民付託之重。豈敢坐視分熟。貽禍蒼生。當宜而行。義無所避。副總統及各都督。同膺重寄。共抱熱誠。望隨時防範。以維大局。

覆滇桂川黔四督宣告宗旨電

余衰朽餘生。伏處已久。此次出山。全為救國起見。故一年以來。始終平和從事。非兵力不足。實不願輕啓殺機。隱忍至今。良非得已。若果有該督等所稱情事。則余決不能以救國之初心為

亡國之禍首。惟犧牲性命於此。公庶願與諸君共勉之。祈鑒區區為幸。

致副總統暨皖都督論武漢亂事書

此次武昌軍官倡亂。藉改進團名目。煽送傳單。煽惑軍隊。幸經破獲。地方賴以安甯。就據拿獲犯官容景芳等。供稱季雨霖曾尚武為發走之人。并自各給巨款。為租置房屋。購辦證券之用。事關內亂。法所當研究。一經質訊。虛實自明。正與柏都督來電舉措各事。必先根據法令之意相同。且因季雨霖等先期潛逃。始行統奪官勳。限期投案聲明。如有虛誣。再為昭雪。更非有意構成疑案。副總統執法平情之苦心。昭然若揭。當為人民共見。值茲國本未固。人心思亂之際。倘任匪徒煽惑。法紀蕩然。專以寬縱為消彌之策。必致有動者皆可犯法。執法無從實施。各省長官。皆有姦靖地方之責。詎堪睹此紛擾。仍望副總統轉飭遵照前令。組織軍法會審。并飭季雨霖等遵限投案。詳加研訊。以昭信讞。俟訊明確情。分別發落。仍將詳供宣示天下。俾眾咸知。柏都督熱忱衛國。素顧大局。決不以一時傳聞異辭。仍執取消之前議。遺人民無窮之隱禍也。

致各省宣布意旨書

余以衰病餘生。伏處已久。稍有田園之樂。自問已無事可為。此次出山。實緣事機危迫。不忍見人民陷於牛馬奴隸之域。故甘冒萬險。膺茲艱鉅。受事以來。始終以尊重人道主義。及適合世界大勢為主旨。苟可和平維持。決不肯輕事破裂。並非兵力有所濟之心。為披髮纓冠之計。決不肯再言破壞。自取覆亡。乃若有之。則亦二三不逞之徒。生性好亂。必不能得多數國民之同

情本大總統若再由予優容。便與此輩同為亡國禍首。非惟辜負眾望。實亦矛盾。惟有犧牲一身。保全大局。竭我棒力。殫此公廩。諸君各膺疆寄。必有同心。願共勉之。

致程都督諮詢南京近狀書

中華本老大之國。民國如新生之兒。襁褓未離。何堪險割。邊事現在棘手。累卵方危。同良遇害。胡越肝胆。革命初志。所爭者民族民權。非欲求為琉球臺灣三韓也。舉國痛苦。皆願稍緩須臾。以求生息。其與前年推倒政府之心理。殆不同矣。李烈均年少氣盛。腦筋單簡。不惜背叛民國。荼毒鄉人。所賴江南諸君子。向以國家為前提。非朝三暮四者可比。師長章梓冷適等。四月放日雷稱。言承程都督指揮。恐有奸徒造謠。冀謀擾亂。請查懲。且維大局等語。言猶在耳。金石不渝。負湖口變生。奸徒造謠。但於蒲騷之役。恣為簧鼓。播為笑談。蘇省三師長及八師各軍官。皆愛國愛鄉愛身家。愛名譽者。必能維持秩序。保守地方。雖有謠傳。絕不輕信。人之相知。貴相知心。鄙人對於南京方面。向抱放任主義。所慮者無識惡劣。本不知利害輕重。盲人瞎馬。到死不惜。可為痛哭。南京現狀何似。能相告否。

致南京各軍使函

閱路透電稱。南京城內。住宅商店。茅舍草屋。無不被搶。婦女老少貧富。多被奸淫。其餘均入外人家避難。各軍皆然。而張部藍衣兵。實佔多數。各官長目覩不理。所謂不傷一人。不驚一戶之實告。完全背棄日本民居。亦多被害。有自日領署出者。被兵槍斃三人。受傷一人。云云。此次大

兵南下。伐罪救民。似此強暴行為。如果盡確。則是喪盡名譽。大千軍律。查各國軍人。素尚文明。卽俘虜亦無凌虐。吾國削平內亂。自殘同類。已屬可矜。况無辜良民。久困匪中。目望援救。聞者墮淚。死者痛心。若以盜賊之行為。尤而效之。各國傳布。報紙目為野蠻。於立國大勢。所關非細。且亂黨乘間抵隙。執為口實。更足以煽動人心。東南大局。何時可定。各弁目等。誰無身家妻子。入伍為兵。運伍卽民。易地以觀。忍乎不忍。民納稅以給餉。兵出力以衛民。不能衛之。而反擾之。天良何在。為之官長者。目覩何忍。本大總統治軍數十載。素以保民為宗旨。聞此情形。不禁泣下。卽傳集各該官長。剴切詰誠。並明查暗訪。得有奸搶實據。立按軍法嚴辦。以期滌洗於萬一。至保護外人的生命財產。更屬文明通例。尤應格外留意。勿因細故。敗壞大局。為要。

第十類 保護

保護旗人公私財產文

據民族大同會會員劉拱一吳景濂等呈稱。民國肇建。五族一家。旗人公私財產。宜設法保護。等語。上年軍興之際。各省旗人公私財產。間被沒收。現在五族共和。已無畛域之分。查關於滿蒙回藏待遇條件內。載明保護其原有私產。又載先籌八旗生計。我中華民國人民一律平等。方念八旗生計之艱難。豈復有沒收其財產之理。除近來迭據京外旗人呈報私產被收者。已分別飭查外。亟應再行通令聲明。凡八旗人民私有財產。說應按照待遇條件。仍為該本人所保有。其公有財產。應由地方官及公正士紳。清查經理。以備籌畫八旗生計之用。倘有藉端沒

此侵害者准由該本人。或有關係人。按法提起訴訟。地方官吏應即分別查覆發還。切實保護。以示廓然大公之至意。

布告閩粵等省保護華僑文

閩粵各省人民。懋遷為業。轉徙海外者。所在多有。以彼久居殊域。猶復瞻懷祖國。光後來歸。乃地方有司。往往撫輯無方。致情意每多隔閡。爾清未造。亦有保護僑民之議。而奉行不善。實致未乾。方今民國肇興。凡屬中華國民。咸得享同等之權利。所有閩粵等省回國僑民。應責成各該省都督民政長。通飭所屬。認真保護。其有藉端需索。意存侵害者。務當隨時查察。按法嚴懲。俾逆僑民內嚮之誠。益彰民國大同之治。特此布告。

致江蘇都督程維護民有公產書

據譚督辦皓雷稱。江甯前清昭忠祠。原係湘人募資建造。與國帑教建者不同。乃甯人藉名廢祀。請前留守批撥作忠齋院。亦不過有借用權。無所有權。現竟將該祠折毀變造。殊背大總統保護民產之法系。竊謂前清官吏。猶准一體錄用。先人有何罪狀可言。即云祀典應行取銷。而物權尚在。似此肆行強佔。湘人決不承認。應請電飭甯督。主持公道。以免爭端等語。仰即澈究實情。如該祠確係湘人募資建造。自應按照法律。予以保護。持平辦理。免致爭競為要。

致程都督陳文涉使維持航權電

巧電恣控商局事。關係航權。萬不可任其影射讓渡。已將來電文。部查飭遵照。仍由該督及支

涉使隨時留意察看。以免如劉學詢等覬覦勾串。是為至要。

附程都督覆電

辰密稿前奉大總統令。招商局股東等電稱。董事盜賣航權。請維持電阻。又准參議院議決。咨請嚴電禁止。應即派員澈查嚴禁。將查明情形。電呈報聞等因。遵即派員往晤伍廷芳王存善兩董事。查詢始末。一面抄電知照該董事會。先將新公司組織事宜。即日停止。速行聽候提查。旋據兩委員報告。伍王兩董聲稱。招商局歷年虧折。勢已不支。董事報告股東設法維持。議決組織新公司。改絃更張。藉圖整頓。適劉學詢乘隙而來。承認集資改組之事。劉學詢名譽平常。本為股東董事所深惡。徒以業經公決。正在廣為招徠。未便逆應拒絕。惟有嚴定條款。以防流弊。外股關係。限制尤嚴。條件可憑查。至外間傳言。合同業經簽字。已付定銀八十萬兩。並取回扣十萬兩。更非事實。條件尚未議定。何從簽字付款。所有新公司代表。開送草合同條款。係全未承認之件。有王董存善親筆標誌。可證各等語。並將董事會開送草合同及議案等件。交閱前來。復由貽範偕同德全所派委員。至該局董事會詳細質問。據辦事董事唐德熙陳猷施亦爵面稱。關於劉學詢代表另組新公司一案。董事會並未與聞。迭次開議。均未列席。惟據劉學詢來函。是以定議。交付在即。其為出售。毫無疑義。雖資本家姓名。屢經偵查。未悉。而代表既守秘密。董事又不完語。無論華洋股。均示人以可疑。各等語。嗣後檢閱董事會議案記錄。當時係由董事會。推定伍廷芳王存善張仲煜三人。擇定伍董

寫所專辦公司另組與代表交接事件議案所載與委員報告伍王兩董面述情形及該局通告電文大致相同德全等查招商局為我國惟一航業前清時本受政府補助慘淡經營得有今日全國航權所關甚鉅局中積弊相沿不可為諱此次組織新公司經股東大會議決係為整頓擴充起見原無不合惟劉學詢人品卑劣信用墮落所虧公私款項負債累累迨奉清償實無代表新公司之資格且代表之資本家姓氏來歷對於各董事始終嚴守秘密董事又不究詰遂離撲朔更屬滋人疑竇證以董事會議案所載付款支產辦法及劉學詢原函所述各節按之商業習慣近於讓度蓋頂行為與組織新公司手續亦有未符此股東內裂輿論反對之所由來也茲奉大總統令國務院交通部工商部嚴雷禁阻又經上海商務總會及各政黨團體集議開會嚴詞質問已由伍廷芳將劉學詢原約宣布解散別籌辦法以資補救前約既經取消自可毋庸置議惟伍王各董事紛紛辭職董事會已有解散之勢局事凌亂亟待維持應請大總統分飭交通工商兩部核飭遵照以重航權而維實業所有委查招商局轉轄情形謹電具呈伏乞鑒察

第十一類 查禁

通飭禁種鴉片文

禁烟為除害救民之要政前經特令內外各長官將從前辦法繼續進行乃聞各省自上年軍興以來禁令廢弛無知愚民往往貪圖近利偷種煙苗若不痛予剷除則毒卉復萌何以導新

機而除舊黨應責成各省都督無論已報禁絕及未報禁絕者分一律剴切曉諭如再有私種鴉片情事即嚴飭分別舉發凡我國民尤宜互相懲戒毋得干犯禁網致貽後悔。

嚴禁強迫勒捐文

民國建設總緯萬端而財政困難達於極點於是仁人志士思欲合全國之力共相維持遂發起國民捐之議忠義激發可敬可嘉凡我愛國熱心者自必忍痛割愛以謀公益乃發軔未久流弊頗滋間有好事之流動託美名陰行逼勒實為倡議諸人所不及料本大總統既受國民委託未能培養元氣若復聽聞鬪鬪而不為之所問心何以自安查臨時約法定有保護人民財產之條若非自願樂捐斷無侵犯自由之理當此凋敝之餘乃以餉項支絀貽累民間撫衷循省怒馬如擣為此申告全國人民如有強迫勒捐情事應由各地方長官指支司法衙門各按本律辦理着即一律曉諭俾眾咸知。

通飭嚴禁秘密結社文

結社集會之自由載在約法凡我國民權利但使無妨公益無害治安自不能強為限制惟自由應由法律為範圍現在破壞已終建設伊始我國民之組織政事結社談政集會以及關於公事之結社集會者既係為改良政治營謀公益起見是有正當之自由應受約法之保障若易公開為秘密隱假結社集會之美名陰為藏垢納污之淵藪國法具在豈便姑容查近日沿江海各地方尚有巧立會社種種名目一切組織均取秘密既無宗旨又無政綱惟日以號召

黨徒為事。若輩假託名詞。當條誤解自由所致。殊不知約法上之自由。惟書信乃能秘密。其餘權利無一非與國民以共見。是以東西立憲各國。無論自由程度如何。而對秘密社會。莫不各有限制之法條。我國國體甫更。人心未定。此等秘密之集會結社。若不先事預備。小之則流毒社會。大之且危及國家。應由各都督民政長。督飭軍警。嚴行查訪。各該地方。如有秘密組織。意圖聚眾騷擾者。不問是何名稱。均即按照刑律。命令解散。自經解散以後。倘再秘密組織。意圖聚眾騷擾。甚或有陰謀內亂。及妨害秩序各情事。則刑律均列有專章。儘可隨時逮捕。按法懲辦。一面令行各該地方官。振興實業。並謀普及教育。以為安插游民政良社會之資。務使業經解散之會黨。人人足以謀生。各該官吏。方稱盡職。本大總統以愛國為心。斷不能任艱難歸諸之共和。轉為巨猾奸所敗壞。各該都督民政長。亦須共念大局之危迫。實力奉行。語曰。涓涓不塞。將成江河。幸各都督民政長。三復斯言也。此令。

嚴禁種植販賣吸食鴉片文

鴉片之害。至為劇烈。損人神志。害人生命。耗人財產。不可紀極。而種煙之處。吸食尤易。竟致老幼男女。皆染此習。易嘉禾以蠱賊。視毒品為良劑。駢致穀麥日少。游惰日繁。災疫猝邁。餓殍滿野。丁口減少。市井為墟。竟將厄滅國滅種之禍。此必宜禁絕者也。現行刑律。于製造販賣收藏種種者。均訂有罪名專條。所以芟除害本。防遏流毒者。至為周密。自上年以來。各省秩序。多未十分還復。有司未暇注意于此。風聞向來以此為業者。間或故態復萌。冀牟厚利。外台議議內

長貧弱此害不去國何由振應再由民政各機關嚴切出示曉諭國民力除痼習吸者立即戒除販者分別停歇尤要者在時令正當從前煙苗下種之期切宜勸令相地所宜種植他項農產務勿輕棄工本植茲毒卉如有違抗者一經發覺均照律治罪決不寬貸官員故縱者一併分別重懲按律懲治總期沈痼悉蠲生機日裕以遠共和之幸福此令

通飭解散秘密結社集會文

前因各項秘密結會多有妨害秩序危及國家情事業令各都督各民政長分別解散及按法懲辦在案近聞各省秘密結會之風仍未稍戢名目繁多宗旨毫無併有騙取重賞設會結黨以圖暗殺破壞大局者現在局勢甫定人心未定凡我國民均應聯合一致謀新治之進行期國基之鞏固方為正辦且查秘密各會結集之秘多出明代遺老痛憤神州陸沉迫而為此今民國告成五族聯合皆如一家一人若再圖同室操戈豈非自相殘害以速滅亡禍及全國甘為罪魁此而不懲何以立國應再由該都督等飭所屬民政各機關剴切出示設法勸諭凡以前秘密結會如能知悔自首解散者均准予不咎既往其有願改組社會者但能不肯法律不擾公安自應在保護之列我國民其共維邦本毋蹈匪彘以承共和幸福於無極特此布告

通令禁止造謠保衛商民文

迭據北京漢口上海蘇州等總分商會蜀商公益會旅滬全浙工業團洋貨九業公會旅滬客幫商務聯合會香港各銀行團暨各業公會公所來電略稱上海少數之人託名全國公民開

會鼓曉有意破壞大局。牽動商業。各埠成交貨物。紛紛止退。嚴飭各省禁止訛言。保衛商民。維持秩序。無使我商民喘息餘生。再罹慘禍。致貽革命豐功之玷等語。概自前清以來。實業蕭條。商情彫敝。人民急求改革。不惜捐棄生命財產。助成共和。兵燹所經。流亡載道。呼號奔走。觸目傷心。而海外僑氓。尚復踴躍捐輸。傾心祖國。內地商民。動遭逼勒。或迫於全融之低落。或耗於家室之播遷。富者罄其蓋藏。貧者轉於溝壑。綜計損失。奚啻萬萬。迄今瘡痍漸復。元氣未蘇。五夜焦思。淚隨聲下。本大總統受國民付託之重。何以對我生靈。雖竭力撫綏。猶恐不及。何忍再加傾陷。自感生機。共和國。以人民為主體。我國地大物博。人民智識。不讓他邦。使於公債銀行。貨幣租稅。各種財政。徐圖統一。合力改良。不獨為人民福利之原。並可釀世界和平之福。乃或有意破壞。煽動訛言。逞少數人權利之私圖。絕四百兆人民之生路。本大總統尊重人道。不願我父老子弟。稍有震驚。是以忍痛包荒。冀免兵凶戰危之慘。但嚴飭軍警。保衛地方。服從命令。幸我軍警。深知大義。咸思順民意。而伸國權。所願商旅不驚。塵市不變。安居樂業。為十年生聚之謀。本大總統方為盡職。著各省都督民政長。查禁造謠生事之人。從嚴懲辦。一面剴切曉諭商民。勿墮奸謀。照常營業。即由各處商會。分印傳單。廣為勸導。不得聽從棍徒。託名勒捐。不得輕信浮言。受人恐嚇。并著各該長官。督飭軍警。竭力保護。如有匪徒。藉端擾亂。損害商人。惟該都督民政長是問。本大總統誓將犧牲一切。以扞衛我無罪之良民也。此令。

詰誠政黨並禁軍人入黨文

據兼領湖北江西都督事黎元洪電稱。近日亂黨多借政黨名義。勾結軍隊。散給黨證。作為票布。迭次破獲機關。拿獲罪犯。有某黨黨證收儲甚夥等語。查政黨結合。本為國利民福。是以世界立憲各國。無不有政黨。而政黨之作用。首重公開。其規畫久遠者。則有黨綱。使天下共見共聞。以徵其趨向。其臨事肆應者。又有黨議。令黨員必信必守。以一其進行。凡以為公。概無所容。其詭飾。倘假黨證為票布。陰謀不軌。即為秘密結社。顯係託庇政黨。以為藏身之地。利用政黨以為比匪之媒。國法具在。斷難寬宥。本大總統為保全政黨名譽起見。用特明白詰誡。務望各政黨識時俊傑。研求政治。咸趨正軌。以共謀國利民福。斯乃國家之慶。抑亦政黨所以競存之道。至軍人入黨。前經下令施禁。尤宜服從。乃日久玩生。仍有被人誘惑。甘心附和者。亟宜嚴密取締。預遏亂萌。應由陸軍部妥定此項章程。通令遵守。一面嚴飭各師旅團長。及各路統領。隨時查察。如有軍人收受黨證者。立即銷燬。從嚴革究。以肅軍紀。而維大局。此令。

覆粵都督胡漢民電

電悉。逆來會黨名目。詭不勝記。電文攻訐。百怪千奇。甚至以列名露面為榮。一予推求。便增價值。則鄙人亦常受各報界之醜詆。祇以民氣方興。不欲壓制。然村婦罵詈。自詡其能。此等放縱之惡風。勢同傳染。長此不戢。民德何存。應澈究由來。以為扶私敗公者戒。已交內務部查明嚴禁矣。

胡漢民原電

統一黨電。對於唐總理。誣以監守自盜。避責潛逃。對於同盟會宋蔡諸公。誣以結黨把持。意

國構亂。信口雌黃。任情醜詆。故縱卑劣。莫此為甚。夫唐總理是否監守自盜之人。宋蔡諸公。有無構亂之事。應在大總統洞鑒之中。果有其事。請大總統布告天下。明正其罪。果無其事。亦請大總統嚴究二十五日之電所由來。選治以虛誣之罪。以為挾私敗公者戒。漢民對於唐宋蔡諸公。絕非有所阿私。第以民國初立。羣言淆亂。正賢者難進。易退之秋。若復任此輩。舞詞播弄。賢才將更裹足。大局益復何賴。且唐總理由總統委任。詎總理無異誣總統。此可忍。孰不可忍。務請澈底懲治。以彰公道。政黨之分立。固不能不有政見之爭。仍必以國利民福為歸宿。若懷挾私見。捏造事實。是法律之罪人。豈復有政黨之價值。當亦大總統所深惡痛絕也。漢民叩。

第十二類 財政

致眾議院為大借款條件咨照備案文

為咨送事。本年四月二十六日。據國務總理趙秉鈞。外交總長陸徵祥。財政總長周學熙。呈請竊維六國銀行團借款。先後磋商。已逾一年。上年九月間。曾經國務會議。擬定借款大綱。於十六十七兩日。赴參議院研究同意。以為進行標準。唇焦舌敝。往復磋商。直至歲杪。合同條文大致就緒。當於十二月二十七日。出席參議院。先將特別條件。逐條表決。復將普通條件。全體表決。均經通過。正擬定期簽字。該團忽以原議五釐利息。藉口已爾幹戰事。歐州市場。銀根奇緊。要求增加半釐。祇得暫行停議。惟是賠洋各款。積欠累疊。再愆期。屢次商展。迫呼之迫。等於

然肩百計籌維。無可應付。數月以來。他項借款。悉成畫餅。美國雖已出團。而其餘五國。仍未變
易方針。大局岌岌。朝不保夕。既無束手待斃之理。復鮮移緩就急之方。近接各省都督來電。相
迫如江蘇程都督電。每踞於一時之毀譽。轉為萬世之罪人。安徽柏都督電。借款監督。欠款亦
監督。毋甯忍痛預支。尚可死中求活。等語。尤為痛切。迫不得已。而繼續磋商。尚幸稍有進步。利
息一節。該銀行團。允仍照改五釐。其他條件。亦悉如十二月二十七日通過參議院之原議。事
機萬變。猶縱即逝。四月二十二日。奉大總統命令。五國銀行團借款合同。任命趙秉鈞陸徵祥
周學熙全權。會同簽字。此令等因。遵於二十四日。與該銀行團。雙方簽訂草合同。復於二十六
日。簽訂正合同。彼此分執存照。以免復生枝節。理合將華洋合同各照備二分。並附用途單二
分。呈請大總統鑒核。俯賜咨交議院查照備案。以昭信守等情。查此項借款條件。業於上年十二
月二十七日。由國務總理。暨財政總長。赴前參議院出席報告。均經表決通過。並載明參議院
議事錄內。自係當然有效。相應咨明貴院查照備案可也。此咨參議院。計咨華洋文合同一
分。並附用途單一分。

咨參眾兩院聲明借款事件并未蔑視議會文

為咨明事。財政總長呈稱。此次大借款之定議。係出於維持國家生存上萬不得已之舉。政府
與銀行團。反覆談判。全國皆知困難。並無何等反對。從以該團條件。嚴重逾恒。政府為國權起
見。不得不於死中求活。但求有一分之輕減。即少一分之負擔。是以交涉數月。未能就緒。直至

上年九月間。始將國務院決議大綱。提出參議院。要求同意。當經參議院討論大體。業經贊同。遂即依此標準。接續磋商。中間情形變幻。垂成輒敗。迨上年年底。俄使因大賠款到期。迫迫甚急。是時適合同稿亦已擬定。當於十二月二十七日。由國務總理趙秉鈞。出席參議院。一面報告交涉之經過。並俄使催款情形。一面將合同底本。分為特別普通條款。當場提出議案。經參議院將特別條件逐條表決。悉予贊同。本後又經議長。將普通條件。諮詢院議。會謂毋庸表決。悉予贊同。即贊成政府。迅速照此進行。當經聲明銀行團。知無別項挑剔。當於二十九日。即行簽字。以免因大賠款牽涉他事。不意此項合同。通過以後。銀行團忽以巴爾幹戰局未定。及增加利息等問題。頻翻前議。磋商數月。幾至無法挽回。今茲幸就範圍。大體悉如原議。實為政府始願所不及。其中千回百折。牽及國際經過之困難。至今追思。有難言之苦衷。亦有不忍宣布之隱痛。政府為民服務。即係為國效忠。但求大局之保持。何敢避人言之交責。且臨時政府成立以來。外人之對我。雖承認國家之資格。而可行使前清之債權。統計上年。結欠洋款賠款。及本年已過期之洋款賠款。各省歷久之外債。已達英金一千二百萬磅之多。皆屬政府應負之責。屢次催逼。百無一應。國信不立。安能奠定邦基。每一念及。此心如海。且前欠各款。均有抵押。設再遷延。勢必橫加干涉。實行監督財政。致陷民國有破產之虞。彼時政府。對於人民。不惟不能當此重咎。即萬死亦不足自贖。是此次簽字。固不得已之情勢。且係參照前參議院表決案。始行議定。正可證明政府之尊重議會。何敢蹈蔑視國會之罪戾。更何敢稍存輕視國會之

心若議院謂合同簽字形式上手續略未完備。則政府又有不得不及復聲明者。查上年十月二十七日參議院會議。係屬秘密。政府為鄭重起見。故提出方法。不用書面而用口頭。當時累經聲明。係奉大總統命提案。試思此種重要合同。國務員苟非奉有大總統命令。豈能以私人資格。遽行請求院議。若謂僅止報告。則又何須將合同提出。而參議院對於報告事項。更無逐條表決之必要。細觀當日議事錄情形。不辨自明。若謂未經三讀。當日到院報告。文後先經要求將此案一次通過。以省手續之煩。議長遂先諮詢全院。經眾贊同。纔用逐條表決之法。以實行通過。是實與參議院法第三十八條。政要求省去三讀會原法相符。且表決以後。政府聲明簽字日期。彼時無一人反對。假使當時銀行團。絕無變動情事。則上年十二月二十九日。早經簽字。何待今日。凡諸所言。在政府并非執法理之爭辯。以圖卸責。按諸事實。委無絲毫遁飾之處。值茲財政艱窘。國際債權。催逼過甚。借款一日不成。國本一日不定。此次合同簽字。在勢無可取消。倘國會能諒苦衷。實為國家之幸。否則惟有向國民代表。引咎自謝。以明責任等情。相應咨請貴院查照。此咨。

咨衆議院交議預算案文

為咨行事。據國務院呈。竊維預算之制。由來尚矣。察宰相用。乃古代編制之權輿。政府交議。乃列邦辦理之通例。查臨時約法第十九條。列舉參議院職權。其第二目。載議法臨時政府之預算決算。又查中華民國國會組織法第十四條。載民國憲法未定以前。臨時約法所定參議

院之職權。為民國議會之職權。又其第二項云。預算決算。須先經眾議院之議決等語。然則政府之文牘預算。與先經眾議院之議決。皆為法律所指定。毫無疑義。本院爰遵照法律。將民國二年度之全國預算。編製成冊。訂繕完竣。呈請大總統先行提交眾議院核議。惟是辦理此項預算。當其着手之先。則有種種困難情形。及其經過之後。有種種解決方法。茲當交議之時。有不能不先行陳明者。查預算之制。大別有三。英制法制美制是矣。英制之於預算。行政部既編且核。法制則編而不核。美制則不編不核。僅由春行行政部報告於立法部而已。然此種制度。悉原憲法。現在我國憲法。尚在籌議會計。雖具有草案。然亦未議決。此次編訂預算。無相當之法律。可以適用。此困難者一也。各國辦理預算。俱有法定時期。自民國成立以來。辦理全國預算。此為嚆矢。既無前例可援。又無法律可據。惟又為必當辦之政務。故於去年十二月間。通電各省。辦理全國預算。定於二月內。送財政部。旋因省宜改組。紛語展期。雖極力催辦。而各省行政長官。仍多遲延。至五六月間。始陸續送部。然內容複雜。往返函商。又經數月。遲至今日。始克蒞事。固非始事之時。所可逆料。此困難者二也。又各國預算。莫不以收支適合為原則。然其所以致此者。亦非一蹴而就。幾經數十年之經驗。閱歷政治。以入於軌道。故其歲出歲入。恒列於平。苟不遇非常之事。必無超越鉅額之理。我國則不然。現在之政治。為新造之政治。其歲出趨向。恒隨政治而發展。現在之歲入。為固有之歲入。然固有之歲入。初未與新造之政治相謀。故每有報告不敷。率在二三百萬。或千萬以上。此新造國之現象。為事實所不可幸免。然政

大總統先行咨交衆議院核議。以免延誤等因。相應遵照約法第十九條。及國會組織法第十四條第二項。咨請貴院議決。此咨。

批財政總長周學熙請派員視察各省財政呈

據呈閱悉。自民國成立以來。內外上下。莫不以財力困難為憂。因財力困難。而政務停滯。因政務停滯。而理財計畫。益無從措手。政費餉需。拮据於內。洋債賠款。敦迫於外。民國前途。致日陷於危境。言念及此。憂心如焚。該總長所請派員。周歷各省。切實考察。察財政事宜。各節。誠為當務之急。單開各員。均尚妥洽。准即派令分途前往。並著傳令各該員。須知此次派遣。實為財政整理之預備。即為全國存亡之關鍵。務將現在各省為難情形。中央困苦狀況。以及稅項之如何區分。歲入歲出之如何確定。與各省都督民政長。剴切熟商。善擬辦法。報部彙案。呈候核奪。

飭令各省整理財政文

民國建設。以財政之整理與否。為存亡生死。惟一問題。自政府統一以來。各省秩序。尚未恢復。軍隊林立。需餉不資。應解中央之賠款借款。京餉。為數寥寥。而重要地方。與瘠苦省份。須有中夾接濟。已逾八月。財政困難。左支右絀。六國借款。又有監督財政管理鹽務等條件。按情度理。萬難允從。現在倫敦借款。雖已議定。而對待之銀行多抵制。能否實行交款。尚無把握。昨據使館開具索債帳單。除以海關入稅抵償外。尚擬運廢于賠款。算至本年十二月。計三百七十五萬磅。明年八月。計一百十餘萬磅。比國借款明年三月到期。計一百二十五萬磅。六國執款明

年六月到期計一百八十萬磅。整理財政借款。本年十月到期計四十萬磅。政府擔保各省借款計四十萬磅。雜項借款計一百萬磅。共計至明年六月總數約計一千萬磅之多。年內應付還五百餘萬磅。倘愆期不付。將要求更甚於前。大局恐不可收拾。中央本恃外省為來源。若專以借款為生。斷非長局。現在政府支出之款。如前清皇室優待經費。八旗糧餉。及直隸中央之海陸軍餉。中央政府行政費。雖竭力收縮。每月尚在四百萬左右。而接濟各省。尚不在內。況舊債積欠過鉅。及期弗償。失信外人。恐啟分裂之禍。夙夜焦慮。殆難為懷。各省艱窘情形。政府亦所洞悉。豈忍專事剝削。但長此連負累。如不急起自圖。何以立國。各省官民與政府誼同一體。愛國心長。斷不忍使國家步埃及之後塵。必能同心協力。勞怨不辭。以整理財政為目前救亡之第一義。查各省財政不足之故。或因軍隊太多。耗餉無算。或因盜賊充斥。民不聊生。故輸納租稅。遠遜舊時。或因州縣長吏。鮮治事之本。財政收入。因之滯塞。致應解各款。不能履行。譬諸人身。血脈停滯。麻木不仁。將成危症。各省都督深明時局。憂國憂民。望熟權輕重。於裁兵治盜。慎擇良吏三者。迅速進行。及時開源節流。整理財政。以收全國流通之效果。凡關於財政部國稅統一之法令。官民務協力贊成。勿因己見而生畛域。蓋主腦既虛。即百體難以獨存。凡我四萬萬人。利害切身。同其休戚。本大總統既受國民付託。惟知以救國為前提。值此存亡關鍵。何敢隱忍貽誤。用是諄諄警告。俾各剴切語誠。所轄官民。憬然猛省。亟圖補救。共扶危殆。此令。

通令裁減行政經費限制兵額文

府之編制預算。因此愈益棘手。此困難者三也。以上三端。俱在預算未編以前。至既編以後。則事實之解決方法是矣。茲試分述於下。夫編制預算。形式上所必當先行解決者。為年度及範圍問題。查各國預算。每以會計年度為首尾。此次辦理。既無確定依據。然著手之先。亦當有暫行之方法。查前年編訂會計法草案。假定以七月一號。至次年六月三十號。為一年度。今依此假定之說。以著手編製。而與前次所辦之六個月臨時預算。亦互相銜接。蓋亦不得已之解決方法也。至預算範圍。亦無一定明文。臨時約法。但稱議決臨時政府之預算決算。而國會組織法。並未有所聲明。然預算者。政務之計畫富焉。現在憲法省制。俱未規定。政府政務。究應以何為界限。別無法律可依據。故此項預算範圍。最難解釋。現在事實。既漸趨於統一。即不能不照統一國之辦法。以全國為範圍。此蓋因法律未備。而由院假定編制。不能不聲明者也。又預算支配數目。所必當解決者。為出入均衡問題。夫出入均衡之必不可得。既如前所述矣。然既有預算。即不能不合預算之原理。既必合預算之原理。即不能不求收支之適合。然而有難言者。蓋入不敷出。為既成之事實。而收支適合。為今後之理想。苟處處顧全事實。則相差者累千億萬。政府將負敷衍之名。若處處斷合理想。則形式合而執行多礙。政府將受武斷之誦。求之事實。如此。求之理想。又如彼。介此二難之間。欲求免責備難矣。政府所望者。決不在旁觀之評論。惟冀得當適用而已。故先將全國預算總數。由本院協議支配。至管各衙門。再照協議之數。以實行其政策上之詳細支配。此次表中之核定數。即主管各衙門詳細支配之數。此間有一二

主管部。越過協議總數者。則竭力削減。其雖未越過。而有可減之理由者。亦酌量核減。必不可減者。則仍之。至是而仍有出入不敷者。則添設新稅。並募集公債。以彌補之。蓋但就事實固不可。但就理想亦有所不能。故於無可如何之中。不能不以此為伸縮辭應之法。此支配預算數目之用意。不能不聲明者也。又預算歲入。所必當解決者。為確定國稅問題。夫確定國稅。當設國稅廳時。已着手編訂草案。此次預算。即以草案為根據。凡各省歲入。悉比照草案辦理。其有未盡確當者。由部分別釐正。至其歲入數目。各省所報。率皆短減。現在國稅。尚未直接徵收。消息盈虛。無從洞悉。祇能比照宣四預算收入之數。將各省短報各款。酌量增加。雖不敢謂為確實。然亦不致大差。此關於釐正國稅。並審定歲入之手續。不能不聲明者也。至此外如修正問題。則因為時過促。漏夜趕辦。其間數目。雖竭力核對。以求精確。然或因事實而生窒礙。或因時促而致疏忽。重疊錯誤之處。或所不免。惟有隨時發見。隨時更正。以期完善。又如預算全問題。則酌列六百萬元。日本以六億元之歲出。僅列三百萬元。以此例彼。似屬較多。然我國幅員廣大。當此法律未全。機關未備。政局變遷。瞬息萬狀。與其嚴以限政治之活動。無寬寬以備應急之要需。蓋惟款目外有餘地。可以通融。斯款目內無騰挪以藏弊竇。此又編製之苦心也。惟是此次二年度預算。一切政策。均有根據。越前總理所計畫。現時越前總理。業經呈由大總統允官。熊總理。甫由大總統咨請國會同意。尚未就職。將來新總理政策若何。未能逆意。惟年度業已經過一月。未便再延。如新總理政策。與此次預算有不合之處。自應另照修正案辦理。應請

立國之道首重理財。往者吾國風氣未開。政綱不振。舉一切擴張實業。整頓金融。諸政策皆未能切實進行。馴致經濟困難。債累山積。改革以來。支出愈增。收入無幾。不得不押給外債。暫資救濟。顧目前多一日因循。即將來重一分負擔。以言開源之計。既非旦夕可期。若不通盤籌畫。力節虛糜。則破產之期。尅足可待。言念及此。誠可寒心。博稽歲出。軍用為多。迭經國務會議。以裁兵節餉為切要之舉。應由參謀陸軍兩部。會商財政部。妥籌限制兵額。分配軍區。核實簡練。以足維持地方治安為度。所有應裁之兵。均應酌量給資。一律遣散。即由各該部核擬辦法。呈候察奪。至京外行政經費。亦應由各部各有權衡。緩急。大加裁減。釐定預算。依法頒行。務使漏卮盡塞。絲毫無溢。值此民生窮蹙。國步多艱。凡有理財之責者。各當悉心整頓。實力奉行。以期無忝厥職。元積全國一心。共維危局。咸以整理國家經濟等語。個人切要之圖。庶幾財政既修。邦基以固。民國前途。實利賴焉。此令。

通令查燬偽造軍用鈔票文

查此次叛徒倡亂。蹂躪地方。敲詐商民。公私損失。不可勝計。本大總統念國勢之岌危。嗟民生之疾苦。徬徨終夜。引咎未遑。現值亂事敕定。所有各商民有形之損失。各地方官固應切實調查。加意安撫。至該亂黨貽人民以無形之負擔。亦應明白宣告。免受欺朦。茲據各處呈報。破獲亂黨機關。發見逼勒之紙幣。盜匿之公債票。往往盈箱累篋。并聞近有偽造中華銀行軍用鈔票五千萬元。分百圓五十圓十圓五圓一圓五種。上有國軍兩旗。暨各種記號。派遣黨羽。分運

內地。以為勾結煽惑之資等情。似此騙詐行動。恐難免挾其濫行不換紙幣之故。督散布各處。擾亂金融。無辜商民。何堪重遭此劫奪之慘禍。總之此項偽造鈔票。層出不窮。既無承受之機關。即無行使之效力。倘竟被欺收受。無從兌換現金。一經混入市廛。尤易清人觀聽。宜宜豫為防範。以遏亂萌。着財政部。迅將倡亂各省。分以前暫行軍用公債各票。分別清理。一面由稅務處分飭各關稅務將偽造軍票。嚴行搜查。立即銷燬。隨時呈報。并着各省都督民政長。通飭各屬一體查燬。仍將此令。曉諭軍民人等。咸使聞知。此令。

通令各省都督民政長國稅廳規復舊稅文

民國締造。基礎方成。將來之存亡。死生問題。厥惟財政。其在上年秋季以前。亂根未拔。無政是以無財。至秋季以後。元氣再傷。無財是以無政。將欲興舉百廢。固不得不吸收外資。但世無借債度日。而可以立國之理。亦無財政不修。而可自立之理。前清時代。各省預算。已入不敷出。外債總額。已達至一千五百餘兆。暨入民國。賠款卸款。籌還舊債。添募新債。加以暴民席捲。公家損失。各項並計。無慮三四百兆。如竟無術籌還。則財政將入外人之手。凡百政事。非財不行。國之於財。如身之於血。人無血則不能生活。惟國亦然。血不足養身。則肢體非吾有矣。財不足養國。則土地非吾有矣。埃及朝鮮。覆轍可鑑。且民主政體。與君主異。人人皆為分子。當視其國如一家。國安則民有安居樂業之望。國危則民有播徙流離之苦。蓋國家之謀治安。猶公司之保險。公司得保險之費。乃能盡力以保他人。爾國之初。政尚寬大。曾宜與民休息。不取煩苛。無奈

債積如山。不得不權其利害輕重。與其日復一日。受制於人。何如忍痛須臾。及早奮發。但能過此厄運。轉危為安。自有利國福民之一日。不然。為朝鮮。為埃及。恐再欲求今日之自由。而不可得。能勿寒心。是以本大總統。謂整頓財政。為目前唯一之問題。並非聚斂取盈。實乃救焚救溺。況今日用款。均有預算登布。共見共聞。斷無可容揮霍之餘地。大宗用款。無非維持軍警。保全治安。鞏固金融。流通市面。以及洋賠各款。還本付息。毋失信於外人。前清皇室經費。與八旗生計。毋失信於前代而已。各省行政長官。謹均休戚。同舟及溺。誰能倖逃。萬一分裂。勢成外入。干涉。何以自處。何以對人。所望各省行政長官等。將國家不得已之苦衷。隨時曉諭人民。勿生猜疑。對於財政部新頒各項稅則。如印花稅法。鹽契條例。販賣烟酒。特許牌照稅條例。所得稅條例。皆取諸民者。甚輕。而舉諸公家。則甚鉅。各省實力奉行。已屬有成。效可徵。務望實力奉行。以紓國家之難。不可沽名釣譽。亦不可畏難苟安。所有治軍之官。無論軍師旅團各長。均當知民力不易。國帑維艱。於軍事費用。竭力節減。遇有可裁之兵。悉力裁汰。萬不可醉心權力。擁眾自豪。須知先有國家。方有權利。國苟破亡。尚何權利可言。近歲以來。各國挾其債權。萬分催逼。急如星火。國體已傷。而各省貧瘠之區。日夜呼籲。前清皇室經費。與八旗軍餉。尤為信用所關。種種困難。窮於應付。切望各官吏。將舊稅速速恢復。新稅一一進行。以顧中央根本。根本能固。枝幹從之。各省地方情形不同。苟可自行籌畫。為部令所不及者。但使不至病民。均可呈請核辦。本大總統。受全國人民付託。特與各文武官吏。痛切言之。

覆蔡副總統論借款利弊書

庚寅恣借債救急。實迫不得已之策。時論不諱。肆為詆譏。其實苟有可以藉手之方。政府亦豈
難出此。現措核條款。正在磋商。減輕議院亦能洞鑒危機。相與維繫。暫紓眉睫之禍。徐為根
本之圖。執事獨立橫流。發抒偉論。欲矯浮囂之客氣。共思新膽之深謀。澆俗可除。狡謀焉恃。抑
狂砭諫。字字珠璣。林林諸再三。莫名傾軋。所望除奢屏偽。還國風於敦樸之初。共忍小忿。小恥。以
維大計。凱難不般。願從公後。期我國人共勉之。

致蔡副總統商榷借款及國民捐書

民國成立。財政困難。借款與國民捐兩大問題。全國爭執。各有見地。然以二者相形比較言之。
其利害之緩急。各有不同。若單獨行之。則為害必矣。夫借款危險。固人所共知。今之迫而出此
者。非獨款缺。不得不借。且亦時迫。不能緩借。使國民捐可急濟軍餉。即可墊款以濟國庫。速廢
借款之約。何嘗不可。今試問民生之凋敝如此。商業之恐慌。又如彼。東南各省。已捐不一捐。西
北各省。又捐無可捐。若普減官俸。則是中央少出款。不得謂中央添入款。朝三暮四。補救毫無。
飲鴆解渴。不足為訓。譬如人之外病惡瘡。而內病蟲毒。服砒石則可治。而徐圖生機。服硝磺則
無效。而反速死命。今之中央。迨內病蟲毒也。各省外病惡瘡也。以國民稅硝磺。外債視砒石。求
死求生。何去何從。自不待繁言而明者矣。當此民信未立之際。上下交困。總民國軍需計之。即
以公私財用。盡數入於公項。亦難應付。況未必能得者乎。為今日計。輕減外債。緩圖國捐。二者

相扶而行。庶外人不致生借款違約之念。監督財政之心。民國得以支持。財政不致空虛。而不無少補者也。設若力拒外債。徒恃國捐。亡國之禍。倚馬可待。中國人普通之知識。尚未充足。誰有愛國之真情。又誰肯解私囊以充公項。出脂膏以養公人。國民捐自提倡以來。熱心出捐者有幾。故捐款亦屬寥寥。迨至兵無餉。國無糧。必致同室操戈。自取滅亡。有識者早已洞見及此。未識副總統以為何如。應請裁決雷覆。

致四川都督說明借款真相書

聞川省誤會事實。反對借款。有人捏造謠言。聚眾演說。人心浮動。其鼓吹煽惑之由。誤以吾國輸入外資。為外人逼勒借債。以財團稽核用途。為外人監督財政。紛擾情形。較上年爭路時。尤為激烈。並有紅燈照匪等。乘機蠢動。惡釀排外風潮。自上年秋冬以後。各省因於兵革。民間疾苦。已深。現共和告成。國基未定。豈可以無稽調語。激成事端。即如武漢起義。各國嚴守中立。繼又贊成共和。其於中華民國。甚表同情。絕無惡感。此為確證。借債一端。苟本國財政可支。何必向外人借貸。無如中央餉源久竭。外省告急頻聞。甚至全軍食粥。五月著棉。若待國民踴躍輸捐。無論生計凋殘。未忍重為剝削。即使零星湊集。亦屬緩不濟急。且恐全融受其影響。市面空虛。是以商諸銀行團。暫借外資。以圖收拾。所開條件。要求頗多。嗣經往返磋商。仍以互派稽核人員為歸結。其所謂稽核者。不出借款用途以外。借款何日撤清。與監督財政性質絕異。比諸個人交涉。甲借乙款。詢詰用途。以保資本。若甲款清訖。乙即無債權。凡銀行鐵路之合資股

東會。皆有此例。但使吾國實業漸振。財力日豐。雖舉前清債欠而盡還之。亦非難事。近日參議院議決。請交財政總長。仍與銀行團磋商。政輕條件。以期妥善。更何監督之有。此次黃留守提倡國氏捐。各省軍民聞風響應。熱誠所感。足以激發人之愛國心。用意極為可敬。若如川省之造端生事。則失之毫厘。謬以千里。萬一假愛國之名。行排外之實。則將以拒款之原因。而得永遠借債之結果。試思前清庚子拳匪時。論旨何嘗不獎為義民。卒之聯軍入都。失權賠款。民窮走險。國隨以亡。今民國方新。萌芽初茁。譬諸羸病之人。亟宜調養。若乃虛陽上升。手足亂動。外感乘之。甯有完理。不為埃及。即為波蘭。自南宋以後。虛驕之氣。謾人家國。宋未明季。皆坐此病。今列邦環視。已來詰問於民國前途。關係甚重。人必自侮。而後人侮。國必自伐。而後人伐。民之訛言。職為厲階。川省西南要地。正多未闢之富源。方俟開拓。豈可百脈債興。自取顛蹶。應由該都督等。編成白話告示。廣為曉諭。務使釋其疑竇。以遏亂萌。倘有瞻徇依違。坐待生變者。該都督當任其責。

第十三類 軍政

訓勉陸軍部人員詞

君等皆軍人。我亦軍人。當今軍政複雜。各省自為風氣。兵皆如匪。或且不如匪。夫養兵所以保民也。今則不免殃民。我輩治兵之官。可恥孰甚。凡我軍人。不能不引為可恥之一大端。然徒恥無益。必亟圖所以整頓之方。方能日有進步。勿僅以摹仿外國皮毛為能。數年來軍政腐敗。已

殊極點。未始非徒摹仿外國皮毛之病也。當求其真意所在處。悉力行之。君等可精心悉力。輔佐段總長認真籌畫。至以為望。所謂軍事計畫者。非僅以操練為了事也。從精神上求整頓。始能具有實力。試問吾國今日軍人。有能真心愛國者乎。雖不敢謂絕無一二。試問究有幾人。當茲邊患日亟。殊堪媿憤。君等其力圖之。又軍事最重服從。試問我國今日軍人。有能真服從者乎。我自二十餘歲練兵。迄今二十餘年。未嘗一日離兵事。軍事學問。明知不如君等後進。然自信閱歷尚屬實在。尚較君等為多。幸勿以我言為無據也。總之軍事以精神為第一要著。軍學操練。皆其次焉者。精神不足。則如散沙。絕不足以禦外侮。危莫甚焉。諸君勉之。

勉勵海陸軍軍人文

本大總統。辱承國民推舉。今當受職禮成之日。爰抒所見。勗我同胞。民國建議。我海陸軍人。卓著勳勞。然此不過為扶持國家之初基。目下改革告終。締造伊始。我軍人應建之事業。應負之責任。實尚不知凡幾。其重大。蓋遠過於破壞之時。未容以前此之成功。視為滿足。所望愛國軍人。曠觀大局。益矢血誠。萬眾一心。皆以鞏固我民國初基為目的。凡所舉動。務宜從中央命令。以期實行統一。至於軍士。尤當恪遵上官命令。養成整肅之精神。保全光大之名譽。毋或少有怠忽。以玷全體。而躡半途。庶不負我軍人前此之苦心孤詣。而諸君勳業。亦當與國基而偕永矣。

布告軍警各界文

現在共和政體。業經宣布。本政府組織伊始。地方治安。關係至重。全賴軍警。協同維護。使居民驚擾。現軍警各界。贊成共和。早經聯絡一致。尤應各盡義務。合力維持。所有舊定之軍紀警章。仍當繼續施行。藉以統一政權。保持秩序。倘有不逞之徒。藉端生事。擾亂治安者。定當按法懲治。以維大局。凡各級長官。務當共申此愷。認真約束。勿得稍有疏懈。至于答復。

布告軍界文

本大總統自小站創練陸軍以來。先後募兵。逾二十年。凡所以待遇我軍人者。無不以誠惻相孚。恩義相結。有功必賞。有勞必錄。有過必教。有罪必懲。秉大公之心。行至信之法。如家人骨肉之相愛。如師長子弟之相親。其在本部下。由士卒擢升。統將者。頗不乏人。而各將士等。相從多年。亦皆聽我指揮。遵我約束。且不獨我陸軍為然。即我巡防各軍。亦莫不同隸範圍。共遵號令。是以同袍之中。咸重氣誼。薄海之內。蔚起聲名。至於武衛左軍。創始於宋忠勤。飽經戰陣。懃著勤勞。迄今五十餘年。人皆推為勁旅。此皆無埃本大總統之贊言。亦我各軍同人所自喻。而並堪共喻者也。近數年來。本大總統養痾家園。無志問世。四方多難。迫我出山。督師於餉械兩絀之秋。受任於國事顛危之日。焦思勞慮。竭心力。察大勢之所趨。順羣情之所嚮。始終希望。惟以國利民福為歸。幸得共和確定。眾志翕然。南北東西各在。滿蒙回藏各族。文電交馳。會以大總統之任相屬。孫大總統辭職。復薦以自代。參議院正式選舉。全院一致。均以大總統相推。南來歡迎各使。亦無堅持南行之意。統一政府。行將成立。自維薄德。曷足堪此。第念艱鉅投遺。勉

擔義務。值此民國初建。締構方新。始我軍界同人。齊力一心。竭誠贊佐。從此太平可致。邦治可臻。非但鄙人受其光榮。實我國民蒙其樂利。前途幸福。自必與我軍人共之。倘其樂禍。幸災。意存破壞。不知大體。徒懷自私自利之心。謀聽浮言。甘為病國病民之舉。則是作全國之公敵。為人羣之敗類。非但負本大總統十數年教育之苦心。亦且辜舉國四萬萬同胞之厚望。中外交誼。天下不齒。於爾軍人。又何利焉。萬一因暴動而釀交涉。因內亂而召外釁。大局瓦裂。土宇瓜分。目前則血肉橫飛。有化為沙蟲之慘。後顧則神明冑裔。有作人牛馬之悲。爾軍人縱不為一身計。獨不為子孫計耶。總之軍人者。亦國民之一分子也。入伍為兵。離伍為民。兵與民本屬一體。民出餉以養兵。兵食餉以衛民。兵與民更同休戚。故愛民保民。乃軍人之惟一天職。至於服從命令。遵守紀律。又凡為軍人者之第一要義。古今中外。莫不同之。能不失軍人之資格。方能不失軍人之名譽。本大總統用是諄切相告。涕泣陳言。願我軍人共讀此意。共明斯理。此勸彼勉。念茲在茲。勗哉三思。懍之毋忽。此布。

布告各省嚴整軍律文

從來養兵原以衛民。軍餉之所出。莫非民間之所供。若不能保護民人生命財產。維持地方秩序。大失養兵之本意。至軍人名譽。以嚴守紀律為第一要義。軍隊性質。以服從命令為第一要義。夫此二者。即失軍人之資格。況今共和成立。尤須軍民同心共謀前途幸福。今違法之舉。乃先出自軍人。實堪痛恨。應行通飭各軍隊長官及地方官吏。嚴拿犯事各兵。暨附從搶劫之士。

匪。律按照軍法從事。此後如再敢滋生事端。擾害商民。除重懲該犯外。並將該管長官。一併懲處。決不姑容。以肅軍紀。而彰國法。凜之勿違。此布。

勸誡軍人文

現在政府成立。全國統一。揆厥原因。多由我陸海軍人同心戮力。一致進行之功。自今以後。破壞之局既終。建設之事方始。所有我陸海軍人。熱誠愛國。同贊共和。自以捍衛國民為天職。蓋民出餉以養兵。兵出力以衛民。惟軍人有自尊自重之風。斯國民有相敬相親之意。我軍人櫛風沐雨。勞動口口。見民間之困苦流離。詎不惻然於心。引為己責。分為軍民。義猶兄弟。將欲維持現狀。希望太平。必能服從統一命令。保持地方秩序。以鞏固民國之丕基。始垂歷史之榮譽。其有違犯紀律。擾亂治安。或假借名義。動搖國體者。必與愛國軍人共棄之。本大總統生長兵間。習知甘苦。徒以肇基伊始。日昃不遑。愧未能躬蒞戎行。特備士卒。望傳告各該官長。目兵。嘉獎慰問。並將此意。普為訓勉。咸各恪遵。

詰誡軍人訓令

粵我中華民國。位於亞洲中部。文化之興。遠自隆古。溯黃帝開基。戰勝蚩尤。首以兵力。奠茲中土。迄今共和成立。四千六百餘年。其開國勢迭。兵制屢變。三代威勝。司馬總戎。田賦出卒。寓兵於農。法良意美。弊在封建。眾多權失。統一。秦改郡縣。廢井田。兵農始分。徵變為募。漢唐初制。尚稱近古。沿及宋明。積成文弱。兵事非所樂聞。武人多不識字。重文輕武。遂為積習。兵學不昌。

為日久矣。顧爾時用兵。不逾東亞。虎逐中原。楚弓楚得。雖內備稍弛。未足為虞。西力東漸。世變日急。以我脆弱。當人精強。並無正當防衛之方。惟有張脈僨興之氣。割地賠款。為國大辱。於是政練新軍。興學講武。愛國志士。發憤為雄。卒起義師。革除專制。不數月間。合漢滿蒙回藏。成一民國。增歷史之光榮。闢亞洲之奇局。非軍人之力不及此。本大總統有統率陸海軍之責。取軍國民制度。以定官制。其去文弱之舊。而濟強盛之域。我軍人當念締造艱難。同心戮力。以復我國權。爾我國恥。本大總統受五族付託之重任。軍人對於本大總統。有服從之義務。休戚相關。榮辱與共。軍人乎。國之爪牙。責在禦侮。我璀璨之河山。莊嚴之境土。神明胄裔。生斯長斯。自前古以迄今茲。何莫非國民鐵血之所鑄鑄。標甲枕戈。發揚奮厲。鞏我民國之丕基。而遠紹我黃帝之武畧。名譽之美。永垂無窮。本大總統在任時。願達其盛。離任時。亦樂享其成。我軍人其深體此意。所有應加訓諭之件如左。

一軍人宜愛國家也。中華民國。以鐵血成之。必以鐵血保之。軍人以身許國。視死如歸。尊重國體。保衛國權。不感於浮言。不牽於政治。熱心從事。舍命不渝。毋出位以侵權。毋忘分而曠職。毋違念以輕生。毋苟全以惜死。軍人其念諸。

一軍人宜正禮儀也。禮以致敬。儀以成之。所以示別。所以表親。階級不同。無別則亂。出入為伍。不親則離。服務之時。加以威嚴。不為刻。公餘之暇。聯以情意。不為私。禮儀不正。貌離情疏。雖有技能。宜同烏合。軍人其念諸。

一軍人宜尚武勇也。無雄健之力。不足言武。無充足之氣。不足言勇。沈毅剛果。不避艱險。奮發精神。前無勁敵。怯於私鬪。奮於公戰。勿鹵莽以債事。勿粗暴以啓事。勿以拔山之力。等於匹夫。勿以蓋世之氣。儕於堅子。軍人其念諸。

一軍人宜重信義也。語云。人而無信。不知其可。又云。義以為質。信以成之。樹在軍人。云為動作。關於成敗。一時失信。則時時可疑。一事不義。則事事難倚。勿欺人以自欺。毋不為達有為。當慮謹。毋詐虞。甯迂拘。毋放恣。軍人其念諸。

一軍人宜崇質樸也。好務外者。中必無有。求悅人者。已先自輕。浮華為貪污之媒。侈麗即文弱之漸。歲費億萬。養成驕子。國家有事。將安用之。况吾儕來自田間。終歸鄉里。踵事增華。何以自給。儉為美德。誠者天適。身體而力行之。軍人其念諸。

一軍人宜知廉恥也。淡泊為高。惟廉乃恥。羞惡未泯。惟恥乃廉。分外之權利。絲毫不苟取。應盡之義務。纖介不苟道。輕私惠。重公憤。砥廉礪恥。明恥教戰。養成高尚之性質。勉為愧奮之精神。軍人其念諸。

詰誡軍人訓條

中華民國雖改元於二十世紀。實創始於五千年前。首闢鴻蒙。開化最早。英豪代作。賢聖相承。黎庶眾多。物產饒富。大好河山。實賴數千年間神聖軍人保護維持之功。繼自今億萬斯年。永無窮。仍惟軍人是賴。必也能堅信用。增榮譽。具超拔之性。簡有純潔之精神。始足拱衛國家。

雄飛震宇。茲特布告訓條。用示圭臬。吾軍人其共慎之。

第一條 本忠誠守信義。不容有虛偽矯詐之行為。

第二條 正禮貌肅威儀。不容有褻蕩慢放之行為。

第三條 修道德崇樸素。不容有紛華侈麗之行為。

第四條 敬長官睦同儕。不容有倨傲粗暴之行為。

第五條 重服從明退讓。不容有抵抗誇張之行為。

第六條 愛名譽勵廉恥。不容有污辱貪鄙之行為。

第七條 耐勞苦盡職分。不容有推諉敷衍之行為。

第八條 奮事功競進步。不容有萎靡柔懦之行為。

第九條 急公益端志趣。不容有營私結黨之行為。

第十條 尊人道重公德。不容有殘忍擾害之行為。

以上所揭實軍人不易之法守。亦軍人應有之精神。吾等軍人。宜各珍重寶愛。拳拳服膺。倘違此旨。不啻自放其法守。自滅其精神。何以對前人。何以示來者。況陸軍刑法懲罰令。條例甚嚴。出此範圍。必將陷入刑網。得罪民國。辱及家聲。甚且剝奪天賦之公權。喪失平等之勢力。小則辱及一身。大則兼累子孫。尚何面目。立於四萬萬同胞之羣乎。善惡榮辱。皆所自取。何去何從。吾軍人其慎之哉。

飭令軍人服從命令文

軍人以衛國保民為天職。即以服從命令為天性。古今中外。咸同此義。凡上級軍官之命令。俱有絕對服從之義務。不明此理。則喪失其當然之人格。不啻戕賊其固有之天性。天怒人怨。為五洲萬國所唾罵。辱莫大焉。將恃此毫無紀律之軍人。以衛國保民。豈不可危可痛。自軍興以後。四民失業。播散流離。所仰賴於軍人者。責任何等重大。若不能恢復秩序。除暴鋤強。無論內閣天良。固多悚歎。卽以一身利害而論。軍人同是國民。而衣食所需。又無非同胞担負。試思誰無家室。誰無子弟。被人滋擾。情何以堪。設身處地。能無痛恨。且軍人不守紀律。必至牽動大局。亂一時之放恣。忘國勢之岌危。國之不存。身於何有。這原禍首。孰執其咎。故欲保國衛民。必先服從命令。使全國軍隊。如一身之使臂。臂之使指。萬目一的。萬眾一心。起國民愛敬之感情。卽貽己身以無窮之福利。本大總統素以衛國保民為宗旨。而軍人之能否衛國保民。卽視其能否服從命令。深望我軍人。以本大總統之心為心。視國民之苦樂。與軍人之苦樂為一體。乃能保全榮譽。鞏固國基。是用三令五申。不憚諄諄告誡。各該將領。其傳知此意。俾各凜遵。此令。

致南京留守黃興軍人不得私組政團

得陸軍經理團虞電。殊堪駭異。軍人於編制之外。不得有私組政團。更不得以私團名義。干涉中央任免部員之權。諸將士既明大義。何故出此。不為共和法治國前途計耶。各都高等官之進退。總長自有責任。官制通則。於統轄任免。若有明文。卽參議院為監督機關。而於任用之人。

須得同意。約法亦止限於國務員。至其屬職。尚不遇問。况非法定團體。動以詬誓之詞。肆行脅迫。則法令皆廢。綱維立弛。雖有聖哲。不能善其後矣。本大總統。惟甚愛軍人。欲其保全名譽。不願其稍軼範圍。以貽人口實。特加申誡。務即傳諭知之。俾共體此意。

覆伍廷芳論滬上叛軍

雷悉滬上戰禍。微公言。已深悲怛。惟此次叛徒。志在竊地裂國。以製造局為儲蓄所在。抵死奮奪。使政府稍存投鼠忌器。即藉寇之禍已成。何堪設想。鄙人受人民付託之重。一日在位。斷不忍國家領土。破碎自裁。嚴防痛勦。責所難辭。且該叛軍以十九營之眾。毫無緣故。數晝夜圍攻該局。欲使守軍束手待斃。尤為無此軍律。無此人道。中外耳目。具在。誰為戎首。自有公論。近日譁張為幻之事。極夥。電信難分真偽。若有見教。幸速駕來京面談。倘以電來。未便奉覆。並希鑒諒。

通飭軍警遵守紀律文

軍人以保衛疆土。維持和平。為夫職。萬不可聽信訛言。輕為附和。致召擾攘之禍。近日中外報章。載有人在上海運動第二次革命。諄勸商家。助捐善餉。并運動滬甯鐵路。預備載兵赴甯各節。未必實有其事。業經本大總統。通令各省都督民政長。轉飭所屬。查究在案。茲又以尹督昌銜。來電稱。國基未固。險象環生。實由於宵小縱橫。軍令不肅。有以致之。今雖不能以軍法治甯。亟應以軍法治軍。請特下軍令等語。本大總統。深惟民出財以養兵。兵出力以衛民。此古今之

通義矧民國主權屬於國民全體。各軍界為民服務。即為國知忠。尤宜深明大義。有勇知吝。前清未遑。人民苦專制久矣。武漢首義。各地響應。大功於以告成。雖賴軍警之協力同心。而人民之隱受其害者。亦所在皆有。痛深創巨。甯不疚心。本大總統方欲蕩滌瑕穢。與天下更始。故將戰時責任。一律解除。各軍警須知共和底定。五族一家。正宜休戚相關。共謀幸福。若再猜疑互啟。禍亂相尋。致令國本動搖。生民塗炭。匪惟國法所不容。抑亦人道所不容。現既風聞有人潛謀內亂。難保無煽惑勾串情事。在各軍警志勇性成。當不至為其所惑。設有無識之徒。盲從其間。猝發難端。恐內訌未靖。外患紛乘。必且國種淪胥。萬劫不復。即幸而人心厭亂。戡定非難。彼時首亂之魁。尚可席捲重裝。遁逃海外。惟有軍警從惡之羞。無從滌濯。孰順孰逆。何去何從。各具天良。亟宜自擇。本大總統久館軍符。與士卒同甘苦。共患難之心。初終如一。為此掏忱相告。今行各該管將領官弁。詳晰開諭。嚴加防範。遇有藉端煽亂之人。應即按照軍法。盡法懲治。一面仍隨時剴切勸諭。以養其遵守紀律服從命令之資格。庶無負本大總統敬愛軍警之本意。

通令申誠軍人文

年餘以來。各省暴徒擾害人民。蹂躪地方。本大總統不忍坐視。生靈塗炭。不得已遣兵平治。剷除強暴。正以安輯善良。凡我軍所到之處。務以保護人民為唯一之宗旨。倘有騷擾情事。是以暴易暴。徒授亂黨以口實。將何以對我國民。此次用兵以來。我軍將士。忠勇異常。為環球士庶所傾服。凡此優美之聲譽。悉由我將士等性命所鑄成。必須格外愛惜。使五大洲亦為口碑。若

稍有擾害人民之行動。是已得之令名。將致一旦掃地。澤為諸將士惜之。况從來用兵。地在須賴本地人民歡迎扶助。照常交易。乃易成功。如與人民互生惡感。必致挺而走險。助逆拒順。或累損累身家。反為匪守。或更貪匪厚利。為作間諜。或商民逃避。無處購食。勢將受困。即專為軍事一方計。其害亦不可勝言。各官長均有約束自兵之責。務宜時時中戒。認真管束。設有疎忽。軍法具存。萬難姑貸。各目兵等。亦應互相糾察。遇有此等敗壞軍紀之徒。隨時舉發。勿令少數人之暴亂。使全軍受其惡名。無以昭白於天下。總之保護人民。為軍人莫大之天職。仰各傳諭。誥誡。責成諸將士等。切實奉行。務使軍臨地方。望如時雨。用副本大總統戡罪弔民之本意。勉之勿忽。

布告普師文

本大總統竊維方今國統極烈之時。非團結於內。不能競存於外。百年以來。世界各國。或起自叢蕪。而忽躋盛強。或本席豐基。而剪焉漸滅。揆厥所由。大抵眾志協和之邦。雖小莫禦。民情睽睽。乖之國。雖大必亡。睽乖所起。率緣數端。或階級互閱。或教宗分爭。或種族相猜。或地方生畛。有一於此。則國家失其統治之本能。勢且離析分崩。自招宰割。國亡種滅。恒必由茲。我中國藉先民之威靈。植統一之崇址。前舉回轍。他國所引為公患者。我無一焉。用能以四百兆眾。共棲一域。相友相助。無貳無虞。歷數千年。發揚盛大。雖喪亂間作。而國本不搖。自前清之季。民苦執政。欲圖改革。為障溢多。振奇之士。含經行櫝。時或利用簡單之感情。標舉種族界限。以相刺激。雖

一時獲收奇效。然識者深懼以此開國民反目之漸。蓋然憂之。幸我邦人諸友洞明理勢。防患未然。當帝制既訖之時。申五族一家之義。前此種姓猜忌之跡。雲過天空。民國始基。鞏固不拔。職此之由。乃數月以來。少數不逞之徒。為野心所驅。不惜倒行逆施。假名號以爭權利。遂乃倡南北地方之邪說。妄肆簧鼓。蒙蔽聽聞。夫我國之大一統。秦漢迄今二千年矣。幽燕楚越。同軌同文。率土普天。如兄如弟。況自共和事布。愛樂相共。萬眾一心。以戴民國。誓則赤子之怙恃。其父母。誰恩誰怨。何嫌何疑。今無端造作妖言。希圖挑撥。若深憾國家之統一。而必從而誦之。惟恐人民之協和。乃故從而間之。詩曰。讒人罔極。交亂四國。又曰。自有肺腸。俾民卒狂。本大總統誠不辭彼輩何仇於宗國。乃必欲裂之毀之。而始為快也。夫感情之為物。挑撥極易。而融弭綦難。苟地方畛域之見。一度中於人心。則豈惟南北而已。且省與省相猜。縣與縣相妒。鄉與鄉相持。勢將舉先民艱難締造之國家。剖為什伯千萬。以返於部落之舊。其人民則日相攜貳。動如寇讎。雖在閭閻自守之時。猶不足以為國。況今日承累世之敝。而立於羣雄之間者哉。今茲用兵。奉辭伐罪。蕩彼羣醜。夫亦何難。顧本大總統所最痛心者。當此國家多難之時。乃更有此不祥之事。就令指顧之間。廓清戡定。而人民生命財產。所損幾何。國家財政負擔。增窘安極。言念及此。無淚可揮。養癰厚毒。循首既有所不安。斷臂全身。苦痛亦曷其有既。本大總統既以不德。盡膺重寄。綆短汲深。辛遘大難。奉職無狀。受事之日。父老既以此完全統一國家。託諸親躬。受代之時。統躬義當以此完全統一國家。還諸父老。是用雪涕誓師。哀矜執訊。豈云黷武實

以完責。一俟凶惡蕩平。國基奠定。行將自効。以謝天下。允願我國民上懷先德。念綱維締構之維艱。卽繼時勢。懍兢爭生存之不易。勿更以猜忌渙大羣。勿更以訐爭耗元氣。勿更以分閥啟戎心。勿更以擾攘滯進步。昔日本經西南一役。而憲政以成。美國經放奴之爭。而國權斯振。多難興邦。禍兮福倚。倘我國民。念今日之深痛鉅創。而平心以察其受病之由。其惡因造自政府者。則督責政府。使懺改之。其惡因造自社會者。則合全社會之人。各自懺改之。人人皆有悔禍之心。國家庶有自存之道。轉危為安。因刺得復。天時人事。或將在茲。本大總統不敏。竊願與國人共天斯志也。此令。

布告軍旅勿驕勿懈文

國家編練軍隊。係為保護疆土。捍衛人民而設。一旦有事。戰勝攻取。致命疆場。本屬軍人應盡之天職。前因贛甯粵浙事起。中央為除暴救民起見。不得已而用兵。固由將士一心。立平巨亂。然一念及地方。慘遭塗炭。未嘗不愀然於懷。何敢邀天之功。以為一己之幸。乃聞近來各省軍隊。戰勝之後。不免驕情漸萌。本大總統實深慮慮。兵法曰。軍勝彌警。又曰。戰勝而將驕。卒情者。莫教屈服。狃於蒲騷之役。遂致敗亡。項梁因屢勝秦而驕。卒為秦所破。成敗昭然。可為炯鑒。況予以兵學論。日新月異。既深造之未能。以軍學論。內患外憂。復禍至之無日。平時苟戒備。偶疏。臨時必至倉皇無措。有陸跌。已得之名譽。喪夫俱盡。辱及邦國。殃及身家。居安思危。能無祇懼。用特嚴申訓誡。著各該都督將軍都統。各使各軍師旅。嚴諭所屬陸防各軍。一體遵照。須

知驕兵必敗。古有明訓。每乘於所忽。福恒起於不虞。毋恃為已可。而掉以輕心。毋視為已安。而長其暮氣。有備方能無患。百密不免一疎。其各振刷精神。交聯指臂。修明戰備。整肅營規。勵同人神澤之風。樹國家干城之選。於以保全榮譽。揚厲軍威。本大總統有厚望焉。

致各省都督察商戰事計畫書

作戰計畫。宜守秘密。稍有宣洩。為害甚鉅。現查俄人在北方沿邊一帶。兵力共有三十八萬六千餘人。雙軌鐵道。轉輸靈便。對付之軍事計畫。有六十萬精兵。方可言戰。其置備軍械武裝。及一歲餉需。須三萬萬以上。軍官需二萬四千餘員。各國兵事。幸以將材為首。軍械次之。二者不備。雖萬眾亦屬烏合。中國自庚子一役。賠款本息九萬萬。清之所以亡。民國元氣之所以難復。皆由於此。當時親責清流。慷慨激昂。言猶在耳。今之土耳。其有百餘萬之精兵利械。卒因青年浮囂。意氣用事。竟至一敗塗地。城下乞盟。良以兵兇戰危。必須鎮密。先有成算在胸。方可稍有把握。迭飭參謀陸軍兩部。密議計畫。守知己知彼之成規。衡輕重緩急之分際。問題久難解決。且兵事例守秘密。望各都督傳知各報館。切勿輕於登載。以免漏洩。而慎事機。凱弱寇典兵。粗識戰事。現將就木。莫所顧惜。非不知英詞快論。足以洩鬱憤。而博時譽。但既受國民之付託。當為國民謀完全。使國民皆能盡納稅當兵之義務。則拳事不足平也。兩利就其重。兩害取其輕。先謀不敗之地。然後有略勝之方。敢以四萬萬人為孤注手。區區之心。諒所共鑒。

覆王芝祥軍統嚴禁軍人干涉政治書

軍人不准干預政治。既經嚴令禁止在案。頃讀王督辦等敬電。始知將校研究所及學生隊。竟有擅自通電之舉。殊堪詫異。日前北京軍界。少數無聊之人。本不任軍官之職。而圖務員全未通過。中外傳言。政府搖動。外人信用益衰。以致借款無著。餉源不繼。私出傳單。頗涉干涉之嫌。深日即飭內務陸軍兩部。嚴行禁止。今誦來電。以保障議會。為保障民國之根本。履霜堅冰。防微杜漸。樹義正大。實獲我心。該將校研究所。係集合南北賦閒之軍官。學生隊。係各省投効之學生。青年血氣方張。或有過舉。然亦決非多數人之意志。已飭陸軍部查明嚴禁。毋再輕舉妄動。王督辦等發揮正理。使軍人抱定服從命令之宗旨。國之福也。凡在軍界。皆當奉為良箴。

第十四類 法律

布告赦免刑罰文

國體變遷。首在盪滌繁苛。與民更始。我國民向受專制官吏之弊。夫教罹罰。政多不平。陷於國圍。或非其辜。當茲民國初基。正宜剪除舊染。咸興維新。凡自中華民國元年三月初十日以前。我國民不幸而罹於罪者。除真正人命及強盜外。無論輕罪重罪。已發覺未發覺。已結正未結正者。皆除免之。我國民其自納於軌物。懷茲刑辟。毋蹈非法。以保我同胞之身命。與名譽於無極。

批熊總理擬定暫行條例請頒布施行呈

據呈已悉。現在時艱方亟。百廢待興。正賴政府各員。力任仔肩。共圖巨濟。所有各項法規。尤關

根本至計。若不亟籌辦法。則一切庶政。何由措施。該總理等所請擬定暫行條例。提前頒布施行之處。係為建設進行起見。應即照准。即由該總理等妥速議擬。呈候核奪。此批。

附熊總理原呈

為呈請事。竊希齡等視事以來。迭將大政方針。公同籌議。並於鈞府會議時。承秉鈞示。次第議定。概訂期。前赴國會。宣布政見。徵求同意。適國民黨助亂。奉令解散。凡隸該黨黨籍兩院議員。亦同時取消。國會屢次開議。均不足法定人數。以致遷延至今。未克赴會宣布。綜核議定各項方針。凡諸施行。均與財政有密切之關係。而關於財政各項計畫。莫如整理稅務。改良稅則。以維國計。而裕民生。惟值此稅源窘竭。應付俱窮。若不亟求根本解決之方。則一切措施。皆將束手。他若修正各部官制。暨關於各部急切應辦各事。適用之法律。並釐定地方官制各草案。事關建設。均屬要圖。立待籌施。不容再緩。茲查十一月十三日。參議院議長王家襄。眾議院議長湯化龍。通告。已於十四日起。暫行停發議事日程。此後開議需時。勢須懸案以待。惟是國基甫奠。時會多虞。海內人民。處於水深火熱之餘。各有拯溺救焚之望。而列強環峙。亦咸視吾國政治進行之狀況。以決定外交對待之機宜。一髮千鈞。所關甚鉅。設再因循泄瀉。徒託空言。一旦風雨飄搖。噬臍何及。希齡等平居薄有匡濟之志。受任適在艱鉅之交。懷朽索之堪虞。念莽絲之待理。徬徨夙夜。寢饋難安。苟利國家。捐糜豈惜。凡茲規畫各項。不敢謂折衷至當。要皆屬因時制宜。雖蠶根錯節。利鈍未可逆知。而尺璧寸陰。優游豈容生

謀。再四思維。惟有仰懇大總統。准將各項法案。先行擬定。作為暫行條例。提前頒布施行。俾庶政有藉手之資。庶治績有刷新之望。如蒙鈞允。所有擬定各項暫行條例。仍俟國會開議。有期。將應交國會議決者。分別提案交議。是否有當。伏候察核。批示遵行。謹呈。

致各省都督維持大局函

未都督僑電。太息內外猜疑。黨爭劇烈。而歸結於維持邦本。唐都督箇電。慨然於藉詞黨爭。動稱民權。弗卹國是。而歸結於黨籍。盡法懲治。兩電持論正大。稍有愛國思想者。諒表同情。共造政賢。無數志士。軍人所鑄造。現在國基未固。雖竭力維持。猶恐不及。豈容爾虞我詐。忘啓猜疑。此次宋案發生。幸將正兇。及牽連各犯。次第破獲。自應澈底根究。按法治罪。此是法律問題。與政治判然。兩途。好事之徒。不俟法律解決。妄生誣誣。直欲使法律混入政治。以遂其破壞之計。又直欲藉一二人曖昧之私。傾覆政府。搖動國本。此案既經公辭交還。已電飭程都督先將牽涉洪述祖證據檢出。專員送交部省。以便交涉。政府辦理此案。既未一步放鬆。亦未稍形操切。無非按照法定手續。使外交方面。勿生阻力。以成信讞。而伸法紀。乃外間不察事實。動云某某指使。或則牽扯政府。或則指斥偉人。輾轉傳訛。挑動惡感。須知證據既在公堂。中外具瞻。誰能掩飾。未能宣布。何得辨明。在報紙不根之說。別有用意。若政府效其逆億。張冠李戴。含沙射影。則是浮議。可作爰書。法律皆為虛設。既非人民之福。又豈逝者之心。乃幸災樂禍之徒。藉端構煽。不顧四百兆人民之疾苦。以遂一二人破壞之詭謀。不知煮豆燃箕。同歸於盡。本大總

統年表德薄。救國未忘。支撐逾年。心力交瘁。所期四方豪傑共拯危亡。得有替人釋茲重負。若藉故牽涉。希圖擾亂。則前途渺渺。非本大總統所敢知矣。惟副總統及各省都督民政長實圖利之。

第十五類 教育

通令整飭學風文 六月二日

國於天地。必有與立。治亂之原。文野之判。視國者一視乎教育程度。以別等差。環球各國。各有所以立國之故。國體有專制共和之分。而教育本原。首重道德。古今中外。殆有同規。前清未造。學風之衰。論者多歸咎於以利祿為誘。無異科舉。以故獎勵爭優。學年求短。惡習濡染。人不自知。民國肇建。百度維新。本大總統深維治國大綱。必以教育全國人民。合於共和資格。為凡百建設之本。視之至重。故責之彌嚴。乃考察京外各學校。其管理認真。日有起色者。實不多見。大都敷衍荒嬉。日趨放任。甚至託於自由平等之說。侮慢師長。蔑棄學規。準諸東西各國。學校取服從主義。絕不相同。倘再事因循。不加整飭。恐學風日壞。民俗隨之。關係於世道人心者至大。爰特剴切申明。凡各學校教職員學生。須知共和國體。必養成人民優美高尚之風。而後自由平等。方能以法律為範圍。況學生在校。最重服從。詎可任其囂張。敗壞規則。著教育部行知京師各學校校長。並督飭各省教育司長。凡關於教育行政。一以整齊嚴肅為主。學生有不守學規情事。應隨時斥退。以免害羣而示懲儆。總期德育日興。學風丕變。本大總統有厚望焉。此令。

批京師大學校校長何燭時呈

據呈已悉北京大學校為全國模範關係重要乃自去年以來該校學生屢滋事端均未深究以致習為驕縱毫無顧忌近日竟有在校開會迫脅校長辭職情事謬妄已極應由教育部將滋事學生嚴切查辦毋稍寬假嗣後關於教育行政一以整齊嚴肅為主以端士習而挽學風是為至要此批

附大學校校長何燭時原呈

呈為學生聚眾迫脅呈請察核事竊燭時自奉大總統任命署北京大學校長蒞事以來凡關於學生功課之事靡不悉心推究迭經商承教育部長認真辦理罔敢或有玩愒本校下學年開辦分科前經迭商教育部商訂招生辦法以大學規程第四條既有前項預科或與預科相當之學校非遵照本規程辦理者畢業生應行入學試驗之規定本校舊班學生入學之時在大學規程公布之前為期甚遠將來升入分科應即同受入學試驗前經陳明教育部附呈招生表懇請教育部察核在案自招生表刊印之後本校學生有見此表者曾來詢問當告以應受試驗理由先期預科學長胡仁源亦曾面告預科舊班學生謂將來升入分科應受試驗該生等未有異說本月二十六日燭時到校當有管理各員前來報告校內各處備貼匿名告白當飭該員揭取閱看大概以反對入學試驗為主或涉及他事措詞狂謬無與比倫因告白盡係匿名未便懲辦正在詳細調查突於二十七日下午該生等在校

內開會。當時以該生等。或係討論章程。未便阻止。於斯之時。燭時已將布告發出。申明應行試驗理由。並將匿名揭貼一事。略有儆戒。雖有多人。至本校校長室。請燭時到會質問。燭時以學生開會。無到場之必要。未允所請。該生等遂蜂擁至校長室。約有百數十人。燭時出為解釋。應行入校試驗理由。該生等一味不理。任意咆哮。秩序大亂。並強燭時必須辭職。並須親書證據。種種脅迫。勢將用武。不得已照書付之。該生等始行退出。此當時該生等聚眾脅迫之實在情形也。當時因校長室之門。蓋由該生關閉把守。已失自由。故不能告知警署前來彈壓。燭時伏思本校為國家設立大學。預科學生畢業。升入分科之後。即為最高級之學生。將來或研究高深學術。或為國家効用。國家之所以希望於諸生。與教育部之所以百計培植諸生。為教育前途之基礎者。何等鄭重。乃時未逾年。均以該生等之無端滋鬧。校長屢易。燭時承乏以來。又有此次之事。固由燭時之奉職無狀。實由該生等之再三暴動。未經懲創。惡因所積。愈演愈烈。大學為最高之學府。將以養成純全人才。為國模範。而預科學生。竟如此目無法紀。聚眾脅迫。匪惟本校不復能繼續辦理。其影響將及於全國學界。不能與辨一校。造就一生。當此人心不靖之時。國家設立大學內之預科學生。尚有此等狂暴行為。其影響且將及於全國社會。世道人心。胥有關係。言念及此。至為痛駭。本校學生。此次藉端滋事者。約百數十人。大約預科二三年級學生為多。該生等屢次滋事。不知悔改。將來升入分科。亦必不能造就成材。為國家効用。不為澈底澄清之計。貽患將不可勝言。除將該生等

當時聚眾脅迫詳細情形呈明教育部的核辦理外。理合呈請俯賜察核。謹呈

第十六類 農商

通飭重農保商文

現在國體確定。組織新邦。百務所先。莫急於培元氣興實業。東南各省。自上年重罹水患。又迫軍興。農商之業。損失已多。困苦流離。言之淚下。現居春令。耕作既貴得時。綠茶又將上市。而警耗時苦。人心未安。設誤農功。荒商市。則收穫無望。闔閭大傷。富者化為窮民。貧者流為餓殍。民不聊生。何以為國。此本大總統所最痛心者也。應責成各省都督。勸諭農民。及時耕種。嚴飭兵警。鎮懾地方。保護市面。使農勤於野。商悅於途。庶秋稔可期。商市漸復。民皆有以贍其生。而殖其產。以共迓幸福於無既。凡有軍民地方之責者。其共體此意。

通令各省提倡實業文

裕國之計。藏富於民。未有民不加富。而可侈言國富者。我國一般人民。實業觀念。迄未發達。皆由迷信舊習。貨棄於地。而力不出於身。未脫閉關自守之風。不知疏濬富源之術。現值軍興之後。百廢待舉。金融益見恐慌。民生日形彫敝。流離之子。蹙蹙四方。滿目瘡痍。未遑恢復。本大總統每念及社會經濟。與國家財政。息息相關。且物質救國之效。與人倫道德。又實互相為資。深愧德薄能鮮。無術匡濟。今幸時事漸就救寧。元氣急宜培養。凡關於保護興業各法令。業經前清規定者。但於民國國體。毫無抵觸。應即遵照前次布令。概行適用。次第施行。各省民政長有

提倡工商之責。須知營業自由。載在國憲。尤應尊重。務望督飭所屬。切實振興。以裕國計。舉凡路礦林墾蠶桑畜牧以及工藝場廠。切商辦公司。其現辦者。務須加意保護。即已停辦。及有應辦而未辦者。亦應設法維持。善為倡導。一面由農林工商部。迅將各種應行修訂法律。分別擬議草案。提交國會公決施行。尤望我流寓異地之素封。共念國計艱難。民生困蹙。投資興利。相率言歸。果使全國才智之士。咸起重實業一途。不惟專門人材。得各效所長。即無業游民。亦資生有路。收效之鉅。豈遜歐美。用特掬誠勸導。願我國民之上祈國利民福者。三致意焉。此令。

第十七類 任免

致參議院任命國務總理咨請同意文

為咨行事。前據國務總理唐紹儀呈稱。因病請假。赴津調治。當經本大總統給假五日。并任命外交總長陸徵祥。暫行代理國務總理事務在案。茲復據該總理呈稱。連日延醫診視。舊病轉劇。慨膏肓之漸入。捐頂踵而何裨。懇請准免國務總理本官。迅簡賢能接任。以維大局。俾獲乞靈藥石。遲處清閒。各等語。本大總統迭次派員赴津診視。勉留。據各該員回稱。該總理一再固辭。情詞懇切。毫無回京就職之意等語。民國肇興。百端待舉。遠方騁騷。尚未經靖。友邦承認。尚無正式總理一職。有保持行政統一之責。關係重要。未便久懸。除批准該總理辭職外。自應速行遴員任命。庶一切政務。得以進行。現在國基初定。締造維艱。必須富有經驗。中外翕服之人。始堪勝任。本大總統一再遴選。查有現任外交總長陸徵祥。宅心正大。識見宏通。歷充參隨專

使公使十有餘年。於外交情形。知之最稔。各國政治源流。尤能洞見本末。實為中外信仰。匡時濟變之才。擬任命為國務總理。茲特照中華民國臨時約法第三十四條。請貴院之同意。即希查照見覆可也。此咨。

通令各省宣布文官任免執行令文

國家設官分職。原所以保衛民生。任免之途。即應以法令為衡。彭公道本大總統前經將關於官規之文官考試任用及懲戒保障各法案。按照約法制定。先後提交參議院咨請議決。在案。各項法案。關係重要。付非一時所能議決。惟民國成立以來。地方行政機關。率皆改組。用人行政。既無共貫同條之制。遂有此疆彼界之嫌。甚且任免自由。各為風氣。蕭艾雜進。吏治不修。破壞之餘。難期建設。此任用無法之失也。至於賞罰不明。心懷僥倖。名譽既所不惜。率以踰閑蕩檢為自由。政事尤所不諳。日以罔利營私為慣技。遂致巧宦者。圖一時利祿之計。賢者存五日京兆之心。百事悉從委徇。上下務為姑息。揚清激濁。屢受其難。此又懲戒及保障二者無法之失也。本大總統深鑒於此。前經特頒訓令。責成各省行政長官。將所有現任人員。分別嚴加考核。願無依據之明文。斯愛憎得行於察典。欲臻上理。其道莫由。茲特制定關於文官任免執行令。聲明以上各項法案。未經正式公布以前。所有文官任用懲戒保障各事宜。暫行適用。各該草案辦理。一俟參議院議決後。再行公布施行。為此通令中央地方。各該行政長官。自關於文官任免執行令公布之日起。嗣後薦任以上文官。無論何省。有未呈請本大總統任命者。速

行依照各該草案所定資格分別呈請任命。凡未經呈請任命之員。即不得受相當之保障。其餘懲戒事件。既有一定範圍。亦應切實舉行。以肅官紀。各該長官。務宜力謀行政之統一。共濟時局之艱難。本大總統有厚望焉。此令。

覆黎副總統辭兼領湖北都督呈

來牘閱悉。成功不居。上德若谷。事符往籍。益歎淵衷。溯自清德既衰。皇綱解紐。武昌首義。薄海風從。國體既更。嘉言益著。調停之術。力竭再三。危苦之詞。書陳累萬。痛洪水猛獸之禍。為千鈞一髮之防。國紀民彝。賴以不墜。翰富之亂。坐鎮上游。七粵不驚。指揮若定。呂梁既濟。重思作楫之勳。虞淵弗沈。追論搗戈之烈。凡所規畫。動繫安危。偉業豐功。彪炳宸宇。時局粗定。得至京師。昕夕握護。快傾心膈。褒鄂英姿。復瞻便坐。遂現同志。永矢畢生。每念在莒之艱。輒有微管之歎。楚國寶善。遂見斯人。迭據面請。免去所領湖北都督一職。情詞懇摯。出於至誠。未允施行。復有此牘。語長心重。慮遠思深。志不可移。重違其意。雖元老壯猷。未盡南服經營之用。而賢者久從。亦非國民酬報之心。弛遂謙懷。姑如所請。國基初定。經緯萬端。相與有成。期我益友。嗣後凡大計所關。務望遇事指陳。以匡不逮。昔張江陵恒言。吾神游九塞。一日二三。每思茲語。輒為敬服。前型具在。願共勉之。此覆。

附黎副總統辭鄂督原呈

竊元洪屢觀鈞顏。仰承優遇。恩逾於骨肉。禮渥於上賓。推心則山雪皆融。握手則池冰為解。

馳惶靡措。誠服無涯。伏念元洪忝列戎行。欣逢鼎運。屬官吏播遷之衆。承軍民擁戴之殷。王陵之率義兵。堅辭未獲。劉表之居重鎮。勉力難勝。洎乎宣布共初。混一區夏。荷蒙大總統俯仍舊費。悉予真除。良以成規久圯。新制未頒。不得不沿襲名稱。維持現狀。元洪亦以神州多難。亂黨環生。念瓜代之未來。顧豆分而不忍。思欲以一奉之存。暫砥狂瀾。方寸之材。摧撐圯屨。所幸仰承偉器。乞助雄師。風浪不驚。星河底定。獲託威靈之庇。免貽頹越之羞。蓋非常之變。非大力不能戡平。無妄之榮。實初心所不及料也。夫列侯據地。周室所以陵遲。諸鎮擁兵。唐宗於焉弛靡。六朝玉步。蛻於功人。五代干戈。胎自驕將。偶昧保身之哲。遂叢誤國之愆。災黎填於壑。而罔聞敵國入於宮。而不恤。遠徂往來。近覽橫流。國體雖更。亂源則一。未嘗不哀其頑梗。憐莫懲。嗟前者贛水弄兵。鍾山竊位。三邊酬諸異族。六省訂為同盟。元洪當對壘之衝。亦尚盡同舟之誼。乃罪言多納。忠告罔聞。展此苦心。竟逢戰禍。久欲奉還職權。藉資表率。祇以兵端甫啟。選典未行。暫忍負乘致寇之嫌。勉圖扶杖觀成之計。孤懷耿耿。不敢告人。前路茫茫。但靳救國。今者列強承認。庶政更新。沈沈武庫。而偃兵。敵文園而弼教。際四海困窮之會。急起猶遲。念兩年患難之場。迴思尚憐。論全局則須籌一統。論個人則願乞餘年。倘仍恃寵長留。更或陳情不獲。中流重任。豈忍施於久乏之身。當日苦衷。亦難曝諸無稽之口。此元洪所冰淵自懼。寢饋難安者也。伏乞大總統矜其愚悃。假以間時。將所領湖北都督一職。明令免去。元洪追隨釣座。長聽教言。汲湖水以澡心。嶺山雲而鍊性。幸得此身健在。皆荷解

衣推食之恩。倘遇遘事偶生。敢忘擐甲執兵之報。伏居待命。無任屏營。

批唐總理辭職呈

據呈已悉。前因該總理患病。特准給假五日。派陸徵祥暫行代理。方冀早就痊復。尅日視事。茲據來呈。聲稱連日延醫診視。舊病漸劇。懇請准免國務總理本官各等情。披閱之餘。曷勝系念。該總理於共和宣布以前。南北奔馳。為民國効勞備至。及就任總理。經營學畫。錯節盤根。困苦艱難。非可言喻。民國草創。正賴長才。豈容聽其退休。失其贊助。特以情詞懇摯。出於至誠。不得不諒其苦衷。遂厥初志。應即准允。請免國務總理本官。任為政府高級顧問。仍望趁此寬閒。勉自調護。以養病之餘暇。備政治之諮詢。將來倚重正多。當有以副國民之望。此批。

附唐總理辭職呈

為病難速痊。呈請辭職調治事。竊紹儀因病請假。赴津就醫。荷蒙大總統允准在案。連日延醫診視。舊病轉劇。回思去年迭遭家難。閉戶養病。久已無志於宦途。自分沉埋而沒世。嗣奉派充議和代表。痛時局之沾危。哀民生之蕩析。不敢自逸。力疾馳驅。數月之間。寢食失常。憂勞過甚。精力愈耗。猶幸戰禍已息。國事幸新。冀可葆素休神。從容調攝。詎意百廢待舉之餘。忽受首攬政綱之命。自揣病軀。政厲重寄。徒以南北初合。政府未成。勉竭愚庸。罔辭勞怨。視事以來。夜不成寐。日必發寒。竭蹶以從。未敢言疾。然而蒲柳之質。非可禦疾風。鶩駘之材。不足致千里。遲至今日。懼膏肓之漸入。捐頂踵而何裨。惟有懇請大總統俯鑒愚忱。准免國務

總理本官迅簡賢能接任。以維大局。俾獲乞靈藥石。退處清閒。冀得痼疾之稍瘳。長享共和之幸福。無任屏營待命之至。謹呈。

批財政總長熊希齡辭職呈

據呈已悉。該總長所稱困難情形。本大總統亦所深悉。當此財政奇絀。險象環生。吾輩既受國民委託。為兩害取輕之計。即名譽亦應犧牲。但求事實進行。不至停滯。該總長苦心孤詣。素以國家為前提。繫根錯節。乃別利器。萬勿稍存退志。以致全局動搖。所請重申前議。准予解職之處。斷難照准。此批。

附原呈

為呈請事。竊於本月二十九日。准國務院咨稱。奉大總統發下本總長辭職呈文。批開據呈已悉。該總長接任以來。學畫措置。悉臻妥協。商議借款。尤具苦心。現在交涉甫有頭緒。更未便遽行引退。至所稱物議沸騰。實由外交無術。以致失敗等語。查此事前經總長隨時面陳一切。復經國務會議。由國務總理簽字。無庸引咎自責。當此國步艱難。該總長當以國家為前提。勿以潔身為盡職。務望熟權時勢。勉為其難。所請辭職之處。礙難照准。此批等因。奉此。敬聆之下。仰蒙大總統勉諭至意。本總長雖極庸愚。亦豈不識國家之危險。應盡公僕之義務。無如就職以後。南北兩京。均值財政奇絀之際。危險狀況。又在頃刻之間。外界則乘我危急。要挾愈堅。內部則不問財政之緩急。惟責其立撥巨款。應付稍遲。惘嚇即至。非曰咎有攸

歸。即曰誰任其咎。本總統既乏點金之術。豈能無米為炊。近因執款章程。各省反對。責備之言。無慮數千。而接濟之餉。不見涓滴。雖湖南雷允籌助三十萬金。然祇能供南北兩京二日之用。其餘各有半無復音。爰及情形。不可終日。設有饑軍之譁。清。又為本部之愆。尤此外黨派紛爭。猜疑惡感。在在皆為政界之障。希齡倘再不知進退。對於國家。恐無絲毫之益。而有邱山之損。用敢重申前議。伏乞大總統迅予解職。俾免煩越貽羞。不勝迫切待命之至。須至呈者。

批農林總長宋教仁辭職呈

來呈閱悉。該總長學問優長。究心政治。民國前途正資倚任。現當臨時政府期內。國務員不宜更迭。實為全國公言。該總長平生立志。尚以國事為重。則此外皆所勿計。來呈謂不敢以一人之故。搖撼大局。斷章取義。易地皆然。謀國之忠。固當如是。若云念母思歸。捧書涕泣。其見孝養至情。惟攬漚澄清。正賢母開顏之日。况今交通便利。板輿迎養。尚無跋涉之勞。報國奉親。公私兩盡。該總長素明大義。決不以獨善為高也。

附原呈

為滬陳下情懇准辭職事。教仁自奉鈞命。承乏農部。夙夜祇懼。期於國事稍有裨益。乃任事已三月。部事既未就緒。國務亦不克有所贊助。伴食之譏。在所不免。雖由於開創時代。建設事業之不易。實由於教仁政治之素養與經驗不足。有以致之。撫躬自問。深為惶恐。屢欲向

我大總統呈請辭職。以避賢路。以民國新立。人心易動。不敢以一人之故。搖撼大局。故隱忍未發。今者國務總理唐紹儀已辭職。國務院亦有改組之勢。教仁竊幸得告退之機會。謹披瀝下情。懇請准予辭職。抑教仁更有不能已言者。教仁少孤。長避地東瀛。歷十餘年。未嘗一歸親也。邇來祖母長兄相繼去世。惟母氏撫總課孫。擇持門戶。近且七旬。先思子情切。門閭倚。逸母手示促歸。謂教仁知有國而不知有家。知有親愛同胞。而不知有生身之母。教仁捧書涕泣。悔恨者久之。終以迫於善政府禁忌。欲束裝而不能。然當陰雨晦暝。或長夜不寐時。一念及鞠育之恩。未嘗不撫膺長嘆。冀早畢吾事。而因得稍伸其孝養之誠。今共和告成。國基底定。正教仁退休故園。定有溫清之日也。儻猶遲遲總棧。上何以慰慈幃之望。下何以問人子之心。卽向之海外羈遲。亦將無以自解。人孰無情。教仁獨忍出此耶。伏維大總統俯鑒愚忱。准解農林總長之職。俾得歸首慈幃。遂烏私之養。作太平之民。是所至願。教仁思親情切。率直上陳。不勝迫切待命之至。謹呈。

批陸總理辭職呈

來呈閱悉。該總理久歷歐洲。於世界大勢。瞭如指掌。任職以來。各國駐使。過從叡洽。本大總統方為得人慶。現當政治革新之際。國內政治。多與外交相關。本大總統與總理。向無一面之緣。所以相需甚殷者。正為國步艱難。擇賢而治。若總理再有更動。險象之來。不可思議。非獨羣情惶惑。即各國其謂我何。來呈謂非彼此求逞之時。更無互相諉過之地。苦心孤詣。務請正當勉

為其艱萬不可仍存乞退之心而陷國家於危險之地位也所請開去國務總理及外交總長之處萬難照准。此批。

批國務總理陸徵祥請免國務總理本官呈

據呈已悉該總理才識宏通望符中外前因病請假特准給假五日俾得安心調治嗣迭據呈請免官本大總統以得人甚難復兩次給假並遴員接任外交總長以分其勞方冀速就痊癒出任國事茲復據呈請免除本官諫抑懇切情見乎詞未便再行強留應准如所請准免國務總理本官任為外交顧問仍希遇事贊襄以匡不逮是所至望。此批。

批國務總理趙秉鈞辭職呈

據呈已悉該總理病體未痊應再給假半月安心調治所請免官之處仍毋庸議。此批。

附原呈

為呈請事竊秉鈞前因患病呈請免官未遽鑒允蹉跎久病屢展假期有曠職司莫名槐疾初擬調治就愈勉任艱難乃近日細察病情迄未瘥減目昏頭眩不能起立自揣衰弱至此斷難再任繁劇伏念國會肇啟庶政正繁忝綜中樞職任甚重即以內務行政而論維持秩序保衛治安在在均關緊要在代理各員雖未存五日京兆之念要必責成之專屬庶幾治具之克張此邊事方殷時艱益迫國務重任尤貴得人秉鈞政府備員於茲經歲春冰虎尾預趨時虞即使竭其為庸猶懼鮮所禪補乃值衰病侵尋心餘力絀更何敢因循貽誤上負

厚期再四思維惟有竊懇俯察下情。在免國務總理內務總長本官。遠員繼任俾得安心調攝。庶可早就痊平。將來間散小恙。尚可勉圖効用。無任迫切待命之至。謹呈。

批國務總理熊希齡辭職呈

據呈已悉。該總理兼任報館。夙大精勤。前者陳請辭職。特許免兼財政。以節賢勞。至於任重鈞衡。方冀情深維繫。乃仍申前請。彌切去思。念時局之多艱。思得賢而共理。再三慰留。並命國務員合詞敦勸。緬維舟楫共濟之忱。深切金玉。爾音之感。既執法之莫遂。悵回轡以無從。勉順所陳。惟免國務總理本官。此時高孔。諒有幸於遂初。他日訂護。願無忘於辰告。此批。

附原呈

為呈請事。竊希齡。以才力竭蹶。貽誤國是。懇請退避賢路。乃蒙鈞諭優委。僅准免其兼任。希齡自顧何人。敢再瀆請。惟是泛水之舟。操舵者既無駕駛能力。必須易人。乃可渡登彼岸。時局艱危。無以異此。倘自知其力不能勝。而復勉強支持。將恐載胥及溺。補救為難。希齡一身不足惜。其如國事何。謹再陳情。伏乞俯如所請。另簡賢員。擔任國務。俾得少免咎戾。曲荷保全。無任感悚待命之至。謹呈。

批湖北內務司長饒漢祥辭職呈

據呈已悉。該司長任事以來。措置具臻周妥。值茲建設伊始。倚畀方殷。尚祈勉濟艱難。共圖上理。所請辭職之處。應毋庸議。即由該部轉行知照。此批。

附饒漢祥辭職原呈

竊漢祥曾陳請辭職。未蒙矜允。重辱高軒之過。渥承溫語之頒。駭懼自天。馳惶無地。伏念漢祥素淡宦情。性耽禪脫。遭家多難。處世乖方。寡草腐於特生。孤桐摧於半死。曠收野誓師之日。懷玉關投筆之心。偶際明時。遂參戎幕。杖策之知。乍深於高密。解衣之愛。遠過於淮陰。猶復升諸公府。試以支才。既陪顧問之班。復受旬宣之寄。所謂施恩之重。登背戴天神山。致命之輕。鴻毛沈於弱水。况復牖戶深推。舟楫掀簸。不逢烈大。誰識芳蘭。未遇疾風。豈知勁草。當錯節盤根之局。正磨光刮垢之機。何至觀龍門之峻。遽近游魚。親銜激之難。便迴征雁。然自權本職。已歷五旬。黃河濁而阿膠微。龜山高而斧柯弱。畫地為獄。不化互鄉。閉門造車。難行迷澤。逃兵擲地。則弭盜才疏。頑民盾天。則惟科政拙。曲防稼惠。空敵葵丘之盟。自治藏奸。莫問監田之約。行政之費。既東補而西虧。禁烟之刑。復此擒而彼縱。念法權之獨立。痛民氣之紛翼。尺茲削足適屨之謬。適成掩耳盜鈴之政。重以官制榛蕪。法令紛歧。破銅鏡以分持。聚玉棋而不定。當百孔千瘡之後。比虎尾而尤危。處中央支郡之交。較蜂腰而更弱。舉千鈞之鼎。適以促其折。腹離四面之羅。不足形其掣肘。何況萬馬合圍。羣龍集陸。賈復使者。探禁令而自豪。元載故人。挾薦書而相迫。論政綱者。入主出奴。詈安世為朔黨。叙鄉誼者。遠涼近熱。詆曲江為南人。劉峻絕交之論。揚松怨望之書。茶憚告訐之章。王尼趨柱之謗。皆莫不吞聲忍氣。唾面自乾。公事逆於龍巖。私仇高於熊耳。每於賓僚散後。祭贖蘭時。山雨打窗。則心穿

蕉葉。江風扇枕。則骨碎蘆花。四山唳鶴。如聞哀怨之聲。三峽啼猿。誰諒繁冤之唳。貌余小子。達此百罹。秋茶尚甘。凍雀猶樂。念人生之到此。知我罪之伊何。近更美疾環生。虛邪沓至。足欲行而頭弱。手將舉而背虛。出語則舌結難伸。加餐則胃翻不納。宗筋內潰。非良藥所能施。腎脈中頽。豈神針之可止。幸心魂之未泯。得軀壳之猶存。倘再貪狗芋餌。沾縛繻膠。踰崙之寇已盈。猩猩之迷如故。神龜受困。斷無不死之期。仙鶴被創。豈有重生之望。我民政長哀矜。僚屬嘉惠厚生。布政則天。敬獻聲。發言則地。消憂氣。豈忍使哀鳴之鳥。長閉樊籠。跪泣之羊。遷登鼎俎。必欲為釜底。然其之計。亦恐非窗前護草之心。湖自磨盾滿毫。拔矛浙米。沙中偶篋而不悔。大抵七而仍留。既不假泉石以鳴高。亦不因風潮而避險。初心耿耿。萬劫難磨。前路茫茫。百端交集。果使有一線光明之望。何至懷半途輟棄之思。傷危崖之勒。已損殘軀。痛泉木之出山。自污清操。命之不造。知復何言。伏乞矜此餘生。允其前請。赦靈犀於陷阱。援窮蹙於江濤。俾從此頤養太和。沾溉餘澤。臨平山下。為打包之僧。卑田院中。作題詩之丐。幸得危魂尚駐。當長供一瓣之香。即使枯骨難蘇。亦永結三生之草。言盡於此。泣不成聲。所有辭職各緣由。理合呈請。伏乞批示祇遵。

批饒漢祥再請辭職呈

批據呈已悉。饒漢祥應准給假兩月。俾資調攝。所有湖北內務司長一職。即由林殿香暫行代

理此批。

附湖北內務司長饒漢祥辭職呈 由民政長轉呈

竊漢祥猥以昧狂謬膺繁劇辭書多於積雨歸志急於流星乃蒙大總統優予慰留辱加訓勉雖相依頑石猶且點頭豈臨去痲鋼不知墮淚然黽勉驅之日正危疑震撼之交龐當道而吠聲域臨崖而射影重以文書委積賓客喧闐殘更警於五鳴糲飯疲於三吐遂致鶴創益劇雜骨難支彌月以來虛陽俞上冷煖之玉併於齒牙陰陽之燧離於心腎念節宣之久失帳攻補之無從非有圍城之警而卧少於鯨魚非有柘谷之方而飲微于鼯鼠譬之強弓屢挽終贖殘弦明鏡頻磨空留碎影斯固鵲鴻救石已無護於生前蜻蜒化珠難有期諸死後者也伏念漢祥初運頻更苦心久化盟鷗作友誨鷓為徒火山之樹原不丐夫慈雲冰谷之瓜亦何勞於菟日當此風塵瀕洞藥石纏綿顧鵬憂年聞鷓憫世以孱軀尸要位既違任事之心以傲骨處危時尤昧保身之訓諒使魚勞不息鳥倦仍飛豈惟輕入公門畏十年之異質亦且久妨賢路遺一路之哭聲我民政長慈鳩曠性怖鶴流恩神仰屋而輸情免登樓而吐款縱一夫痛癢難回造物之心而三楚瘡痍應動仁人之念伏乞相觀審步遴選替人洗塗而出勞薪脂車而更朽索或者使東流仙樹仍復創痕西域佛教重回焦色感銜揮於再世矢效命以他年不然回太行之馭尚惜完軀挂神武之冠豈需朝命雖李密之陳情不察而范蠡之行意可師漢祥六祈具舉三宿難淹惟有懇印梁聞遺書茶上指暝烟而遠

踏把明月以長終蓋窮鳩既竭於告哀斯急鹿不違於擇先彈毫族注露表魂馳漢祥更有
請者在昔五憶之歌出西京而增戀九章之賦望北渚而興愁吾鄂久被水災迭罹兵禍已
有曲防之習鄉無負版之儀夫戶籍之法不設將何以數國政河渠之書不謹將何以厚民
生明知點石方窮量沙衍竭固息壤有難封之穴亦謗臺無可上之階然而掘井不先補牢
將晚水淹歷郡魚龍隨奴婢同流火熟吳宮燕雀與墳城並散况復木丸結舌銅鼓驚心舞
文之吏拔諸輿臺偃武之兵流為盜賊劉崇龜之不作李卧虎之云亡臨渝關外尚有寇魂
感陽獄中非無憂氣雖楚婦有當機之感而皇尸無越俎之權尤祈軫念編氓統善全局秉
結露成霜之戒掩披雲見日之仁天風門不啟即外感潛鑷水鼎長調則真元自固屬祇廟
鳴狐之會當神皋逐虎之衝聽狂潮于海上方雜車聲望亂石於江邊亦埋兵氣麴生入座
無酒猶頽鮑老登場有絲亦倒必道力較魔而更長斯訛言隨厲而俱消漢祥散木難勝罪
花已茂暮裴度之頭久聞蜚語扶佐骨之目終慮危機此又曲突徙薪敢進行人之諫遊梁
發句尤深去婦之思者也所有仍請辭職各緣由理合呈請民政長轉呈大總統簡員接替
並一面先委代理以免延誤等情據此查該司長學識優長規模宏遠前由副總統秘書蒙
大總統特達之知簡署湖北內務司長供職以來於吏治警察禁烟隄防諸要政俱能積極
進行認真整理鄂中內政深資倚畀似未便以採薪之憂遂掛冠之志任卸仔肩置諸閒散
惟該司長積勞致疾本係實情若不稍予體恤亦非所以愛惜人才激勸多士應請賞假二

月，以便調攝。而收後效。至內務司長一職，關係重要，亟應遴員代理，以重職守。查有該司第一科長林厥香，老成諳練，政學頗優，堪以代理。除由壽康權行委任，並呈內務部外，所有署理湖北內務司長饒漢祥，應請賞假兩月，委員代理，求便准予辭職各原由，是否有當，理合具文呈請鑒核，轉呈等情到院。理合據情轉呈大總統鑒核，批示遵行。謹呈。

附湖北民政長饒漢祥辭職呈

漢祥稔以書生，欣逢景運，循涯積報，負乘叢尤，兩稔以還，百罹支筆，合熊茹苦，暴虎匪危，殷憂極於中年，孤抱窮於下逮，祇以地處要衝，天方多難，受大總統知遇之感，圖報未遑，從副總統患難之中，欲行不忍，營之菘心已斷，尚戀慈暉，馬足雖瘡，猶懷舊主。今者邦基鞏固，海宇乂安，子房之封大邑，既非素心，買臣之守故鄉，尤多慚德。前陳管見，曾言土著之非，昨覲鈞顏，復展歸田之請。夫岐伯養老，夷高同興，燕王求賢，穀羊城集，豈緊蒙昧，獨負生成，蓋人困則呼天，而物窮則思返也。伏乞大總統投以赤心，肉之白骨，即予開去。湖北民政長署缺，漢祥浪迹四方，離家數載，寒梅將放，殘菊猶存，樵漁之迹，尚約記夫，舊遊琴鶴之風，幸未虧於先德，方當一行，將母再事從公。矜此勞人，暫遂還山之願，坐當盛世，敢懷吾墓之心，相胆陳情，屏營何暨。再漢祥自奉，召赴京後，本府一切事宜，已交教育司長時象晉代折代，行謹再聲明，並希鑒察。

致副總統及各省宣佈總理辭職電

前據國務總理唐紹儀呈稱因病請假。赴津調治。當經本大總統給假五日。并任命外交總長陸徵祥暫行代理國務總理事務。一面派員絡繹赴津。慰留再四。竟難轉圜。茲據該總理呈稱連日延醫診視。舊病轉劇。懼膏肓之漸入。捐項踵而何裨。懇請准免國務總理本官。迅簡賢能以維大局等語。該總理情詞懇切。勢難挽回。爰惜國家與愛惜人才之心。二者交戰於中。而求兩全之道。為唐君個人計。祇可暫令養病。以資將息。為國家全部計。總理一席。萬難久懸。自民國肇興。百端待舉。邊方有騷動之情形。友邦無正式之承認。必須富有經驗。中外翕服之人。始堪繼唐君之任。除批准該總理辭職外。查有現任外交總長陸徵祥。宅心正大。識見闊通。歷充參隨專使公使。十有餘年。於外交情形。知之最稔。上年在外國。七電主張共和。於各國政法源流。尤能洞見本末。實為中外信仰。這時濟變之本。擬任命為國務總理。茲按照中華民國約法第三十四條。提交參議院。咨請同意。特此電聞。

致副總統各省都督不得推舉總理函

頃接南昌李都督檢電悉。唐總理因病辭職。及本大總統擬任命陸君徵祥為國務總理。按照約法。請參議院同意各節。已於艷日通電各省。謀已入鑒。此次總理去職。不逞之徒。謠言紛乘。其實皆揣測臆度之談。毫不足信。民國肇基。百端待舉。共和政體。本非吾存。勢不能不規仿歐美。俾免墮越。總理一席。必須久駐外國。深諳共和政治之人。乃能勝任。且政體改建以來。由閉關之國家。進而為世界之國家。東國鈞者。尤須具有世界之眼光。而後所定政策。始能與世界

之大專相應。陸君外交有年。於各國政治源流。於外交情形。曠之尤稔。實為當今對內對外。必不可少之人。現已得參議院同意。任命為國務總理矣。李都督所陳各節。雖出於愛國熱誠。但總理一職。任命之權。在大總統。同意之權。在參議院。約法載明。毫無疑義。若由各省都督推舉總理。不特有背約法。且恐黨同伐異。擾亂政局。民國前途。甚勝危險。現在事局已定。尚希一意鎮定。勿信浮言。是為至要。

致副總統及各都督述關員黨見書

陸都督檢電。謂關員屢易。羣情惶惑。不問黨派。立賢無黨。並忠各黨諸公。化除意見。勿因黨見。爭執。陷吾人民於無政府地位。等語。洞觀大局。以愛國為唯一目的。洵明通公濟之言。自唐君紹儀離京辭職。國務員之同一黨派者。聯名乞退。該黨代表亦謁陳述意見。謂須組織一黨之關員。主持甚名。世凱以民國初建。政黨方在萌芽。決不能以英法等政黨內閣。例諸臨時政府。故於宋蔡王各員面謁時。語以代四萬萬人民挽留。克復如水投石。且函致陸總理。某日始不到部。詞氣決裂。黨見甚堅。惟有付之太息。故園松菊。悵觸於懷。惟念國民付託之殷。舉足為天下輕重。不得不嚮求同志。往復磋商。種種為難。筆難盡罄。集夢知苦。予口卒瘁。霜雪盈頭。形神交瘁。歎我國民。相憐同病。我實不德。民也無辜。揭布腹心。其以天良。揭出之。

覆工商總長陳其美函

青電悉。唐總理奔走國事。積勞成疾。亟促赴津調治。連日再三派員慰問。勸其回京。信使往來。

不絕於道。來電謂有逼退總理之惡耗。殊堪駭詫。參議院為各省代表機關。聚集都下。眾目昭彰。孰能聽人逼退。即鄙人亦何能坐視。此必幸災樂禍之徒。造作謠言。挑撥惡感。敗壞大局。人心至此。恐中國不亡於前清時代。而亡於此等簧鼓是非者之手。陳總長素明大局。乃竟誤聽浮言。殊出意外。鄙人受國民付託之重。日未輕卸責。一日不能為壁上觀。苟更舉有人。得輕負衝。為個人計。樂莫大焉。副總統與各都督。俱以愛國為前提。決不為浮言所惑。幸各剖晰。以釋羣疑。是所厚望。

附工商總長陳電

臨時政府甫成立。忽傳有逼退總理之惡耗。丁茲時艱。奚堪演此惡劇。唐總理固受逼而退矣。試問逼之者何人。繼之者何人。果於大局無害而有益。即更舉總理可也。何若是。不然。甯毋躁。鄙見止此。竊願與各界諸君子亟起圖之。又東電謹志。援古語以相勸。深佩至言。吾人嚮日作為。正冒不韙。犯斧鉞。初何敢希冀輿論之贊同。亦惟如鄭大夫所言。苟利於國。生死以之耳。奇電呈詞。迫切簡直。欲挽唐公之行。免其挫折。其與專謂信使往還數回。挽留之意。正同一轍。不知起人驚疑者何在。美縱不文。審諸詞意。並無不通。詎智者見智。仁者見仁。南北人士。觀念有所不同。報紙以司言而越涉行政。前項呈詞。似不可不善處之。此風不戢。為害劇烈。幸垂察焉。

致各省宣告參議院否認閣員情形電

前次唐總理辭職。再四遴選。乃有陸君徵祥之命。經參議院大多數同意。外交方面。亦極歡迎。本擬其他各員。無事更變。致滋紛擾。嗣因同盟會閣員。堅執辭職。無可挽回。其餘各員。亦有因病及他故。免官者。值此國步艱難。政務繁要。勢不能不擇賢接任。以期進行。經與陸總理一再熟商。乃有周自齊。章宗祥。孫毓筠。王人文。沈堃東。胡德慎。六總長之提出。提出之初。亦曾派員與各黨接洽。雖意見紛歧。未能一致。而私心竊冀。以為國家危急至此。各議員具有愛國熱忱。必不以黨派之異。同忘大局之利害。用是無所猶豫。將選定各員。開具名單。於十八日提出之後。頗聞院內議論。不能一致。深恐一旦決裂。無可挽回。特具函請其展緩投票。再行協商。世凱之委曲求全。蓋已無所不至。不意次日參議院宣言。此函作為無效。即日投票。六總長全數否決。此六人者。或久歷外邦。或有功民國。政學有專長。或富有經驗。縱不能全予同意。亦何至無一可用之才。乃始則拒絕協商。繼則全體否決。皆由世凱誠信未孚。以致動遭扞格。撫衷循省。疚悚殊深。顧念國民屬望之殷。重以大局顛危之亟。但有轉圜之餘地。決不惜降心以相從。特於昨日招待全院議員。面致誠悃。冀其化除成見。共濟艱難。并於日內另選相當人員。再行提出。求其同意。不使中央政府。久事虛懸。現在外界風雲。瞬息萬變。積薪厝火。旦夕可憂。所望全國一心。救焚拯溺。俾復中夜禱祀以求。區區之心。當能共鑒。先此電聞。餘再續告。

致各省通告陸總理辭職電

國務總理陸徵祥。自任職以來。輔佐宣策。中外推重。祇以身弱患疾。就醫病院。迭次呈請開缺。

本大總統以國務為重。僅准一再續假。未許免官。該總理以病體實難支持。近又續呈情詞懇切。本大總統未忍違其意。祇得照准。冀其寬懷調攝。更出任事。以繫人望。惟國務總理責任重大。未便久懸。內務總長趙秉鈞代理國務總理。既經多日。輿論翕然。現已提出參議院。即以趙秉鈞為國務總理。業已通過。恐外省未審原委。或有疑詞。特此通告。

第十八類 懲獎

通令嚴懲倡言二次革命黨徒文

自政府成立五族一家。薄海人心。傾向共和。實為千載一時之會。乃有不軌之徒。藉端煽惑。意在搖動民國。擾亂治安。以重生靈之禍。幸人心厭亂。迭經先事破獲。不致危及地方。本大總統深維國勢之艱難。不忍見五族人民。罹於塗炭。所望共為良善。革我邦基。若任少數凶徒。隱謀蠢動。養癰成患。本大總統何以對我人民。近據廣東都督胡漢民電稱。各省立心不正之徒。每以二次革命為口實。若不嚴誅一二。將何以遏止亂萌。請諭知各省。現在國本已定。如有倡言革命者。政府定予嚴辦。俾奸人知所斂迹等語。指陳凱切。洵為弭亂要圖。著各省都督民政長嚴飭所屬。凡有倡言革命。敢為國民公敵者。查有實據。即行按法嚴懲。以寒匪膽而順民情。斷不能徇煦煦之仁。以貽民國前途之隱患也。此令。

通令查明各省商會拒亂有功人員呈請獎勵文

此次叛徒倡亂。蘊孽甚深。蓄謀已久。自贛事發生以後。牽動至六七省。耗損至數千萬。本大總

統德齊能鮮誠信未孚致人民慘罹凶殍地方橫遭蹂躪痛定思痛負疚良深猶幸各都督維護有衣諸將士踴躍用命兩月之內次第救平具微順逆存亡至理不爽厥亂悔禍人心皆同而抵拒邪謀倡提正論則尤符各省商會維持之力查該亂黨競爭權利潛謀起事湯託於鞏固共稅為欺人之標幟迨一經佔據城鎮搜括財帛為所欲為屠戮善良慘無人道兵至則驅民以殉居心毒如虎狼事敗則捲資以逃行徑甚於盜賊各商界燭其奸邪絕其資貽遂使逆跡無由大逞亂事得以速平由突從薪功匪鮮淺前因上海商會嚴拒亂黨曾經電令前江蘇民政長應德閔傳令嘉獎並查明在事出力之人呈請獎勵在案現在亂象漸定大局粗安推究始終端資羣力各省商會同心拒逆實多深明大義之人應由各該都督民政長確切查明分別呈請獎給勳章匾額以為愛國保民者勸此令

授前任臨時大總統孫文大勳位證書

蓋聞赤松綠圖古有尊崇之典紅鷹金綬今多投贈之文實惟前大總統孫文艱難卅載奔走五洲提挈華夏之羣豪蹀躞法美之威軌遂建共和基礎肇造民國規模本大總統依勳位令第一條親授大勳位以彰殊績無前偉業挽厯代慘澹之風對天鴻休登斯民太平之世此證

授黎副總統大勳位證書

蓋聞旂常紀績變龍光炳乎日星圭齋策勳召虎名高於江漢惟茂庸之卓著斯榮典之先頒副總統黎元洪威振鷹揚休徵虎變建上流之旗鼓作鎮荆襄復大漢之衣冠澄清華夏佐開

基之景命宜絕席以崇獎。本大總統依勳位令第一條親授大勳位以彰殊績。受茲元祉。符丹書鐵券之銘。嘉此懿勳。式金版玉璜之烈。此證。

授前國務總理唐紹儀勳一位證書

蓋聞休徵和會。車書大一統之規。禮重策勳。博典辨五章之等。前總理唐紹儀。業重金璜。望隆玉玷。艱難締造。奠坤維。戴之基。域融和。息乾野。龍羣之戰。爰溯大勳之集。宜崇進位之褒。本大總統依勳位令第一條親授勳一位以彰殊績。受茲元祉。協繡裳亦鳥之儀。嘉此懿勳。式金版玉璜之烈。此證。

授前司法總長伍廷芳勳一位證書

蓋聞以德詔爵。載在司士之書。民功曰庸。實著太常之籍。前司法總長伍廷芳。望重耆耆。文逾隨陸。化戰爭為揖讓。信在片言。由擾亂進昇平。功歸先覺。凡茲勞勳。宜有彰施。本大總統依勳位令第一條親授勳一位以彰殊績。受茲元祉。同丹書白馬之盟。蔚為國禎。式金版玉璜之烈。此證。

授江蘇都督程德全勳一位證書

蓋聞上流作鎮。俾陶侃之殊勳。大國開藩。崇柳恢之峻望。雖上功之卓著。斯榮典之特頒。江蘇都督程德全。西蜀夔龍。東周召虎。誓師吳會。天戈麾反正之雲。開府江南。旌節慰來蘇之雨。旣勳高於特等。宜位進以崇班。本大總統依勳位令第一條親授勳一位以彰殊績。蔚奇花於桂

節。德威揚仗鉞之稜麗。扮藻於旂常。休烈鏤銘金之版。此證。

授陸軍總長段祺瑞勳一位證書

蓋聞凌煙圖畫。垂褒鄂之英姿。吉日攻同。紀召方之偉績。陸軍總長段祺瑞。總攝師干。翊扶民國。周太尉志安漢祚。軍懷左祖之忱。管夷吾定霸齊邦。民受一匡之賜。爰佐大勳之集。宜崇進位之褒。本大總統依勳位令第一條。親受勳一位。以章殊績。夏官分職。德威揚仗鉞之稜。盟府載書。休烈耀銘金之版。此證。

授直隸都督馮國璋勳一位證書

蓋聞象占天鉞。樞垣垂經武之儀。銘紀太常。盟府著策勳之典。直隸都督馮國璋。威振鷹揚。村網豹略。統禁車於龍武。三輔欽大樹之名。關雒鎮於燕圻。萬里倚長城之重。既勳高於特等。宜位進以崇班。本大總統依勳位令第一條。親授勳一位。以彰殊績。典隆分陝。等彤弓旅矢之文。功在開基。式金版玉璫之烈。此證。

授陸軍中將孫武勳二位證書

蓋聞揮戈反正。功肇造於開基。舍箭策勳。典備隆於盟府。上將銜中將孫武。氣薄風雲。志貞金石。犀龍戰野。啟景運於元黃。一鶚凌霄。樹先聲於江漢。已備受服之禮。宜膺進位之榮。本大總統依勳位令第一條。親受勳二位。以獎殊庸。班列信躬。用錫膚功之奏。光昭竹帛。常垂首義之膺。此證。

授梁士詒勳二位證書

蓋聞運籌雲雷乃有非常之業。志安區宇。端資不世之才。秘書長梁士詒。識貫韜鈴。籌深帷幕。軼唐家之房杜。謀斷兼長。竝漢室之蕭曹。指揮悉定。敦槃會合。泯羣雄猜忌之嫌。輪軌交通。肇一統車書之盛。允念艱難之締造。彌懷密勿之經綸。本大總統依勳令第一條。授以勳二位。以嘉乃績。春風衣錦。慷慨登尉佗之臺。天漢洗戈。魏城式伏波之柱。此證。

附孫中山辭勳位電

奉真電。特授文大勳位。無任慙惶。去歲民軍起義。東南十餘省。已次第光復。文甫歸自海外。其時因國內同胞。感情尚有隔閡。須急謀統一。組織臨時政府。勉從眾議。承乏南都。後賴我公以救國決心。力全大局。幾經艱苦。乃有今日。文始終因依其間。實無功可述。今承大勳。特授殊榮。中夜捫心。適以滋愧。且文十餘年來。持素民主義。不欲於社會上。獨占特別階級。若濫膺勳位。殊與素心相違。務乞鑒茲微悃。收回成命。實深感荷。

附黃克強辭勳位電

奉真電。授興勳一位。聞命之下。無任惶愧。竊維民國肇造。烈士堪悲。國慶紀念。彌增感痛。興歷年奔走。幸保餘生。分所應為。何勳可紀。前辭上將。已述苦衷。今茲殊榮。更非敢受。伏乞我大總統俯鑒微忱。收回成命。勿以一再辭謝為罪。庶幾九原可作。不因濫賞而懷慙。八表重新。畏享平民之幸福。臨電恐懼。務祈鑒厚。黃興叩。

附黃克強辭上將電

大總統賜鑒。元年九月七日奉鈞令。授與為陸軍上將。聞命之下。悚愧莫名。竊維國重名器。實必當功。學貴專門。用須求實。與湘上書生。軍旅之事。本未嘗學。壯歲東游。外觀列強之趨。勢內憂國本之陷。克以為專制政體繁興。諱疾養癰。決不能却弊求存。吾國非痛加改革。創建共和。俾全國人民。共負責任。無以立於世界競爭之場。因不度德量力。聯合同志。潛謀起義。以為挽救十年以來。屢蹶屢起。中間亡命海外。雖不敢苟且旦夕。愛惜餘生。然多敗垂成。實無功可紀。去歲武漢。首舉義旗。各省響應。年致全體贊成。建設民國。時僅三月。兵不蔓延。而大局畧定。皆出於我大總統救國之決心。與全國同胞之毅勇。興隨諸君子後。強效馳驅。本國民分所應為。乃夢龍以殊榮。濟之上將。是興以不諳武學之身。濫竽軍界。夫在揭竿而起之時。事務雜遝。患難生於俄頃。固不暇自審其所能。今日整軍經武。方為國家謀久遠。豈可善然自任。若徒擁虛名。更非民國所宜。才同下駟。位竊軍榮。時值種瓜。功非老將。倘竟被此榮名。恐無以厲戎行而召來茲也。况復河口。燭師喪。吾精銳。粵城苦戰。失我良朋。以及歷年各處。相繼起義。或運動革命而身死。妻子離散。久陷囹圄。春數且以千百計。漢陽之役。與尸道路。皆為與生平至痛之事。今獨以僥倖殘生。覲膺上賞。回顧荒原白骨。塚且疊疊。共和達成。皆諸先烈之碧血所化。普記日本社會黨有歌云。彼大將胸間。極光華燦爛之物。原非至榮譽之金鷄勳章。乃為最可憐之兵卒。鬪饑。今之上將頭銜。何以異此。此則興五夜。

捫心誦一將功成萬骨枯之句。而悲不自勝者也。務懇我大總統俯鑒愚忱。而重視名器。不可濫假。收回成命。使與得為共和國民。免溢咎戾。實所感激。不勝屏營之至。黃興謹上。

復黃克強電

真實悲心慶共和。君增感痛。至情至性。可泣可歌。但此次旌異元功。本非加重個人之榮名。實以移易國民之心理。即諸烈士九原。亦當表示同情。執事介節孤芳。固足風世。然為任事諸君。計為鄙人計。萬望勉抑高懷。勿再辭謝。否則忝為公僕者。皆將以平民自居。惟執事圖之。

附黃克強覆電

袁大總統鈞鑒。寒雷敬悉。至誠可感。與雖頑鈍。亦應無詞。然以十年奔走之身。追念患難。甚多。遭慘斃。獨膺上賞。祇增淒痛。一再辭謝。亦實求其心之所安。他人所遇。或有不同。未可例視。於國民心理。尤覺無關。務乞我大總統曲諒愚忱。收回成命。使魂夢猶安。則感激之私。更切於受賞。冒昧瀆陳。祈賜鑒允。黃興叩謝。

致周師長獎勵函

來電所稱全國受軍隊之影響。財政未至險象環生。實為洞見癡結。該師長擬由中央速定裁兵計畫。宣布實行。解甲弭兵。請自美始。犧牲權利。字字血誠。洵足以警告國民。誠勸諸將。現與國務員會議。兵隊善後事宜。正苦鉅費難籌。招兵易而散兵難。為自古通病。須養成一種風氣。令人人知擁兵之足以致貧。知散兵為軍人最高之名譽。縱免政財之危。而救肩睫之禍。近時

徐寶山之請撤軍政分府。朱先志之請解兵柄。均屬深明大義。磊落光明。該師長又瀝陳險象。提倡裁兵。嘉獎不可言喻。更望各將校聞風興起。共矢熱忱。不令該師長獨為君子。民國前途庶幾有多。

覆朱都督

文電悉。所陳各節。足徵衛國熱忱。立志遠大。深堪嘉許。惟該督自前年甯省設聯軍參謀團以來。即力持南北統一。首樹風聲。嗣後派員赴軍界統一會。發表正論。國是遂定。本年贛甯倡亂。復能堅持定見。力挽狂瀾。不惟維持全浙之安甯。足為東南之屏障。厥功尤偉。酬庸之典。蓋為全國昭激勸。非為個人謀虛榮。明令特頒。至為允當。所請收回成命。斷難照准。毋再固辭。

第十九類 用人

致各省調停魯事書

黎副總統感電。情詞迫切。令人傾倒。自鄂軍起義。南北分離。世凱生長兵間。晚而歸隱。值神州鼎沸。漁利相乘。嗟我同胞。水深火熱。不忍視五族人民。萬劫不復。入手解法。即以尊崇人道為宗旨。驚風駭浪。一意孤行。排難解紛。智能盡索。實賴明遠鑒此愚忱。同贊共和。亟謀統一。正欲合四方英傑。修好釋嫌。同室有鬪。則披髮纓冠。其兄孿子。則垂涕而道。若復各分畛域。無術補苴。豆剖瓜分。同歸於盡。犧牲一身。誠不足惜。其如我四百兆神明之胄。何犬局岌岌。險象環生。言財政則高築債臺。仰人鼻息。一有渝約。仰室難籌。言軍政則傳染惡風。如撫驕子。一有譁變。

全局俱搖加以饑饉荐臻瘡痍滿目凶電紛紜中心如搗九京之下尚有重泉若隕深淵靡知所屆山東為南北樞紐胡都督潔身思退足為世道箴砭惟因時事艱難不願贊者作山林之想借重之地方多仍思同舟共濟張都督人地不宜業經調離東省諸君洞明大局必不使世凱一身獨步皇於旋渦之中也閱牆急難人同此心來電所云與長淪於異域甯暫居於同族金玉之言懸為龜鑑所望共扶大義毋殘同類臨風傾淚敢以告哀。

致黎副總統邀請鄂軍人才書

共和告成建設伊始一切規畫自應宏遠為期稍有不慎貽誤千古世凱膺茲重任晨夕焦思所幸我公深謀遠慮事事出於至誠每聞鄂清發一言辨一事實令人耳目一新故南樓風月健羨曷已益信惟楚有材之非虛語也尤望我公以天下為己任以國家為前提將昔之與謀鄂事者進之中央其中關係緩急諒在洞鑒不待贅陳此次武昌之大計畫自是羣策羣力尤以孫武蔣翌武兩君為最南北人士議論僉同敬求飭令孫蔣兩君將鄂中經手事件交卸清楚迅速來京以備諮議一切庶使有志之士得以發揮其懷抱民國前途裨益匪淺孫蔣兩君何日起程並希雷覆。

致黎副總統邀請人才書

前蒙請孫蔣兩君來京既發之後又思本府中及各部需材孔亟楚材衆多為天下冠我公顧全大局海內所欽決不私其所有聞劉公張振武葉於蘭阮毓崧蔡濟民楊玉如石志泉羅傑

哈漢章楊時傑李基鴻魯魚彭方傳黎樹等十四人才識優長功猷卓著統祈轉告諸君聯袂來京共謀民國進行之法想諸君素具熱腸必能舍近謀遠徹處虛席以待務望不我遐棄惠然肯來則幸甚。

覆黎副總統論用人宜慎書

寒電悉立國之本首重用人西晉奔競晚唐勢利受禍之酷甲於歷代近年以來兼斯二者土崩之勢有識早決新邦肇造盪滌瑕穢乃資挽救而志節之士肥遁鳴高盤錯方殷用人又急湍瀾難別砥玉多清流弊將滋實所同慮尊電剴切極愜鄙懷大厦之支匪資一本凡用人者相勉交濟庶無傾覆否則民國始造改絃未聞末世頽波笑柄難播早夜以思悚歎無地仁壽及此國之福也歲青起廢敢不書紳。

致樊樊山函

屢誦來電詞意堅確自愧誠悃未能回動名賢之意然為國計不能不望執事之翻然而起軍興半載民牧之權併於軍吏六朝方州晚唐鎮帥履霜有漸水深火熱幾於莫挽黎副總統獨見其大首先倡導從新曲突固謝民政以屬執事此誠中國之福執事學術抑揚實重舉世所欽庚辛之間屢與大謀功在生靈而人莫識出其餘緒以治關中即款集事舉民無勞怨召杜韓范蓋曰一人屈指當時殆無儔對陶侃督荆必資溫嶠允文參樞特推張棧鄂於全國實為中樞眾民而安區夏自理玄纒束帛敢項再三南望滄海拳拳無已為民造福為國延期執事

之名斯為不朽。

致岑雲階函

國基甫定。凱以棉薄。謬荷公推。夙夜兢兢。深懼始謀弗臧。無以範垂久遠。倘非大雅宏達。匡其不逮。何以廣集眾思。裨補闕漏。茲敬屈先生為顧問。以資矜式。而備諮詢。庶幾勉策進行。幸無煩越。伏念國步之艱難。不以肥遯而忘天下。非凱一人之幸。海內同胞。實共賴之。臨風延佇。敬迓高車。

覆湯藝仙電

來電悉達。役歸來。勞塵足念。民國成立。經緯萬端。亟待諮詢。實關大計。與躅莫致。良用歎然。尊論足以箴時。砥俗。中流一柱。有裨世道。曷勝敬佩。

附湯藝仙復電

豔雷祇悉。壽潛歸養。將廿年。老父逾八旬。以去秋革命。揭明種族。懼召外釁。漢滿同盡。會浙人公推。勉出督浙。明人道之養。倡優待之說。為全局救劫計。舉個人冒不韙。承之逾月。閩京口駐防均視。抗旗而下。遂克江甯。臨時政府已成。南北和使開議。迅即辭任。並以七不可力辭交通。冀免熱中。自葆初志。南冥之行。非無感情。自生沮力。債票以軍需用。鑄成大錯。幸荷取銷。萬里遠役。一錢不名。方切懺惶。轉叨顧問。六月望返滬。執號函懇內閣。代謝不敏。想達鈞鑒。復辱敦促。念遠則陳情之表詞非一。近則辭職之函墨未乾。豈有不愛良親。而能愛國。

大總統手造時勢。肩任宏巨。正宜養廉退為國風。無論競利固屬小人。即貪名亦非佳士。若誤識殷口之虛名。轉致樊英之失據。流統將沿成風。氣穢濁更不減勝朝。列強承認。輿情向背。咸屬耳目。甚不願共和前途。或自壽潛敗壞。有方鈞命。其迹似元。其誠可憫。千萬鑑焉。

致康南海

去國念年。因心銜慮。犬著發行政見。足為薄俗鐵砧。欽仰無似。凡河汾弟子。京洛故人。均言先生不願從政。而有意主持名教。舉國想望丰采。但祈還轅祖國。絕不敢強以所難。敬具蒲輪。鵠候明旆。何日稅駕。湯盼德音。

附覆電

亡人員罪。久播異域。有母八十。莫奉尸瘞。遂竟見背。永維哀悼。崩摧肺肝。過承厚賜。感刻不任。葡葡奔喪。不及言謝。遲次得門人梁啓超電。轉述尊意。拳拳故人。歸國則待以特殊之上位。還鄉則代籌警備之末周。昨抵香港。又接須磨寄來東京使館轉明公冬電。隆文稠疊。辱以蒲輪。召還蘇武。傷其去國之久。訪於箕子。本無陳疇之材。斬然衰經。不入公門。母死謂何。敢有他志。加以兩世之先塋被掘。廿年之遺骨須收。痛絕撫棺。並陳新舊。懷涼營菽。難返鄉閭。重以寡婦六十。病乳三載。沉綿床褥。天忽朝夕。是以魂魄飛越。豈知人世。固無心預聞政治。難補涓埃。更未由北首燕路。上承明問。伏望明公幸垂矜原。若夫大教淪胥。人心陷溺。則中國可亡。而種族隨之。實為遂古所無之變。同於金甲無避之義。他日誓墓餘生。未忘扶持。

所至託於徇鐸。尊聖衛道。想公同心。冀公援手。聖教幸甚。藉賴鳴謝。康有為叩。

致康南海 (三)

念年契濶。懷想匪任。每讀大著。救世苦心。昭然若揭。賢者有益。人國於茲。確信。比大難粗平。百廢待興。方思與天下之才。共天下之業。浴社故人。河汾弟子。咸占景運。宏濟艱難。憂國如公。甯容獨善。立盼戾止。論道匡時。故具蒲輪。以俟君子。

附覆電

曾復文電。想達託室。頃由龍都督李民政長轉到。即日文電。懇懇孝念。垂存故人。仰見明公。復若訪。求治之盛心。鄙人何以當之。賢莞在疚。自念得罪久亡。重遇靈革。致八十餘倚。閻盈盈望絕。不孝之罪。上通於天。頃歸省遺澤。觸處崩痛。執杯栝而慟絕。撫几筵而隕心。物在人亡。形存神悴。加割傷未愈。衰病侵羸。冥渺病危。奄在旦暮。雖憂國難忘。而思親未已。幸曲賜惠憐。俾盡哀慕。亦明公教孝之美。或補清化。垂涕感叩。有為。

致康南海 (三)

昨奉復電。既觀望於高蹈。抑感歎於純孝。奪情之舉。固非敢施於守禮君子。邈世之行。又豈所望於愛國仁人。所望葬祭粗完。控輒仍戾。發摠偉抱。於式國人。比者大教凌夷。積流在目。閭俗峴團。動魄驚心。匪有大哲。孰為修明。執事毅然。以此自任。其於正人心。培國本之功。又豈今之從政者所可擬。綿力所逮。敬當共贊。霜風漸厲。諸惟節辰。為道自重。

附覆電

強學舊游相望垂白託室騎兵庶范雲之善詒訪澤如腹存嚴陵之故人問道求言三微未
已獲以銜恤莫酬隆禮情豈忘於憂國而創深巨於恩親不呼喪門幸惟垂憫承許翼教相
助拯救人心感不去懷中國猶有望耶昔沛公草創入魯而禮太牢漢宗尊聖登堂而躬下
拜頃歲俎豆停廢鈔誦斷絕人無尊信手足無措四維不張國滅可憂伏望明公親拜文廟
或就祈年殿尊聖配天令所在長吏春秋朔望拜謁禮聖下有司議令學校讀經必可厚風
化正人心區區迂愚竊用報禮幸祈裁察康有為叩。

致趙爾巽延聘充任清史館館長

選啓者有清一朝典章具備且值政治更張之會尤關歷史考鏡之資茲據國務院呈請設置
清史館業予照准夙論執事學識淵深講習掌故用特竭誠延聘充任館長務希概允擔任襄
茲感舉薰沐以請無任禱祝即訊日祉。

第二十類 史治

布告內外文武官員文

本大總統於中華民國元年三月初十日舉行受職禮自念德薄能鮮膺茲重任兢兢業業惟
以隨越是懼惟我民國建設伊始統一政府初立所以策安全求幸福者千端萬緒摩造艱難
是皆賴我內外文武各官協力同心共擔義務諸君皆具愛國之熱誠為斯民所倚託當此瘡

疾未復。責望正殷。苟有可以破除成見。保持公安。謀秩序之挽回。善政事之統一者。本大總統當與諸君竭力圖之。並當相見以誠。相規以善。以期互維大局。真我邦基。是則本大總統所冀。厚望焉。願與諸君交勉者也。特此布告。期眾週知。

布告內外文武各官員照舊供職文

現在共和國體。業經宣布。世凱忝膺組織臨時政府之任。力小荷重。深懼弗勝。竊念政府機關。不容有一日之間斷。現值組織臨時政府。所有舊日政府。目下仍當繼續進行。庶政方新。百端待舉。全賴羣策羣力。互相匡濟。務以保全治安。共扶大局為要。現在新官制未定以前。凡現有內外大小文武各項官署人員。均應照舊供職。毋曠厥守。所有各公署所行之公務。應司之職。掌。以及公款公物。均應照常辦理。切實保管。不容稍懈。倘有借端詭避。曠厥職守者。不獨違背官規。抑並放棄國民義務。竊願在官諸君子。共懷此意。

整肅官箴文

傳曰。國家之敗。由官邪也。官之失德。寵賄彰也。近歲以來。賄風熾甚。除授如市。道路駭聞。用者為人擇官。官者為紳擇利。政治腐敗。民怨滋深。現民國創興。必須滌蕩穢惡。以正百官。而懲亂本。所有苞苴賄賂。亟應一體禁絕。此後如有嘗試及招搖者。飭所司執法嚴繩。決不寬貸。切切此布。

誥諭百僚文

方今民國初基。政治之原。首在任用賢能。掃除弊蠹。近歲以來。是非倒置。黜陟不公。致鑽營奔走之風大開。謹厚者或貶節以求全。巧滑者益趨夫而忘恥。官方既紊。職守全乖。傾覆之由。多在於此。此等惡習。自應痛加肅滌。務絕根株。為此通諭百僚。須知凡屬官員。皆係為民服務。官規具在。莫不負應盡之責任。而無持別之利益。何得存非分之希冀。而作無謂之營求。況佐治需才。果有寸長。奚患淪棄。自今以往。該管長官。毋得以好惡為取舍。喜怒為進退。如有此等情事。屬員准其申訴。倘屬員對於長官。再有鑽營奔競情事。必當重於懲戒。以肅官常。維我同官。各宜精白乃心。求身自愛。毋負本大總統殷殷誥誡之意。此布。

誥諭百官有司文

民國肇建以來。各省政令。猶仍用一時權宜之制。以是籌裕民生。謀復秩序。事非易易。現今統一政府。完全成立。凡內外百司。職權所在。責任宜明。所有各省都督軍警長官及地方官吏。既以保民為專職。即以定亂為考成。使法出不信。令出不遵。則亂日以滋。民日以困。安危存亡。機決於此。自今以往。各機關以次完備。各法令以次察施。不得自為風氣。各顧其私。設有阻撓。侵越。致妨大局。是為人民之公敵。即為國法所不容。若復姑息遷延。養癰成患。辜負國民付託之重。其何以對天下。應責成各省都督軍警長官及地方官吏。宣布斯意。申儆邦人。毋畏強禦。毋侮鯁寡。庶幾公道日明。人心相善。民國之基。得以鞏固。本大總統受五大族公同推舉。際此時艱。惟不能稱職。是憂。夙夜軫念。惟在民生。未敢博寬大之美名。而曠隱忍之實禍也。

布告豁免官員因公虧累款項文

往者政網不振。以弊養官。貪穢者每擁厚資。虧累者間多廉吏。非所以勵官常也。軍興以來。各省地方官吏。每因交代短絀。託跡他方。迨究雖嚴。措支無幾。其中多財自殖。意存觀望者。固不乏人。而生計維艱。勢成坐困者。亦殊可憫。當此共和底定。宜以仁政為先。除侵吞有據。仍當分別勒追外。其餘自民國成立之日起。凡從前廉能之吏。實係因公虧累。無款可指者。應即由各省都督或民政長查明。概予豁免。以崇寬大。而昭公允。特此布告。

令各省民政長整頓吏治文

共和國家。非有極良之政治。則人民幸福。亦屬空談。本大總統受職以來。於中央之統一。地方之秩序。夙夜兢兢。各都督民政長。身任地方。當亦同以國民福利為前提。乃政府成立半載有餘。起而環顧吾民生計。竟日趨於困窮。元氣逐日淪於凋敝。寇攘者不絕於道。流亡者莫安其居。火熱水深。羣生弗遂。此種現象。念之心惘。本大總統推原禍始。則吏治不修。法度不立。實為地方政治腐敗之原。蓋惟吏治不修。則任用非材。而與者或以官為市。法度不立。則考成失實。而受者愈以利為誘。馴至催科弭盜。視為具文。溺職爭權。漫無督責。長民之吏。適以厲民。若不責成。各省行政長官。立予更始。誠恐民怨所集。隱患不可勝言。現在各項官制官規。制定議決。均尚需時。倘再因循坐待。恐吾民之疾苦愈深。將來之補救愈難。特此通令各省都督民政長。嗣後任用府廳州縣各知事。務當慎擇賢能。分別保薦。其資格標準。悉以夙有政治經驗及政

治學識者為限。至現任各官。政府業已另定甄別辦法。應由該管都督民政長。先自現任各府廳州縣知事起。一律嚴加考核。如果現任人員。毫無學識經驗。而服官後又一無成績者。即行撤任。無論何人。不得率以有功民國為詞。稍涉瞻徇。其才能勝任之員。亦不得以本籍外籍定其去留。但有政績可指者。准由各該都督民政長。列其事實。隨時呈報本大總統。必量加優獎。以勵賢勞。此外佐治各員。本為輔助行政而設。亦應留賢汰冗。以肅官常。至於任免職員。按照約法。為本大總統特權。迄民國初建。以至於今。在任府廳州縣地方各長官。尚多未及任命者。似此擁官吏之職權。而不具任命之形式。實非統一國家所宜。應由各省都督民政長。於此次遵令考核後。除佐治各員。准其就近核辦外。遇將勝任知事各員。開具詳細履歷。並分別加具切實考語。彙案呈由國務院呈請本大總統補行任命。以後如有調任之員。均應依此程序。分別辦理。惟是地方長官。責任既重。事權宜專。凡經呈請任命各員。但能勉負責任。恪守職權。法律自必予以保障。不使之有患得患失之心。庶居官者。人人能盡其材。則在野者。人人可蒙其福。共和之治。此其權輿。各都督民政長。忠於謀國。諒有同情。須知澄叙官方。即所以盡心民瘼。幸其力圖進行。勉旃毋忽。此令。

令各省行政長官不得逾越範圍文

官制官規。應由本大總統制定。參議院議決。約法專條具在。無論各省行政長官。及地方議會。均不得稍逾範圍。昨據國務院呈。據直隸都督馮國璋。呈稱。現今酌擬考試府廳州縣官暫行

辦法。咨送順直臨時省議會開會公決。爰將前經議決任免簡章酌量加入。並略為修改。定為辦法十七條。准咨錄請核覆等語。查考試官吏辦法。係屬官規性質。既非該都督所應提議。亦非該省議會所應議決。此等顛違約法之案。若不立予撤銷。設或各省相率效尤。則國家統治大權。勢將旁落。現既外患內憂之交迫。正以振綱飭紀為要圖。長此政令紛歧。試問何以為國。況任免職員。為本大總統約法上特權之一。該議會竟將任免簡章。率行加入。是中央議會所不能自行提案者。而地方議會轉得因以為伸張權限之謀。弁髦約法。莫此為甚。應飭將該議案作廢。以一政權。惟細核所呈考試府廳州縣各辦法。尚出於整頓吏治之苦心。本大總統前已制定文官考試任用各法案。提交參議院。不日即將議決。一俟公布施行。該都督該議會所欲藉以為澄叙官方之具者。屆時不患無所遵循。在各項官規未公布施行以前。所有府廳州縣以上各官吏。應責成各省行政長官。依照現行法令認真考核。隨時分別呈由本大總統任免。俾策進行。其現行法令之關於官制官規事件。如須改定辦法。均應呈明本大總統核辦。應咨參議院議決者。本大總統自當按照約法。分別交院。各該都督民政長不得率向省議會提議。以符約法而杜糾紛。此令。

通飭各省組織畫一行政官廳文

利國福民。首在改良政治。而改良政治之樞紐。繫於法律之良窳與官制之得失。自統一政府成立以來。雖中央官制業已公布施行。而地方官廳尚多各為風氣。誠以共和宣布。其時政府

計畫。惟注重於軍事財政外交諸大端。對於各省地方。亦祇以回復秩序為急。故官廳之如何組織。不暇一一深求。究非整齊畫一之道。就目前現象而論。各省同此一司。而南北之名稱互異。同為一長。而彼此之權限各殊。至於道府並存。府縣相轄。則尤沿襲前清之弊政。大戾改革之初心。此外特別官廳警察官署。系統既不明。編制復多歧出。以致紀綱愈墜。政令愈廢。官治愈替。民生愈悴。本大總統慨念時艱。疚心無已。迭經飭據國務會議。僉以地方制度。固為民國百年之遠謀。而現行機關。宜有暫時畫一之辦法。是以本大總統決定方針。特就各該地方現行官廳。先從畫一組織入手。所有現設各省各道各縣以及特別行政。並警察行政各官廳。於其各本官制未公布以前。均應悉依各本令辦理。為此通令京外各官廳。凡現行各項官廳組織。有與各本令所定畫一辦法不符者。均須分別遵照改定。一面為整齊現制之圖。即一面為施行新制之備。至地方制度。其關係於國家之強弱。與國民之休戚者。非常重大。究應採取如何主義。始可得國利民福之精神。政府提案。業已至於再三。現正從長修正。不厭求詳。一俟參議院決議。再行公布施行。各該長官當念國體驟更。物力不易。行政所需費用。悉出國民脂膏。組織能早一日就緒。即地方可步一分更張。我國民亦可稍輕一重擔負。此次各令公布後。務各力任其難。按照政府計畫。以民國二年三月以前為限。一律辦齊。以慰國民嚮嚮望治之心。共和建設。來日方長。曰為改歲。勗哉勗哉。此令。

通令整飭官常文

民國成立。瞬逾一年。百度更張。日不暇給。深維禮教之不修。法律之未備。對於從前執政。未能一一廓清。本大總統深為負疚。願提綱挈領。以整頓吏治為最先。正本清源。以旌別人才為尤急。國家之敗。由於官邪。將欲慎選賢能。必須嚴懲貪墨。自吏道墮壞。賄賂公行。剝民脂膏。以官為市。社會不平之氣。鬱久必洩。故人人以改革為方針。今政體既已變更。斷不容蠅營狗苟之惡風。稍留萌蘖。況平民政治。官吏所受俸給。不啻雇傭之對於主人。此外妄取絲毫。即千重典。現行刑律。官員於其職務。要求賄賂。或期約。或取受者。處三等至五等有期徒刑。因而為不正之行為。或為不相當之行為者。處一等至三等有期徒刑。懲罰不為不重。用特申儆。京外有職人員。如有容受賂賄。一經發覺。立即按律懲治。其各洗心滌慮。謹爾官常。倘或簞篋不餉。失德昭彰。決不能稍予寬容。致為民國前途之汙點也。此令。

通令整肅官箴文

國家設官分職。所以為民任事。俸給公費。皆國民之脂膏。凡行政官吏。應如何竭誠奉職。盡心公務。斯無負於被治者之負託。民國初建。庶政待理。既出筮仕。即有應負之責任。乃近日官常紊亂。人人謬解共和。並無紀綱。不受拘束。既受任命。又視為無足重輕。或除授日久。而不到任。到任之後。稍遇挫折。即相率辭職。名為高尚。其實畏難規避。履官居如傳舍。視命令若弁髦。遁脫淳矣。浸成風氣。此而不革。何以為國。若國務總理內務總長。迅即釐定各官吏到任憑限。並將文官考試任用甄別懲戒各法。再行嚴定。次第實行。凡屬內外官吏。均由各長官切實稽察。

奮率盡職。毋任藉口辭卸。或營謀遷調。以杜徇官倖進之途。至懲宥肇亂之時。地方官吏。或棄職潛逃。或甘心附逆。肆無忌憚。尤屬有玷官箴。嗣後如遇有前項情事。一經拿獲。即行盡法懲治。毋稍寬假。自古鞠躬盡瘁。臨難不苟之忠臣義士。大抵効忠於君。今則共和國體。凡從政之人。即當効忠於國。忠之為義。亘古不廢。官常所在。大豈有他。本大總統受國民託之重。惟有旁求俊乂。同負責任。明定賞罰。以肅紀綱。凡我百僚。務宜共體斯意。尤盡厥職。有厚望焉。此令。

第二十一類 附錄

追祭先烈文

維中華民國元年十月十日。大總統袁世凱。謹遣國務總理趙秉鈞。追祭於有功民國死事諸將士之靈。而致詞曰。荆高云歿。我武不揚。沈沈千載。大陸無光。時會既開。國風丕變。帝制告終。民豪聿見。神皋萬里。禹迹所區。誰無血氣。忍此濡需。矯首仰天。龍飛海嘯。雷震雷激。日月清照。蹉跎不遂。委骨荒邱。壯心未已。毅魄長留。嗟我新民。毋忘前烈。煥國徽令。自由之血。革故既終。鼎新伊始。靈爽式昭。勗哉君子。尚饗。

小葛柳堂寫本首楞嚴經序

佛法自南北朝間。號為極盛。於時法華楞伽華嚴諸大經教義。流行遍於海內。惟楞嚴至李唐始入中土。最為晚出。所謂純用第一義諦。示圓融之大定者。誠非斯經莫屬。今本皆題般刺密帝譯。彌伽釋迦譯語。房融筆受。然考諸傳記。尚有懷迪。惟愷等。皆云親譯。是經蓋梵文浩穰。殊

音聲。審勘維艱。知非一二人之力所能卒業也。釋氏立教深廣。無滲後人各以所得。自為宗派。如法華。則因龍樹中論因緣一偈。創立三觀。至天台智者。親證靈山三昧。而其道大顯。今之習禪定者。罔不由之。楞伽則自達摩東來。手授慧可。六傳而分南北二宗。然其旨在不立語言文字。迨南嶽青原而後。花五葉。竟符前記。此教外別傳之法。陳義至高。禪宗心印。於斯而極。華嚴譯自晉時。光於唐世。自杜順至圭峯。別立華嚴五祖。十門六相。推闡無遺。獨楞嚴一書。千餘年來。注釋至多。而未聞有人由之修證。以別樹一幟。與諸宗相頡頏。亦斯經之憾事也。余嘗觀其第五卷。以後。敘二十五聖。各述最初成道。從何根入。且謂此界眾生。求無上道。何方便門。得易成就。於是文殊師利。承旨說偈。極推觀音。反聞為圓通第一。則是聞思為此經之要領。應此土之機緣。讀者不察。往往以止觀之義釋之。雖於佛理無悖。而於經義實乖。又奚怪得其門者之無人哉。吳女士芝瑛。夙耽禪脫。發願宏大。手鈔此經全部。將於西湖北峰。造十三級浮圖。以貯之。康惠泉君持寫本來京。乞言。余因畧述此經大旨。使世人因之以推闡遺法。兼以贊女士寫經之功德。則大願尤不可思議矣。至女士書法。久負當代威名。初學董文敏。得其神韻。嗣習崔敬菴。摹熟。及寫此經。留謂有得於元公。姬氏二語。筆意五百年後。自有定論。可無贅焉。中華二年。袁世凱。擬命次男克文。沐手敬書。

清光緒帝后奉安喪祭祭文

中華民國二年十二月十二日。大總統袁世凱。謹代表國民。遣官趙秉鈞。梁啟超。梁士詒。朱啟

發。應。此。禮。陸。建。章。馬。龍。標。等。致。祭。於。大。清。德。宗。景。皇。帝。大。清。孝。定。景。皇。后。之。靈。曰。神。雖。幽。潛。
 哲。靈。永。逝。經。緯。首。緒。川。原。霧。集。素。蓋。被。原。珠。襦。啟。秘。感。均。八。極。惠。流。千。禩。銜。宸。述。德。幽。明。靡。紀。
 洪。維。聖。皇。英。姿。天。挺。聰。鑒。遠。昭。睿。思。內。正。愛。深。天。步。開。張。聖。聽。啟。迪。民。智。發。揚。大。命。五。洲。動。色。
 無。不。順。應。益。彰。孝。治。勤。修。溫。清。問。寢。潔。海。竭。誠。盡。敬。達。天。之。感。眇。然。升。遐。攀。翬。號。慕。撫。膺。痛。嘆。
 積。宮。月。黯。天。衢。雲。垂。瞻。顏。失。覲。崩。角。何。如。欽。維。聖。后。充。昭。坤。德。惠。問。川。流。芳。徽。淵。塞。登。曜。中。闕。
 禱。祐。是。式。俾。育。嗣。皇。幼。勞。無。斁。帝。樞。潛。翰。默。造。民。國。爰。順。天。心。益。彰。讓。德。黃。圖。仰。智。蒼。生。蒙。澤。
 云。何。不。吊。靈。景。告。祿。椒。塗。池。御。蘭。殿。凝。陰。六。宮。雨。泣。四。海。推。心。鼎。湖。悼。昔。桂。寢。悲。今。山。陵。峨。峨。
 龍。鸞。蔽。擁。煙。樹。屏。紆。雲。峰。翌。拱。萬。鍾。罷。舉。千。官。肅。奉。同。穴。夙。期。蒼。梧。可。從。匏。筮。協。吉。堤。隄。告。啟。
 中。林。動。旆。祕。殿。徹。几。鬱。鬱。幽。宮。祁。祁。同。軌。安。體。元。虛。戴。靈。玉。隨。九。京。不。作。重。輪。永。閉。醜。以。告。虔。
 莫。以。宣。悲。懷。仁。慕。義。有。涕。同。揮。尚。饗。

清光緒帝后奉安告祭祭文

中華民國二年十二月十二日。大總統袁世凱謹代表國民。遣官趙東鈞。梁啟超。梁士詒。朱啟
 鈞。唐昌。崑源。陸建章。馬龍標等。致祭於大清德宗景皇帝。大清孝定景皇后之靈。曰。嗚呼。過密
 而如喪考妣。已鞠天上之義城。聞善而若決。江河。同頌女中之堯舜。三千。續神功聖德。民不能
 忘。卅六宮。懿範。徽音。又猶可述。惟我德宗景皇帝。沖齡踐祚。變法圖強。孝思不廢。於寢門。儉德
 彌彰。於卑服。龍髯。遽逝。鼎湖。棄鳥。號之。子。馬。鬣。未。封。香。泉。待。魚。膏。之。燭。望。蒼。梧。而。呼。虞。帝。不。返。

六城歌黃竹而吊周王。難回八駿。考定景皇后。光門表瑞。妙帷垂型。驟傷別鶴。於離鏡復感聞。麟於失鏡。神器不私一姓。大同則天下為公。憲澤流於手春。讓德則萬邦惟憲。方冀暈禴日暢。慈竹長青。何期鸞掖風淒。祭花竟白。衝辰二聖。永痛重泉。在天之靈。爽終憑華土之哀思。彌切雖配天配地。無改駿奔之容。而昇陽葬陰米合鮪魚之祭。今者靈輜並舉。吉壤同安。六合霜悽。萬人雨泣。拜漢家之陵墓。長對南山。降帝子之靈旗。傲逢北渚。鬱蔥佳氣。定產夏黃之芝。蓬密幽巖。豈愴冬青之樹。再窺松柏。應見雲飛。蓬薦櫻桃。侍看春熟。九夏飲帝臺之水。象為耕而烏為耘。八風懷女几之山。鸞自歌而鳳自舞。尚饗。


祭故直隸都督趙東鈞文

民國三年三月二十二日。大總統袁世凱。遣秘書長梁士詒。致祭於故直隸都督陸軍上將趙君智庵之靈曰。英英上將。才掩摩豪。忠誠勸翼。勞苦功高。長城久倚。北管今操。賴安畿甸。永劫神異。奪我良佐。聞噩驚弓。傷逝念功。至今鬱陶。管契之祈。已共欣戚。或股肱是效。賢明足弼。密慮周思。促席決策。或祈大疑。或替宏畫。式安上京。奠定民國。惟君之勳。永昭簡冊。達綜政柄。安食靡違。嘉端造始。百度槍擗。危時支柱。國論蜩螗。犀喙盡起。誇談鶴張。獨持寧靜。不失故常。中樞解柙。警備專司。南疆倏擾。北境憂疑。消萌夕燧。鎮亂郊圻。洗兵江左。嚴解京師。古燕節鉞。北直旄麾。非君莫任。披袂馳驅。既紓近顧。賴起宏規。天不憖遺。竟隕賢輔。風馬遽馳。陳駒不駐。永哉重泉。長隔邱墓。撫膺悼德。沉涕念故。臨醊既阻。銜怨靡吐。感深部曲。哀動婦孺。設位追懷。銜

楊錦素。山川博軒。魂魄德慕。鑒予悃誠。永彰冥蒼。酌酒告虔。靈其來赴。尚饗。

祭直隸都督趙東鈞文

維中華民國三年三月一日。大總統遣陸軍上將唐昌。致祭於陸軍上將銜。勳一位。直隸都督。兼民政長。趙君之靈曰。巖巖外古。湯湯伊洛。俊哲挺生。靈秀磅礴。繫惟趙裔。實國元功。如何不弔。竟隕霜風。弱冠投筆。從軍萬里。喋血柳屯。銘功葉水。曰界戎晉。曰易壁田。問途訪俗。天馬修鮮。構福九江。孟郊漂邑。更憶廿秋。清風彭澤。金吾是翊。司徒是佐。京邑翼。保安斯荷。辛亥之各區。夏勝滌。首建大猷。曰惟民責。伏蒲建章。傳檄征鎮。百計調護。許漢斯冠。胥虛洪化。唐虞咸軌。一紙息兵。歡騰歐美。兩吉不言。安世謹畏。指蹤之勞。漢功曰最。平章庶政。興頌畿甸。九伐宣威。八極清晏。胡為不祿。大星竟墮。如津無梁。如渡無舸。山邱華唐。瑤漿室。功在千秋。凌烟褒鄂。尚饗。



中華民國十五年三月八版



袁大總統文牘類編 全書一冊

定價大洋四角

編輯者 會文堂編輯所

閱校者 琴石山人

印刷者 上海開北會文堂印局

發行者 上海會文堂書局

分發行所 北京楊梅竹斜街 會文堂書局

漢口黃陂街 廣東雙門底 奉天鼓樓北 濟南西門大街 長沙南陽街

總發行所 上海河南路地球場 會文堂書局

